





劉賓客文集卷第十四

表章四

牋附

謝念為竇中丞謝上表

謝中使送上表

皇帝賀收蔡州表

賀赦表

賀赦牋

賀雪鎮州表

賀平淄青表

夔州謝上表

賀冊皇太子表

慰國哀表

賀龍飛表

賀皇太子牋

賀赦表

賀冊太皇太后表

賀冊皇太后表

和州謝上表

賀改元赦表

夔州論利害表二首

賀為容州實中丞謝上表

羣時在朗州相
達因以見託

臣某言伏奉某月日制書授臣容州刺史兼御史中丞充本管經略招討等使臣發開州日已差某官某乙奉表陳謝伏以道途遐阻水陸縈紆臣以今月某日到本任上訖謹宣聖旨慰諭遠人臣本書生素無吏術頃因多幸賁自丘園累沐聖慈驟居清貫識昧通變動乖事宜愧無善狀以塞公責伏惟獻聖文武皇帝陛下凝旒穆清洞照寰海推共理之義分寄股肱念蒸人之勤溥霑遐邇察臣前任事實恕臣本性朴愚賜以恩輝拔於廢棄遠辭偏郡重委方隅捧印

綬以為榮望闕庭而增戀雖到官之始惠未及人而率下之誠務先克己凡施政教皆稟詔條參以土宜遂其物性可行必守有弊必除使蠻夷生梗之風慕臣子盡忠之道力誠不足心實在茲伏乞聖明俯賜昭鑒無任感戴屏營之至元和八年云云
謝中使送上表

臣某言中使吐突仕曉至奉宣聖旨慰諭并送臣至本任者深山遠郡忽降王人跪受恩榮仰瞻宸極伏以發自巴峽至于南荒涉水陸湍險之途當炎夏鬱蒸之候山川縈轉晨夜奔馳幸無它疾得至本管九

重結戀遙傾捧日之心萬里獲安皆荷自天之祐無
任感戴屏營之至

本州管內賀收蔡州表

臣某言伏見詔書以唐州節度使李愬生擒逆賊吳
元濟獻俘文武百寮於興安門列班稱賀者天威遠
被元惡就誅一方既平萬國咸慶伏惟叡聖文武皇
帝陛下德超遂古道合上玄臨御已來天人協贊削
平吳蜀掃蕩塞垣車書大同夷狄來貢叢爾元濟敢
懷野心輒聚犬羊苟偷時月陛下聖謨獨運叡惑潛
通天助神兵人生勇氣既擒兇逆遂正刑書伏三紀

之逋誅成九衢之壯觀宗社昭告華夷式瞻行帛代
而在禮無違烜威聲而何城不克楚氛改色淮水安
流漢土疲人盡霑雨露汝南遺老重覩昇平凡在具
臣孰不欣抃臣久辭朝列恭守遐藩不獲稱慶闕庭
陳露丹慊仰瞻宸極倍萬群情無任踴躍慶快之至
元和十二年十二月二十三日

賀赦表

臣某言伏奉今日制書大赦天下者聖德廣運
浹于華夷天光下臨照彼幽蟄伏惟叡聖文武皇帝
陛下神扶寶祚天贊鴻猷意有所之事無不克當淮

右凱旋之後是域中慶幸之時順陽和以發生施霈
澤於寰海網開三面危疑者許以自新耳達四聰瑕
累者期於錄用求碩畫於庶位慮道材於放臣旌忠
烈之家賞勲庸之胤仁及枯骨無隔於寇戎榮加顯
親普霑於存沒恤刑已責實廩蠲徭頒錫彰有客之
詩崇儒協宗子之望岳瀆咸秩耆艾飲和太僚承任
子之恩武旅荷賜金之寵斯皆禹湯文武之遺美高
祖太宗之耿光集于聖朝然後大備德音所至和氣
隨之歡謐上徹於九天福祚永延於億載能使遠夷
屈鄰豈惟小醜草心率土人臣不勝大慶臣久辭闕

下格守海隅犬馬之誠倍百常品無任抃躍屏營之

至

賀赦牋

使持節連州諸軍事守連州刺史劉某惶恐叩頭伏
見今月一日制書大赦天下者伏以獻歲布和皇恩
遠降乾坤交泰寰海廓清伏惟皇太子殿下道冠元
良德兼忠孝承顏拜慶榮耀古今某職守有限不獲
隨例稱賀宮庭無任欣說之至元和十三年正月二

十九日

賀雪鎮州表

臣某言伏見四月二十七日德音以王承宗效順著
明復其官爵所獻二郡別置藩垣聖德動天鴻恩及
物瑕累咸滌蒸黎永安伏惟獻聖文武皇帝陛下自
承寶位克振皇綱既以四海為家每念一夫不獲昨
因大慶爰降殊私廣宥過之科開自新之路綸言一
發神聖潛通遂令迷誤之徒頓釋憂危之慮命胤子
以入侍獻名都以效誠臣心既明天綱為解因析四
郡別為一方惟懷永圖盡去前弊大河以北化為禮
樂之鄉率土之濱重見昇平之日臣恪居官次遐守
嶺隅不獲稱慶闕庭無任踴躍屏營之至

新起十華賀平淄青表

臣某言伏見制旨魏博節度使所奏逆賊李師道并
男二人並梟斬訖以二月十六日御宣政殿受賀者
聖德玄運兵威神速旬月之內鯨鯢就誅秦嶽既寧
登封有日伏惟獻聖文武皇帝陛下有征必克舉意
無違天地協神筭之期雷霆助成師之氣蠢爾孽豎
敢生野心蕭斧一臨妖氛自滅皆由聖慈廣被獻略
潛通獻俘者盡許生還得地者復令安堵感我仁化
激其深衷凡是魯從盡思效節五紀巢穴一朝蕩夷
遂使齊魯之鄉復歸仁壽之域捷書既至傳首繼來

備文物於明庭告殊勲於清廟百辟陳賀萬方會同
從此止戈所以為武西周士庶方觀飲至之容東嶽
煙雲已望告成之禮臣恪居遠服嘗忝班行慶快之
誠倍萬群品無任踊躍屏營之至元和十四年三月
二十四日夔州刺史謝上表
臣某言伏奉某月日制書授臣使持節都督夔州諸
軍事守夔州刺史跪受天詔神魂震驚伏惟文武孝
德皇帝陛下垂衣穆清叡鑑旁達三統交泰百神降
祥浹于華夷盡致仁壽臣家本儒素業在執大貞元

年中三忝科第德宗皇帝記其姓名知無黨援擢為
御史在臺三載例遷省官權臣奏用分判錢穀竟坐
連累貶在遐藩先朝追還方念淹滯又遭讒嫉出牧
遠州家禍所鍾沈伏草土禮經有制羸疾僅存甘於
畎畝以樂皇化伏遇陛下大明御宇照燭無私念以
殘生舉其彝典獲居善部伏感天慈臣即以今月二
日到任上訖碇水千里巴山萬重空懷向日之心未
有朝天之路無任感恩戀關之至長慶二年正月五

日夔州刺史謝上表
臣某言伏賀冊皇太子表
臣某言伏賀冊皇太子表

臣某言伏見制書以十二月二十日冊皇太子盛禮
斯畢德音遐宣萬國以貞庶類咸說伏惟文武孝德
皇帝陛下體元立極垂訓御時既闡王猷思安國本
前星位定拱宸極以昭彰蒼震氣宣與天地而長久
禮光七鬯澤被華夷宗祏有無疆之休生靈懷莫大
之慶臣恪居官次遐守巴南不獲稱賀闕庭無任踴
躍屏營之至長慶三年正月日

慰國哀表

臣某言上天降禍大行皇帝奄棄萬國奉諱號擗糜
潰五情伏惟皇帝陛下孝思至性攀號罔極臣恭守

所部不獲陪位西宮伏增感慕之至謹奉表陳慰以
聞長慶四年二月日

賀龍飛表

臣某言伏見詔書正月二十六日皇帝陛下嗣登寶
位萬國同歡日月繼明乾坤交泰伏惟皇帝陛下欽
承顧命惟懷永圖以大孝奉宗祧以至仁蘇品物洞
照寰海統和神人聖祚延長從今無極群生鼓舞自
此太寧臣守遐藩恪居官次不獲奔馳拜舞稱賀闕
庭無任抃躍屏營之至長慶四年二月日

賀皇太子牋

使持節都督夔州刺史劉某叩頭伏惟皇太子殿下
祇膺詔冊光啓儲闈展至性於三朝承本枝於百代
宗祏永固神人以和四嶽仰維嵩之高百川承少海
之潤某限以職守不獲隨例稱慶宮庭無任抃躍之
至
賀赦表

臣某言伏見今月三日制書大赦天下者大明初昇
萬物咸覩渙汗一發神人以和伏惟皇帝陛下天資
獻聖神啓昌期端拱受萬國之朝承顏奉兩宮之慶
初嗣大位克揚孝心三光協明和氣來應臣伏讀赦

令首於奉園陵盡誠敬親九族蘇兆人次及定章程
止進獻已逋責滌夙瑕內照于九重則歸嬪媵放鷹
犬外明于四目則求隱士開直聲柔遠以仁則還其
係虜賞延以禮則澤及後昆菲食遵夏禹之規弋絳
法漢文之儉墜典咸舉舊章再明昇平之期正在今
日發號之始疾於春風殊私所及霈若時雨臣幸逢
昌運歷事五朝出守遐藩僅垂二紀欣承霑兩作解
之澤不勝犬馬戀主之誠瞻望帝鄉無任屏營懇悃
之至長慶四年三月二十七日

賀冊太皇太后表

臣某言伏見制書以二月十八日冊立太皇太后徽
章克備慶賜遠行榮冠古今澤周寰海伏惟皇帝陛
下續承列聖歡奉兩宮大皇太后含飴保和重光疊
慶漢儀盛於長信周祚興於大任方之聖朝彼有慙
德臣遠守巴峽不獲稱賀闕庭無任抃躍屏營之至
長慶四年三月日

賀冊皇太后表

臣某言伏見制書以二月二十五日冊立皇太后盛
禮畢陳德音遠被一人有慶萬國同歡伏惟皇太后
稟靈作合誕聖表祥徽號極域中之尊慈仁為天下

之母陛下君臨有國子道無違長樂宮中永獻南山
之壽濯龍門上再揚東漢之風率土臣子不勝歡抃
臣遠守荒服不獲稱慶闕庭無任踴躍屏營之至

和州謝上表

臣某言伏奉制書授臣使持節和州諸軍事守和州
刺史臣自理巴賓不聞善最恩私忽降慶抃失容伏
惟皇帝陛下丕承寶祚光闡鴻猷有漢武天人之姿
稟周成敵哲之德發言合古舉意通神委用得人動
植咸說理平之速從古無倫微臣何幸獲覩昌運臣
業在詞學蚤歲策名德宗尚文擢為御史出入中外

歷事五朝累承恩光三換符竹在分憂之寄祿秩非輕而素蓄所長效用無日臣聞一物失所前王軫懷今逢聖朝豈患無位臣即以今月二十六日到所任上訖伏以地在江淮俗參吳楚災旱之後綏撫誠難謹當奉宣皇恩慰彼黎庶久於其道冀使知方伏乞聖慈俯賜昭鑒臣遠守藩服不獲拜舞闕庭無任懇悃屏營之至謹差當州軍事衙官章興奉表陳謝以聞長慶四年十月二十六日

賀改元赦表

臣某言伏見今月七日制書大赦天下者帝遊出震

聖澤如春神人以和天地交泰伏惟皇帝陛下丕承鴻業光闡敵圖吉日展嚴配之儀告天陳太平之盛九廟成禮百神降祥鑿輅旋衡風雲改色殊私廣被再弘莫大之恩寶曆惟新更啓無疆之祚兩宮承慶四海永寧率土臣子止千萬壽臣恪居官次不獲稱賀闕庭無任屏營之至謹差當州軍事衙官試慈州吉昌府別將徐倫奉表陳賀以聞寶曆元年二月十六日

夔州論利害表

臣某言伏準元和十二年四月十八日敕諸州刺史

如有利害可言者不限時節任自上表聞奏者臣伏見貞觀中詔許群臣各上書言利便馬周時一布衣遂因中郎將常何獻策二十餘事太宗深竒之盡行其言擢周為御史至龍朔中壁州刺史鄧弘慶進平索者精四字堪為酒令高宗嘉之亦行其言遷弘慶為朗州刺史則知苟有所見雖布衣之賤遠守之微亦可施用况臣蚤受國恩德宗廟忝為御史逮今歷事四朝頻領藩條當陛下至明之時是微臣竭節之日伏以守在遐郡不敢廣有所陳謹準敕上利害及當州公務各具別狀以聞伏乞聖慈俯賜昭鑒無任

感激屏營之至謹差當州軍事衙官守易州安義府別將員外置同正員雲騎尉馮隨謹奉表以聞長慶三年十一月七日

論利害表

臣某言伏準今年正月五日德音宜令諸道觀察使刺史各具當處利害附驛以聞者伏惟皇帝陛下睿哲自天績成列聖善述先志發揚德音率土人臣不勝慶幸臣虔奉詔旨宣示蒸黎伏以華夏不同土宜各異詳求利病謹具奏聞伏乞聖慈俯賜昭鑒臣伏覽國史竊見開元十八年朝集使至京玄宗臨軒親

問利害時宣州刺史裴耀卿上便宜事論轉輸甚詳
竟不行下至二十一年耀卿為京兆尹再以前事奏
論方見允納比及三年漕運七百萬石省脚三十餘
萬貫當耀卿前見不納必有人非之及後數年方展
其效臣僻守遠郡敢望言行祇奉詔書或冀萬一伏
惟明主擇之無任懇悃屏營之至長慶四年五月十
四日

劉賓客文集卷第十四

劉賓客文集卷第十五 表章五

賤附

為裴相公賀冊魯王表

為裴相公讓官第一表 并批答

第二表 并批答 第三表 并批答

蘇州謝上表 蘇州謝賑貸表

蘇州賀冊皇太子表 賀冊皇太子賤

為裴相公賀冊魯王表

臣某言伏見制書以今日冊魯王禮畢皇家有慶
寶祚無疆既榮本枝克固盤石伏惟皇帝陛下德符
列聖道冠前王孝敬承兩宮之歡虔恭奉九廟之祀

先崇大禮慶浹天人次念建封事兼家國伏以魯王
風承敵訓特稟天姿爰擇吉辰光膺寵用既示之以
君親之道又錫之以禮義之邦寰海聞風室家相慶
臣自嬰疾疹已歷旬時不獲展禮明庭拜舞稱賀

裴相公讓官第一表

并批荅

臣某言臣去冬得疾近日加劇西夕之景豈能久留
及其未亂披露誠懇臣犬馬之齒六十有七壽雖不
長亦不為短位忝公台近十五年皆由際會非以才
進常懼官謗以招國刑今被病得死保其始終為幸
甚厚豈復咨嗟所恨者遇聖明之君不得佐成太平

之化自量氣力忽恐奄然則有微素無階上達伏惟
聖慈昭鑒憐而察之伏以三公非曠職之地宰相非
卧理之官伏枕之初已有陳乞請罷真食兼辭貴階
伏蒙優詔纔遂一事頻降中使慰勉再三專令御醫
旦夕診視苟安名器不覺經時主恩則深公議不可
伏思陛下臨御之始宰臣四人逮今零落忽已一半
臣且危懼餘年幾何唯易直外鎮獨得無恙竊惟此
理權位難居伏乞賜臣停官許在家養疾就閒辭祿
或冀有瘳害盈福謙固是神理儻天眷綢厚念以伏
事多年臣之所陳未蒙便遂則國朝勳舊以疾辭位

者皆得致仕官使其家居足以頤養既有成例著於
舊章伏望天恩特賜哀允

省表具知夫爵位崇高以酬勲德君臣協契諒在
始終斯乃前王之令圖有國之彝典也况卿輔相
大憲祖逮于朕躬履歷四朝夷險一致服事君之大
節推濟物之深誠道光朝倫行滿天下倚注之意
豈同它人屬朕纂曆御乾興師伐叛騷動累歲端
相憂靡遑及河朔載寧郊丘畢事方欲咨詢元老康
寧靖生靈不虞寒暑所侵勤勞遇疾雖國醫診視中
使省臨憂屬之誠頃刻在念忽覽章奏退讓官榮

雖知止之心則思避寵而謀猷之體斯乃為時寢
食之間勉加頤養其所陳乞非朕意焉

第二表 并批答

臣某言臣所獻章表發於至誠伏奉批答未蒙允許
外負公責內迫私情祈於必遂敢守難奪臣束髮已
來號為強力及其晚節亦未甚衰一朝被病遂至絲
啜臣自思省得其端倪非因飲食不節無有霧露之
犯蓋由才微而任重功薄而賞厚竊位既久妨賢則
多以積年之過幸致今日之沈疾不能酌損所以生
災悟雖已晚情實非矯伏惟陛下念其委使之久察

其危苦之詞持降深恩救臣不逮無冒榮之咎得遂
性之宜物議不形病心自泰恐死俟命披肝再陳伏
乞聖慈俯賜容納無任迫切懇倒之至
省表具知卿勲績崇高誠節忠盡秉心一德宣力
斗四朝訐謨緝熙弼予于理勤勞事國啓沃匪躬功
小格道光常所嘉尚所疾未廖勉於善養勿藥之喜
自停即痊平台哀之司倚卿為重乃累陳退讓殊謂
不然宜體朕懷即斷來表

會年閏第三表

并批答

朝了非計意

臣某言得疾踰年在假三月再有陳請未蒙允從慮

其奄忽銜愧入地伏惟聖慈哀而信之臣聞君之使
臣在知其心而聽其言不以容尸祿為惠也臣之事
君在無隱情而盡忠節不以受非據為榮也然後上
下交感終始可詠臣伏事陛下五年于茲癸藿微誠
已蒙識察桑榆莫景所冀哀憐豈令危懼之時更懼
滿盈之禍雖有藥石安能調和聖日難逢生涯漸短
體羸無拜舞之望心在有涕戀之悲臣伏覽國史備
見前事太宗朝李靖高宗朝劉仁軌皆自宰臣乞骸
致政其後知猶可用復起于家進退之間曲盡情禮
君臣之際良史美談伏望陛下悉臣至誠念臣羸病

許遂願養以保餘年俟其有瘳或冀萬一無任懇款
違迫之至味辭下用更進下家華近之間曲盡前斷
省表具悉謝病之制雖起於昔賢盡瘁之詞亦標
於古典况卿有功於國作相累朝自匡輔眇身又
勤勞數載豈可以微疾去位以重望辭榮章疏徒
來延遲彌切至如太宗朝許李靖致政高宗遂仁
不執免骸朕非不知事則有異何者時當明聖在上
理道已成宰臣優游固得自便今則生物尚困庶
且未修言念勲賢方深倚注惟此故事恐難遽行
其卿宜體是誠懷力更願養必有多福以扶大忠無

臣確然復陳章表

蘇州謝上表

臣某言伏奉制書授臣使持節蘇州諸軍事守蘇州
刺史始從郎署出領郡章承命若驚省躬增感伏惟
皇帝陛下受上玄之眷佑揚列聖之耿光大康黎元
慎擇牧守德音每發品物咸蘇臣本書生素無黨援
謬以薄伎三登文科德宗皇帝擢為御史在臺三載
例轉省官永貞之初權臣領務遂奏錄用蓋聞虛名
唯守職業實無朋附竟坐飛語貶在遐藩憲宗皇帝
後知事情卻授刺史凡歷外任二十餘年伏遇陛下

應運重光物無廢滯收拾耆舊塵黍班行既幸逢時
常思展效在集賢院四換星霜供進新書二千餘卷
儒臣之分甘老於典墳優詔忽臨又委之符竹分憂
誠重戀闕滋深石室之書空留筆劄金匱之籍已去
姓名本末可明申雪無路豈意聖慈弘納不隔卑微
面辭之日特許升殿天顏咫尺臣禮兢惶不敢盡言
空懷誠懇謝恩而出生光於九陌之間受訓而行布
政於五湖之外臣即以今日六日到任上訖伏以水
災之後物力索空臣謹宣皇風慰彼黎庶臣聞有味
之物蠹蟲必生有才之人讒言必至事理如此古今

同途孑然辨之唯在明聖伏惟陛下察臣此言則天
下之人無不幸甚江海遠地孤危小臣雖雨露之恩
幽遐必被而犬馬之戀親近為榮大和六年二月六

日
蘇州謝賑賜表

臣某言伏奉去年二月十五日敕蘇州宜賜米一十
二萬石委刺史據戶均給者恩降九天澤流萬姓伏
以臣當州去年災沴尤甚水潦雖退流庸尚多臣前
月到任奉宣聖旨闔境老幼無不涕零詢訪里閭備
知凋瘵方具事實便欲奏論聖慈憂人照燭幽遠特

有賑卹救其災荒蒼生荷再造之恩儉歲同有年之
慶臣忝為長吏倍萬常情無任感激抃躍之至大和
六年三月二十四日
臣某言伏奉制書以今日十日冊皇太子德音遐布
盛禮畢陳國本永安人心同慶伏惟皇帝陛下以繼
天之聖有知予之明義兼君親禮重宗祏龍樓肇建
展嘉禮於三朝鳳曆延長固本枝於萬葉臣守在遐
郡不獲稱慶闕庭無任踴躍屏營之至大和七年八
月十七日

蘇州賀冊皇太子牋

朝議大夫使持節蘇州諸軍事守蘇州刺史上柱國
劉某叩頭叩頭伏惟皇太子殿下允膺上嗣光啓東
朝蒼震發前星之輝黃離表重輪之瑞位居守器禮
重承祧萬國以貞九圍咸說某限以守郡不獲稱慶
宮庭

劉賓客文集卷第十五

劉賓客文集卷第十六 表章六

蘇州謝恩賜加章服表 蘇州賀皇帝疾愈表

汝州謝上表 同州謝上表

賀臬斬鄭注表 賀德音表

賀赦表 謝恩賜粟麥表

慰淄王薨表 謝恩放先貸斛斗表

謝分司東都表

蘇州謝恩賜加章服表

臣某言伏奉去年十一月二十七日詔書加臣賜紫

金魚袋餘如故者恩降重霄榮霑陋質虛黷陟明之

典恐與彼已之詩寵過若驚喜深生懼中謝臣起自
書生業文入仕德宗朝為御史以孤直在臺順宗朝
為郎官以緣累出省憲宗皇帝後知其寃特降敕書
追赴京國緣有虛稱恐居清班務進者爭先上封者
潛毀巧言易信孤憤難申俄復一麾外轉三郡伏遇
陛下膺期御宇大振滯淹哀臣宿舊猥見收拾職兼
書殿官忝儀曹微勞未宣薄命多故又離省署重領
郡符延英面辭親承教誨銜命即路星言載馳到任
之初便逢災疫奉宣聖澤恭守詔條上稟獻謀下求
人瘼才術雖短憂勞則深幸免流離漸臻完復皆承

聖化所及遂使人心獲安豈由微臣薄劣能致臣素
乏親黨家本孤貧年哀無酒食之娛性拙無博奕之
藝自領大郡又逢時災晝夜苦心寢食忘味曾經誣
毀每事防虞唯託神明更無媒援豈期片善上達宸
聰回日月之重光燭江湖之下國絲綸褒異苦節既
彰印綬煇煌老容如少望雲天而拜舞豈盡丹誠視
環玦以裴回空嗟白首無任感激屏營之至大和七
年十二月十六日

蘇州賀皇帝疾愈表

臣某言臣得本道觀察使報伏承聖躬痊愈已於紫

宸殿視朝者一人有慶萬國同歡伏惟皇帝陛下外
親萬務內奉三宮常懷宵旰之勤遂失寢興之適上
玄降祐列聖表靈百神奔走以來扶四海精誠而致
感勿藥有喜如山水安宗廟保無疆之休寰瀛申莫
大之慶臣恪居官次遐守江干不獲稱賀闕庭無任
踴躍屏營之至

汝州謝上表

臣某言伏奉去年七月十四日詔書授臣使持節汝
州諸軍事守汝州刺史兼御史中丞充本道防禦使
餘如故者臣久居遠服戀闕常深忽降新恩近御為

貴承旨慶抃省躬慙惶臣某誠歡誠喜頓首頓首伏
惟皇帝陛下垂衣穆清之中旁照寰瀛之內車書所
及動植咸安臣昨離班行遠守江徼延英辭日親奉
德音知臣所部災荒許臣到任條奏共承睿旨宣示
群黎減其征徭頒以賑賜伏蒙聖澤救此天災疲羸
再蘇幼艾同感二年連遭水潦百姓幸免流離交割
之時戶口增長雖才術不足於事未周而憂勞則深
為衆所悉臣本業儒素頗登文科時命遭回再領軍
郡即以今月二十七日到任上訖謹當奉宣皇化慰
彼蒼生臨汝水之波朝宗尚阻望秦城之日回照何

時無任感激屏營之至謹差防禦押衙常禮簡奉表
陳謝

同州謝上表

臣某言伏奉去年十月二十三日制書授臣使持節
同州諸軍事守同州刺史兼御史中丞充本州防禦
長春宮等使恩降九重榮忝三輔承旨慶抃省躬慙
惶臣某伏惟皇帝陛下丕承列聖光闡鴻猷氛祲掃
除乾坤交泰臣幸逢昌運累沐殊私空荷生成之恩
寧酬雨露之澤即以今月二日到本州上訖謹宣獻
旨安慰蒸黎伏以本州四年已來連遭旱損閭閻凋

瘵遠近共知臣頃任蘇州之年亦遭大水之後而辭
之日親奉德音至於撫綏皆承聖教二年之後百姓
獲安今本部災荒物力困涸忝為長吏敢不竭誠即
須條疏續具聞奏臣恪居官次幸接王畿不獲拜舞
彤庭陳露丹慊犬馬懷戀寢興匪寧瞻魏闕之容朝
天尚阻望長安之路近日為榮無任感激屏營之至
謹差防禦知衙官試殿中監楊克乂奉表陳謝大和
九年十二月二十一日

批荅省表具知卿任居三輔職奉六條累聞問俗
之勞載覽勤人之志言惟碩行深慰朕懷勉弘故

特經以副憂寄所謝知

陳州各首賀臬斬鄭注表

臣某言伏奉前月二十五日詔書示逆賊鄭注已梟首訖氛妖殄滅華夏又安伏以逆賊鄭注本出細微潛懷梟獍之心兼結兇狂之黨人倫共棄神理不容陛下敵略感通天人合應重臣協力禁旅齊心指頤之間猖狂自潰乾坤交泰日月增明凡在人臣不勝慶快臣恪居官次不獲稱賀闕庭無任欣歡抃躍之至大和九年十二月二日

蔡壘並共賀德音表

臣某言伏見今月十六日德音布告遐邇天道下濟人情大安伏惟皇帝陛下凝旒思理垂意擇材以日月無私之光照寰區有截之內貴使下情盡達寧虞厚貌潛謀一昨李訓鄭注等敢有逆心兼連兇黨陛下敵謀神斷左右協同頃刻之間掃除已定重臣畢力禁旅竭忠氛祲廓清華夷咸說言念正刑之外或有誑誤之徒再發德音廣宣聖澤當星紀回天之日迎陽和煦物之光懷危疑者如山之安欲告訐者望風知懼非同謀者一切不問未結正者三省從寬含生之倫普天同感臣恪居官次不獲稱慶闕庭云云

謹差防禦知衙官朝議郎權知容州都督府司馬孫
揚奉表

賀赦表

臣某言伏奉今月一日制書改大和十年為開成元
年大赦天下者雷雨作解人神說隨澤及八荒網開
三晉臣某誠歡誠喜頓首頓首伏惟皇帝陛下上承
乾綱下立人極用含弘光大之澤副夷夏會同之心
獻歲改元惟新景祚先明首罪次及群妖述敵情以
曉萬方施鴻霈以蘇庶物恤辜宥過已責弛征郡縣
之舊弊悉除賦稅之新規咸備停藩方節獻之禮以

惠疲人回權管餘羨之財以資京邑命使展澄清之
志察言求謹直之材兮旌賁于丘園粟帛頒於耆艾
爰以初吉御宇明庭德音一發於九天和氣驟周於
四海開物成務實表於建元應天順人永延於億載
臣幸居近輔先受殊恩不獲稱慶闕庭陪榮班次衆
星列位常拱北辰之光新歲拜章遙獻南山之壽無
任抃躍屏營之至

謝恩賜粟麥表

臣某言伏奉今月一日制書以臣當州連年歉旱特
放開成元年夏青苗錢并賜斛斛六萬石仰長史逐

急濟用不得非時量有抽歛於百姓者恩降九天澤
周萬姓優詔纔下群情頓安臣某誠歡誠喜頓首頓
首伏以災沴流行陰陽常數物力既竭人心匪遑輒
敢奏聞本求貸借皇恩廣被玄造曲成既免在田之
征仍頒發廩之賜臣謹宣赦文節目彰示兆人鼓舞
歡謐自中祖外臣初到所部便遇儉時今蒙聖慈特
有賑恤主恩及物已為壽域之人衆意感天必有豐
年之應臣恪居官業不獲拜舞闕庭無任感激

志業言 慰淄王薨表

臣某言臣得進奏官楊暢狀報淄王薨輟朝三日伏

惟皇帝陛下德邁前王情深近屬憫枝葉之謝諒切
宸衷割肌膚之愛何堪聖念萬方知化九族歸仁凡
受國恩伏深悽惻臣限以藩守不獲奉慰闕庭無任
屏營之至

謝恩放先貸斛斗表

臣某言臣奉五月二十九日敕牒據度支所奏諸道
節度觀察使及州府借便省司錢物斛斗等數內當
州欠三萬六千二十三貫石並放免者殊私忽降逋
責滌除藩方永安遐邇咸說臣某誠歡誠喜頓首頓
首伏以關輔之間頻年歉旱田租既須矜放公用又

不主持承前長吏例有借便以救一時之急皆成績
欠之名既未支填常懷憂懼聖恩周洽洞見物情爰
命有司使之條奏去其舊弊衆已獲安嚴立新規人
知所措臣恪居官次不獲拜舞闕庭無任抃躍屏營
之至

謝分司表

臣某言伏奉今月十九日制書授臣太子賓客分司
東都者寵命自天戰越無地臣發迹書生以文為業
出身入仕四十餘年頃自集賢學士出守吳郡而辭
之日親承德音念百姓水潦之餘示微臣政理之法

臣祇膺聖旨夙夜竭誠閭里獲安流庸盡復猥蒙朝
獎錫以金章及遷同州又遇歉旱悉心綏撫幸免流
離今荷天慈憫臣耆舊列名賓護之職分局河洛之
都老馬露束帛之恩枯株蒙雨露之澤獲居榮秩以
畢餘年願此微軀實為厚幸伏以臣始為御史逮事
德宗今忝宮寮幸逢聖日舉四海之內賢能則多求
六朝之臣零落將盡雖迫桑榆之景猶傾葵藿之心
臣無任感恩惕抃之至

舉姜補闕倫自代狀蘇州舉揚子常中代狀

蘇州上後謝宰相狀蘇州加章服謝宰相狀

汝州上後謝宰相狀汝州舉杭州裴大夫代狀

汝州進鷹狀同州舉蕭諫議自代狀

上宰相賀德音狀上宰相賀改元赦書狀

薦處士嚴慈狀薦處士王龜狀

淮南節度觀察處置等使敕賜貞元廣利方五卷右

臣得新羅賀正使朴如言狀稱請前件方一部將歸

本國者伏以纂集神效出自聖衷藥必易求疾無隱

狀搜方伎之祕要拯生靈之天瘡坐比華晉咸躋仁

壽遂令絕域遐聽風聲美茲豐功爰有誠請臣以其

久稱藩附素混車書航海獻琛既已通於華禮釋痲

蠲癘豈獨隔於外區正當四海為家冀覩十全之效

臣即欲寫付未敢自專謹錄奏聞

為京兆常尹降誕日進衣狀

衣一副四事黃折造衫一領白吳綾汗衫一領白花

羅半臂一領白花羅袴一腰右伏以正陽令月誕聖

嘉辰運協千年慶流萬國凡在臣子合有獻陳敢傾

就日之心願奉如山之壽輕瀆宸扆無任兢惶

為京兆李尹降誕日進衣狀
衣斗副四事右伏以水德方清真龍下降天長地久
瞻北極以常尊獻壽稱觴配南山而永固臣地居宗
屬職忝尹京慶賀之誠倍萬常品前件衣服謹詣銀
臺門奉進輕瀆疏宸伏用兢惶貞元十九年四月十
九日

為京兆常尹進野猪狀
右伏以收穫之餘田獵有獲異於芻豢著在方書既
堪充庖輒敢上獻前件野猪謹隨狀進謹奏
為杜相公自淮南追入長安至長樂驛謝

賜酒食狀
具官臣某右臣今日至長樂驛高品某奉宣聖旨賜
臣酒食者伏以恩降玉人榮分御膳未展儀於雙闕
先受賜於八珍品越膾膾味兼醪醴頓驚凡口倍益
歡心無任欣躍

為杜相公謝就宅賜食狀

具官臣某右高品某奉宣聖旨賜臣食者出自大官
餼于私第光榮曲被猥承推食之恩驚蹇未施益重
素餐之責舉其七筮若負丘山無任戰荷踴躍之至
為東都常留守謝賜食狀

具官臣某右臣今日發至長樂驛中使某奉宣聖旨
賜臣食者伏以味兼海陸品溢圓方降自御厨光臨
傳舍臣初辭魏闕倍懷犬馬之誠猥受珍羞更切稽
梁之感無任欣躍

為裴相公進東封圖狀

集賢殿御書院開元東封圖一而右臣謹按開元十
三年玄宗皇帝以天下太平登封東岳聲明文物振
耀古今伏惟陛下丕承耿光再闡鴻業祖宗盛事紹
復有期臣所以寫成此圖輒敢上獻至於績畫躬自
指揮徵史氏之文纂禮容之要山川氣象悉擬真形

羽衛威儀咸稽故實所冀敵情一覽遐想玄蹤臣叨
榮過深抱疾已久望陛下告成之日心必前知嗟老
臣將謝之年身恐不見疾羸之際感激倍深前件圖
謹差某官某謹詣光順門上進謹奏

舉崔監察群自代狀

御史臺宣歙池等州都團練判官監察御史裏行崔
群右臣蒙恩授監察御史伏準建中元年正月五日
制常參官上後三日舉一人自代者伏以前件官在
諸生中號為國器繫維外府人咸惜之臣既深知敢
舉自代貞元十九年閏十月日

舉自為真舉開州柳使君公綽自代狀

尚書屯田某官等守開州刺史柳公綽右臣蒙恩授
尚書屯田員外郎伏準建中元年正月五日制常參
官上後三日舉一人自代者伏以前件官以賢良方
正再敷王庭在流革間號為端士昨除遠郡人皆惜
之臣初蒙授官得以論薦多士之內非無其人竊惟
用材宜自遠始謹具如前謹錄奏聞伏聽敕旨貞元
二十一年四月八日具奏嘉善新州刺史柳公綽
舉自為真舉姜補闕倫自代狀二日具奏
東都尚書省前左補闕姜倫右臣蒙恩授尚書主客

郎中分司東都伏準建中元年正月五日敕常參官
上後三日舉一人自代者臣伏詳詔旨欲達聰旁求
發揚幽遠故人得言所知不當循其階次也臣伏
以前件官有儒學士行蒙以諫官徵會其年老被疾
不堪上道有司按視如狀不復逼迫至今家居而篤
志無倦臣謹舉為郎吏分司別都冀優賢振滯兩得
其道大和元年六月十四日

蘇州舉常中丞自代狀

蘇州狀上中書門下諸道鹽鐵轉運江淮留後朝議
郎守太僕少卿兼御史中丞上柱國賜紫金魚袋常

應物右臣蒙恩授蘇州刺史伏準建中元年正月五日制刺史上後舉一人自代者前件官歷掌劇務皆有美名執心不回臨事能斷令領職雖重本官尚輕伏以當州口賦首出諸郡况經災沴切在撫綏尚省無能輒敢公舉司權筦之利誠藉時才流豈弟之風實惟邦本非敢臆說以塞詔書今具聞奏大和六年

十二月九日

蘇州刺史上後謝宰相狀

朝議大夫使持節蘇州諸軍事守蘇州刺史上柱國劉某右某今月六日到州上訖某山東一書生潦倒

疎闊在少壯日猶不逮人况今衰遲智力愈短相公哀憐不遇擢授名邦實荷弘獎慙非器使伏以當州繇大變之後物力蕭然肌寒殞仆相枕于野誓當悉心條理續具奏論才術素空憂勞方始懼無聞問忝負恩知不任瞻望懇迫之至

蘇州加章服謝宰相狀

右某素乏吏才謬居劇郡以無庸之器當難治之時恭守詔條勤求人瘼伏以聖德柔遠皇明燭幽凡有上陳皆可其奏遂令管見得及疲黎自承雨露之恩非有循良之政猥蒙朝獎特降命書顧逢掖之腐儒

被華章之貴服有躋陟明之典誠招彼已之譏限以
守官不獲拜謝瞻望榮感心魂載馳太和七年十月
丹日臨新使未入臺外望望榮感皇恩感德大前
女某素之汝州上後謝宰相狀前之當當之也
朝議大夫使持節汝州諸軍事守汝州刺史兼御史
中丞充本州防禦使上柱國賜紫金魚袋劉某右某
自領吳郡仍歲天災上稟詔條下求人瘼地包數澤
俗尚剽輕悉心撫綏用法擒擿事繁才短常積憂虞
忽蒙天恩稍移近郡家本榮上籍占洛陽病辭江干
老見鄉樹榮感之至實倍常情印綬所拘不獲拜謝

瞻望德宇精誠坐馳無任感戀之至

汝州舉裴大夫自代狀

正議大夫使持節杭州諸軍事守杭州刺史上柱國
賜紫金魚袋裴弘泰右臣蒙恩授汝州刺史兼御史
中丞充本州防禦使伏準建中元年正月五日敕諸
州刺史上後舉一人自代者伏以前件官前為九卿
出領兩鎮頃因微累遂有左遷今授遠州物情未塞
臣前任鄰接具知公才舊屈未伸輒舉自代云云

汝州防禦使當使進奉籠母鷹狀

汝州防禦使當使進奉籠母鷹六聯右伏以前件鷹

等學習應期馴養斯至列於常貢有異衆禽受絀之
時志已存於雲外下講之際思用展於軍前既懷百
中之能願獻三驅之禮謹差防禦押衙景再休隨狀
奉進以聞大和九年九月十一日錄奏同州刺史
同州防禦使前諫議大夫蕭倣右臣蒙恩授同州刺
史兼御史中丞充本州防禦長春宮等使伏準貞元
二年正月二十四日敕上後三日舉一人自代者伏
以前件官生於貴族伏膺儒門縉紳之間號為端士
昨蒙朝獎冠弁諫垣時方被病不果上道長告已滿

塊然家居今聞疾瘳可以錄用臣與倣久同班列知
其材能為官擇人敢舉自代大和九年十二月四日

上宰相賀德音狀

同州狀上中書門下今月十六日德音右被刑部牒
宣示德音伏以聖澤滋深新恩廣被言念正刑之外
或有誑誤之徒爰降殊私特弘在宥瑕累咸滌危疑
獲安此皆廟筭弼諧致君及物事光前史功格上玄
某限以守官不獲隨例拜賀無任抃躍之至大和九
月十二月二十三日

同州狀上宰相賀改元赦書狀

同州狀上中書門下改元赦書右伏奉今日一制
書改大和十年為開成元年大赦天下者伏以律首
三元禮崇四始順陽和發生之德敷大號渙汗之恩
宥過恤刑施征已責盡去人瘼通知物情德音朝發
於九天和氣夕周於四海此皆相公弼諧之道燮贊
之功進熟於密勿之間發揚成滂沛之澤某恪守官
業印綬所拘不獲隨例拜賀

薦處士嚴恣狀

處士嚴恣右左庶子損之之孫國子司業士元之子
舊名保嗣亦有官班頃者李賓客渤常與之游辟為

桂州支使其後寄家汝海專靜自居某嘗典汝州與
語甚熟歷代史及國朝故事悉能該通操心甚危觀
跡相副未逢知己已過壯年汨沒風塵有足悲者伏
見赦文節目委州郡長史搜訪隱淪夫舉無它唯善
所在每覽珠英卷後列學士姓名有常州人符鳳白
衣在選取其莛業不棄遠人某忝被儒官得以薦士
亦非出位冀不廢言僮弘文集賢史氏之館採其實
學有勸諸生伏以桂州辟之於前某薦之於後豈必
有土長吏然後事行伏惟試味斯言降意詳擇謹狀

薦處士王龜狀

處士王龜古者選公族大夫必以惇惠者教之文敏者道之果敢者諗之鎮靜者循之孜孜於此者蓋膏梁之性難正而懼公侯之胤不能嗣其耿光可以深惜然則成宣之後而老為大夫非耻乎此智武子誠文子既冠而見之詞也是知古之取士不專寒族必參用世胄以廣得人之路今見處士王龜即居守之第三子也天性貞靜操心甚危不由門資誓志自立樂處士之號不汨綺襦之間自到洛都便居山寺耽玩墳籍放情煙霞曾邀與語如鋸木屑信有稟受居然出群以比在京師甚足知者諫院有狀名流亟言

某流滯周南靜閱時輩身雖不用心甚愛才况遇相公持衡敢有所啓誠懸之下輕重難欺伏惟深賜詳擇知卿族之內有遺逸焉謹狀正議大夫檢校禮部尚書兼太子賓客分司東都劉某狀

處士王通古者... 者道之果... 惜然則成... 文子既冠... 參用世習...

尚書兼太子賓客... 劉賓客文集卷第十七... 謝中書張相公啟... 謝裴相公啟... 謝武相公啟...

劉賓客文集卷第十八啟

謝裴相公啟... 謝中書張相公啟... 謝裴相公啟... 謝武相公啟...

謝裴相公啟... 謝中書張相公啟... 謝裴相公啟... 謝武相公啟...

謝裴相公啟... 謝中書張相公啟... 謝裴相公啟... 謝武相公啟...

謝裴相公啟... 謝中書張相公啟... 謝裴相公啟... 謝武相公啟...

謝裴相公啟... 謝中書張相公啟... 謝裴相公啟... 謝武相公啟...

謝裴相公啟... 謝中書張相公啟... 謝裴相公啟... 謝武相公啟...

謝裴相公啟... 謝中書張相公啟... 謝裴相公啟... 謝武相公啟...

謝裴相公啟... 謝中書張相公啟... 謝裴相公啟... 謝武相公啟...

某啟一自謫居七悲秋氣越聲長苦聽者誰哀湯網

雖踈久而猶誼失意多病衰不待年心如寒灰頭有
白髮惕厲之日利於退藏是以彌年不敢奏記近本
州徐使君至奉手筆一函稱謂不移問訊加劇重復
點竄一無客言忽疑此身猶在門下收紙長想欣然
感生尋省遭罹萬重不幸方寸之地自不能言求人
見諒豈復容易伏蒙遠示且曰浮謗漸消况承慶宥
期以振刷方今聖賢合德朝野多歡澤柔異類仁及
行葦萬族咸說獨為窮人四時平分未變寒谷自同
類牽復又已三年側聞衆情或似哀歎某材略無取
廢錮是宜若非舊恩孰肯留念六翮方鍛思重託於

扶搖孤桐半焦冀見收於煨燼伏紙流涕不知所言
謹啓

淮南李相公啓

某啓某間以昧於周身措足危地駭機一發浮謗如
川巧言竒中別白無路祝網之日漏恩者三咋舌兢
魂分終裔壤豈意天未勦絕仁人登庸施一陽於剝
極之際援衆溺於坎深之下南箕播物不勝曷言危
心鍛翮繇是自保陰施之德已然乃聞受恩同人盟
以死答私感竊抃積于窮年化權禮絕孤去莫展今
幸伍中牽復司存宇下伏慮因是記其姓名謹獻詩

二篇敢聞左右古之所以導下情而通比興者必文
其言以表之雖吐謹俚音可儷風什伏惟降意詳擇
斯大幸也謹因楊子程留後行謹奉啓不宣謹啓

上門下武相公啓

某啓去年本州吏人自蜀還伏奉示問兼衣服繒綵
等雲水路遙緘滕既厚恭承惠下之旨重以念舊之
懷熙如陽和列在緗簡苦心多感危涕自零驚神驛
思若侍頽杖伏以聖上注意理本銳求國禎念外臺
報政之功追宣室前席之事重下丹詔再升黃樞群
情合符和氣來應八柄所在三人同心協台坐之精

膺傑材之數談笑於規隨之際從容於陶冶之間物
皆由儀人識所措某久罹憲網兀若枯株當萬類咸
說之辰抱窮途終慟之苦清朝無絳灌之列至理絕
椒蘭之嫌此時不遇可以言命嗟乎一身主祀萬里
望粉榆之鄉高堂有親九年居蠻貊之地從坐之典
固有等差同類之中又尋牽復頃在臺日獲奉準繩
指吏途於按讞道文律於章奏藻鑿之下難逃陋容
炎涼載移足見真態自遠間左右沈淪遐荒歲月滋
深艱貞彌厲緬思受譴之始它人不知屬山園事繁
孱懦力竭本使有內嬖之吏供司有恃寵之臣言涉

猜嫌動礙闕束城社之勢函失紛然彌縫其間崎嶇
備盡始慮罪因事闕宣虞謗逐跡生智之周身又誰
咎也伏以趙國公頃承一顧之重高邑公夙荷見知
之深雖提挈不忘而顯白無自蓋以永貞之際皆在
外方雖得傳聞莫詳本末特哀黨錮亟形語言自前
歲振淹命行中止或聞輿論亦愍重傷伏遇相公秉
鈞輒已自賀僮重言一發清議攸同使聖朝無錮人
大治無廢物自新之路既廣好生之德遠彰群孽應
南山之雷窮鱗得西江之水指顧之內生成可期伏
惟發膚寸之陰成彌天之澤同一瞬之念致再造之

恩誠無補於多事之時庶有助於陰施之德無任懇
悃之至謹啓

上中書李相公啓

某啓去年國子主簿楊歸厚致書相慶伏承相公言
及廢錮愍色甚深哀仲翔之久謫恕元直之方寸思
振淹之道廣錫類之人遠聆一言如受華衮伏自不
窺牆仞九年于茲高卑邈殊禮數懸絕雖身居廢地
而心恃至公伏以相公久以訐謨參于宥密材既為
時而出道以得君而專令發於流水之源化行猶偃
草之易習強亢者自納於軌物困杼軸者咸躋於仁

壽六轡在手平衡居心運思於陶冶之間宣猷於魚
水之際然能軫念廢物遠哀窮途嗟我小生有足悲
者內無手足之助外乏強近之親為學苦心本求榮
養得罪由已翻乃貽憂捫躬自劾愧入肌骨禍起飛
語刑極淪胥心因病怯氣以愁耗近者否運將泰仁
人持衡伏惟推曾閔之懷憐烏鳥之志處夔龍之位
傷屈賈之心沛然垂光昭振幽蟄言出口吻澤濡寰
區昔者行葦勿傷枯骼猶掩衰老以出弊愍窮而開
懷無情異類尚或嬰慮顧惟江干逐客曾是相府故
人言念材能誠無所取譬諸飛走庸或知恩嗚呼以
不駐之光陰抱無涯之憂悔當可封之至理為永廢
之窮人聞弦尚驚危心不定垂耳斯久長鳴孔悲腸
回淚盡言不宣意謹啓

謝門下武相公啓

某啓某一坐飛語廢錮十年昨蒙徵還重罹不幸詔
命始下周章失圖吞聲咋舌顯白無路豈謂烏鳥微
志惻于深仁恤然動拯溺之懷煦然存道舊之旨言
念穀餼慰安蒼黃推以恕心期於造膝重言一發敵
聽克從回陽曜於肅殺之辰沃天波於躋蹙之際俾
移善地獲奉安輿率土知孝治之源群生識人倫之

厚感召和氣發揚皇風豈惟匹夫獨受其賜某即以
今日十一日到州上訖守在要荒拘於印綬中講詣
謝有志莫從誠知微生不足酬德捐軀之外無地寄
言效節蕭屏虔然心禱無任懇悃屏營之至謹勒軍
事衙官左威衛慈州吉昌府別將員外置同正員常
懇奉啓起居不宣謹啓

謝中書張相公啓

某啓某智乏周身動必招悔一坐飛語如衝駭機昨
者詔書始下驚懼失次叫闈無路擠壑是虞草木賤
軀誠不足惜烏鳥微志實有可哀伏蒙聖慈遽寢前

命移菴善部載形綸言凡在人臣皆感至德凡為人
子同荷至仁豈唯鰥生獨受其賜伏以相公心符上
德道冠如仁一夫不獲戚見于色密音未下歎形于
言竟回三舍之光能拔九泉之厄袁公之平楚獄不
恐錮人晏子之哀越石乃伸知己所以慶垂胤祚言
成春秋神理孔昭報應斯必身侔蟬翼何以受恩死
輕鴻毛固得其所卑守有限拜謝未由無任感激兢
惶之至謹勒軍事衙官守左威衛慈州吉昌府別將
員外置同正員常懇奉啓起居不宣謹啓

賀門下裴相公啓

某啓伏以相公含道傑出降神挺生坐籌以弼獻謨
秉鉞以行天討風雲助氣川岳效靈制勝於尊俎之
間指蹤於講縹之末繡斧既定衮衣以歸君心如魚
水人望如風草一德交暢萬邦和平運神思於洪鑪
納生靈於壽域文武丕績冠于古今某恪守遐荒不
獲隨例拜賀

加封曰三上門下裴相公啓

某啓曩者淮右逋誅即戎歲久天子齋戒以命元臣
登壇之日上略前定從九天而下縱以神兵分六符
之光埽其長彗授鉞於西顛之半策勳於北陸之初

功成偃節復執大柄君臣相遇播于樂章山河啓封
載在盟府上方注意人益具瞻因魚水之協符極變
龍之事業時屬四始恩覃萬方致君及物其德兩大
古先峻賢所未備者我從容而保之殆非人事抑有
幽贊夫異同之論我以獨見剖之文武之道我以命
材統之崇高之位我以大功居之造物之權我以虛
心運之然持盈之術古所難也實在陰施及物厚其
德基以左右功庸而百祿是荷人所欽戴久而愈宜
昔袁太尉不忍錮人而楚獄哀息一言之慶子孫丕
承以今日將明之材行前修博施之義筆端膚寸澤

及九垓猶夫疾耕必有滯穗某頃墮危厄嘗受厚恩
誼盟於心要之自效常懼廢死荒服永辜願言敢因
賀賤一寄丹懇顧非竒理不足以縈乎冲襟然則利
於行者固在乎常談而卓詭孤特之言未必利於行
也伏惟以愚言與賢者參之謹啓

謝裴相公啓

自西川入為
大夫拜相

某啓伏以聖君當功成愷樂之日而求賢愈切思治
益深是上玄垂休欲速致太平之明效以相公事業
而逢此時天下之人視仁壽之域其猶尋尺故命書
所至德風隨之微材片善咸自磨拂况同主國柄如

吹埴麓含生之倫唯所措置日月亭午物無邪陰聖
賢合德人識正道雖居畎畝足以詠歌某遐守要荒
不獲隨例拜賀私感竊抃實倍怛情

今日會魚上僕射李相公啓

某啓州吏還伏蒙擢落常態手筆具書言及貞元中
登朝人逮今無十輩及發中書相公一函具道閣下
亟言曩遊顏間頗有衰色夫溝中之木與犧象同體
追琢不至坐成枯薪朱而藍之猶足為器苟液樞曲
戾不足枉斧斤願為庭燎以照嘉客謹啓

謝裴相公啓

某啓某遭不幸歲將二紀雖累更符竹而未出網羅
親知見憐或有論薦如陷還瀆動而愈沈甘心終否
無路自奮豈意天未勦絕仁人持衡紆神慮於多方
起堙沈於久廢居剝極之際一陽復生出坎深之中
平路資始通籍郎位分曹樂都喬木展舊國之思行
雲有故山之戀姻族相賀壺觴盈門官無責詞始自
今日禽魚之志誓以死生草木之年惜其晚晚章程
有守拜謝無由瞻望巖廊虔然心禱謹啓

謝實相公啓

某啓某一辭朝列二十三年雖轉郡符未離謫籍卑

濕生疾衰遲鮮歡望故國而未歸如痿人之念起昨
蒙罷免甘守丘園相公不棄舊遊特哀久廢每奉華
翰賜之衷言果蒙新恩重忝清貫薦延有漸拯拔多
方六律變幽谷之寒一九銷彌年之疹鍛翮將舉危
心獲安布武夷途自此而始分曹有繫拜謝無由瞻
望德藩坐馳精爽無任感激之至謹啓

劉賓客文集卷第十八

劉賓客文集卷第十九

蘇州刺史集紀

唐故相國李公集紀

唐故中書侍郎平章事韋公集紀

唐故相國贈司空令狐公集紀

唐故尚書主客員外郎盧公集紀

唐故衡州刺史呂君集紀

唐故尚書禮部員外郎柳君集紀

董氏武陵集紀

澈上人文集紀

唐故相國李公集紀

天以正氣付偉人必飾之使光耀于世粹和細縕積于中鏗鏘發越形乎文文之細大視道之行止故得其位者文非空言咸繫于訐謨宥密庸可不紀惟唐以神武定天下群慝既驚驟示以文韶英之音與鈺鼓相襲故起文章為大臣者魏文貞以諫諍顯馬高唐以智略奮岑江陵以潤色聞無草昧汗馬之勞而任遇在功臣上唐之貴文至矣紘後王纂承多以國柄付文士元和初憲宗遵聖祖故事視有宰相器者貯之內庭繇是釋筆硯而操化權者十八九公實得

時而光馬公諱絳字深之趙郡人在貢士中傑然有奇表既登太常第又以詞賦陞甲科授祕書省校書郎歲滿從調有司設甲乙問以觀決斷復居高品補渭南尉擢拜監察御史未幾以本官充翰林學士居中轉尚書主客員外郎歷司勳郎中知制誥遷中書舍人風儀峻整敷奏謹切言事感動上輒目送之一旦召至浴堂門與語半日曰將移用于大位宜稔熟民聽遂出為戶部侍郎遷中書侍郎同平章事毅然有直聲及用免而問望益大周旋公鄉間五為尚書歷御史大夫左僕射一以三公領太常刺近輔居保

登登齋壇省再馬大和三年以司空鎮南鄭居二歲
坐氣剛玉折海內寃惜之後三年嗣子前京兆府尹
曹掾璆次子前監察御史裏行頊等泣持遺草請編
之肇自從試有司至于宰天下詞賦詔誥封章啓事
詩詩贈餞金石勳功凡四百餘篇勒成二十卷上所
以知君臣啓沃之際下所以備風雅詩聲之義洪鍾
駭聽瑤瑟清骨其在翰苑及登台庭極言大事誠貫
理直感通神祇龍鱗收怒天日回照古所謂一言興
邦者信哉始愚與公為布衣游及仕畿服幸公同邑
其後雖翔泳勢異而不以名數革初心今考其文至

論事疏感人肺腑毛髮皆聳嗚呼其盛唐之遺直歟

直東歸於唐故中書侍郎平章事常公集紀

漢庭以賢良文學徵有道之士公孫弘條對第一席
其勢鼓行人間取丞相且侯使漢有得人之聲伊弘
發也皇唐文物與漢同風故天后朝燕國張公說以
詞標文苑徵玄宗朝曲江張公九齡以道侔伊呂徵
德宗朝天水姜公公輔杜陵常公執誼河東裴公珣
以賢良方正徵憲宗朝河南元公稹京兆常公淳以
才識兼茂徵隴西牛公僧孺李公宗閔以能直言極
諫徵咸用對策甲於天下繼為有聲宰相古今相望

落落然如騎星辰與夫起版築飯牛者異矣公本名
淳舉進士登賢良既仕方更名處厚字德載漢丞相
扶陽侯之裔孫後周逍遙公賈之八代孫江陵節度
參謀監察御史裏行贈右僕射某之元子生而聰明
絕人在提狹發言成詩未幾能賦受經於先君僕射
學文於伯舅許公孟容及壯通六經旁貫百氏咨天
人之際遂探曆數明天官窮性命之源以至于佛書
尤邃初為集賢殿校書郎宰相李趙公監修國史引
直東觀就改咸陽尉遷右拾遺轉左補闕世稱有史
才而能諫諍入尚書為郎歷禮部考功皆人望所在

上方用威武以警不庭宿兵寢久常丞相貫之酌人
情上言不合意冊免因歷詆所善公在伍中出為開
州刺史居三年執友崔敦詩為相徵拜戶部郎中至
闕下旬歲間以本官知制誥穆宗新即位注意近臣
召入翰林充侍講學士初授諫議大夫續換中書舍
人侍游蓬萊池延問大義退而進六經法言二十編
優詔答之賜以金紫尋遷權知兵部侍郎知制誥翰
林侍講史館修撰長慶四年春敬宗踐祚以公用經
術左右先帝五年稔聞其德尤所欽倚內署故事與
外廷不同凡言翰林學士必草詔書有侍講者專備

顧問雖官為中書舍人或它官知制誥第用其班次
耳不竄言於訓詞至是上器公且有以寵之乃使內
謁者申命去侍講之稱慮未諭于百執事居數日降
命書重舉舊官以明新意尋真拜夏官貳卿由是內
庭詞臣無出其右者凡密旨必承乎權輿故號承旨
學士上富春秋未親庶政或有凝滯視公如著龜寶
曆季年宮壺間一夕生變人情大駭雖以臣無所關
決唯內署得參焉群議闕胡貞然俟公一言而定戡
難纘服再維乾綱今上繼明策勳第一擢拜中書侍
郎同中書門下平章事以高材遇英主功顯人伏言

無不從筆端膚寸澤及天下盡罷冗食請歸才人事
先有司物止常貢城社無託巖廊益尊感恩盡瘁不
嗇神用大和二年十二月上前言事未及畢詞疾作
暴債以朝服委地同列白奏搢笏扶持之不能起上
命中貴人左右翼負歸于中書如大醉狀上震驚咨
嗟徵醫賜藥旁午疊委會莫肩輿至第詰旦以不起
聞贈祿加常禮後十年嗣子蕃以太子舍人直弘文
館編次遺文七十通銜哀貢誠乞詞以冠其首謹按
公未為近臣已前所著詞賦讚論記述銘志皆文士
之詞也以才麗為主自入為學士至宰相以往所執

筆皆經綸制置財成潤色之詞也以識度為宗觀其
發德音福生人沛然如時雨褒元老諭功臣穆然如
景風命相之冊和而莊命將之誥昭而毅薦賢能其
氣似孔文舉論經學其博似劉子駿發十難以推言
利者其辯似管夷吾噫逢時得君奮智謀以取高位
而令名隨之豈不偉哉初蕃既纂修父書咨于先執
李習之請文為領袖許而未就一旦習之憮然謂蕃
曰翺昔與韓吏部退之為文章盟主同時倫輩惟柳
儀曹宗元劉賓客夢得耳韓柳之逝久矣今翺又被
病慮不能自述有孤前言齎恨無已將子薦誠于劉
君乎無何習之夢奠于襄州蕃具道其語余感相國
之平昔且嘉蕃之虔虔孝敬庶幾能世其家故不讓
云

唐故相國贈司空令狐公集紀

起文章而陟大位丹青景化焜耀藩方如非煙祥風
緣飾萬物而與令名相終始者有唐文臣令狐公實
當之公名楚字殼士燉煌人今占數于長安右部天
授神敏性能無師始學語言乃協宮徵故五歲已為
詩成章既冠參貢士果有名字時司空杜公以重德
知貢舉擢居甲科琅邪王拱識公於童丱雅器重之

至是拱自虞部正郎領桂州銳於辟賢以酬不次之
遇先拜章而後告公既而授試弘文館校書郎公為
人子重難遠行稟命而去居一歲竟迫方寸而歸家
在并汾間急於祿養捧從事檄于并州凡更三牧官
至監察御史元和初憲宗聞其名徵拜右拾遺歷太
常博士入尚書為禮部員外郎性至孝既孤以善居
喪聞中月除刑部員外時帝女下嫁相禮闕官公以
本官攝博士當問名之荅上親臨帳幄簾內以窺之
禮容甚偉聲氣朗徹上目送良久謂左右曰是官可
用記其姓名未幾改職方知制誥詞鋒犀利絕人遠

甚適有旨選司言高第者視草內庭宰臣以公為首
遂轉本司郎中充翰林學士滿歲遷中書舍人專掌
內制武帳通奏栢梁陪燕嘉猷高韻冠于一時會淮
右稽誅上遣丞相即戎以督戰公草詔書詞有涉嫌
者相府上言有命中書參詳竄定因罷內職歸閣中
而君心眷然將有大用且出入以試之乃牧華州兼
御史中丞錫以金紫居鎮七月遷大夫充河陽三城
懷州節度使又七月急召抵京師拜中書侍郎同中
書門下平章事天下然後知上心倚以為相非一朝
也是歲元和十四年秋明年正月憲宗晏駕惜其在

位日淺遭時大變穆宗踐阼轉門下侍郎平章事萬
幾百度別有所付第以舊相署位充山陵使七月禮
畢部下吏有以贓狀聞者朝典用責率之義是以左
授宣歙池等州都團練觀察處置使兼御史大夫恩
顧一異媒孽隨生旋又貶衡州刺史移郢州轉太子
賓客分司東都尋起為陝虢觀察使或有上封者稱
前以奉陵寢不檢下獲譴今陵土猶濕未宜遽用次
陝一日重為賓客分司長慶四年改河南尹其秋授
檢校禮部尚書兼汴州刺史充宣武軍節度管内觀
察處置等使汴州為四戰之地擇帥先有功峻刑右

武疑似沈命號為危邦者積年公始以清儉自律以
恩信待人以夷坦去群疑以禮讓汰慘急自上化下
速於置郵泮林革音無復故態璽書勞之就加大司
馬文宗纂服三年冬上表以大臣未識天子願朝正
月制曰可操節入覲遷戶部尚書俄為東都留守又
轉檢校尚書右僕射兼鄆州刺史天平軍節度使後
以王業之始實為北京移鎮太原從人望也以吏部
尚書徵續換太常卿真拜尚書左僕射太和九年冬
十一月京師有急兵起上方御正殿即日還宮是夕
召公決事禁中以見賢遍事傳古義為對其詞謹切

無所顧望上心嘉之居一二日守本官兼諸道鹽鐵
轉運使以幹利權既非素尚乞乞守讓故復為檢校
左僕射興元尹山南西道節度觀察使兼御史大夫
開成二年十一月十二日薨于漢中宮舍享年七十
齊終之前一日自修遺表初述感恩陳力之大義中
及朝廷刑政之或闕意切言盡神識不昏上深悼之
形于愍冊未登三事故以贈之歸全之夕有大星殞
于正寢之上光燭于庭天意若曰既稟之而生亦有
涯而落其文章貴壽之氣焰歟初憲宗覽國書見五
王復辟之際狄梁公實尸之公為台臣獨召便殿問

曰仁傑有後乎公以其支孫試校書郎兼謬為對即
日拜左拾遺公遂草制它日相銜者因扶其詞以為
非春秋諱魯之音穆宗新即位謙讓不自決遂有衡
州之貶公議寃之嗟乎天之於賦予也甚畷而難周
公獨富文華丁良時歷名卿至元老蓋忠廉孝友爱
才與物合是粹美以將之邪可謂全德矣既免喪嗣
子左補闕絢集公之文成一百三十卷因長子太子
左諭德弘分司東都負其笥來謁泣曰先正司空與
丈人為顯交撤懸之前五日所賦詩寄友非他人也
今手澤尚存言之嗚咽長號予為之慟收淚而視分

當編次之始公參大直記室以文雄於邊議者謂一方不足以騁用徵拜於朝累遷儀曹郎乃登西掖入內署訐謨密勿遂委魁柄斯以文雄於國也嗚呼咫尺之管文敏者執而運之所知皆合在藩聳萬夫之觀望立朝貴群寮之頰舌居內成大政之風霆導吠澮於章奏鼓洪濶於訓誥筆端膚寸膏潤天下文章之用極其至矣而又餘力工於篇什古文士所難兼焉昔王珣為晉僕射夢人授大筆如椽覺而謂人曰此必有大手筆事後孝武哀冊文乃珣之詞也公為宰相奉詔撰憲宗聖神章武孝皇帝哀冊文時稱乾

陵崔文公之比今考之而信故以為首冠尊重事也其它各以類聚著于篇

唐故尚書主客員外郎盧公集紀

心之精微發而為文文之神妙詠而為詩猶夫孤桐朗玉自有天律能事具者其名必高名由實生故久而益大尚書郎盧公諱象字緯卿始以章句振起於開元中與王維崔顥比肩驤首鼓行於時妍詞一發樂府傳貴由前進士補祕書省校書郎轉右衛倉曹掾丞相曲江公方執文衡揣摩後進得公深器之擢為左補闕河南府司錄司勳員外郎名盛氣高少所

卑下為飛語所中左遷齊汾鄭三郡司馬入為膳部
員外郎時大盜起幽陵入洛師東夏衣冠不克歸王
所為虜劫執公墮脇從伍中初謫果州長史又貶永
州司戶移吉州長史天下無事朝廷思用宿舊徵拜
主客員外郎道病留武昌遂不起故相崔太傅時為
右史方在鄂以文誌其墓其一詞曰噫公妙年有聲
振耀當代翱翔雲路不虞則層繳盛名先物易生
癘疢三至郎署坐成遺藁贈江臯棲棲沒齒見知
耆恨之公遠祖元魏北齊後周皆為帝師公之叔父
嵩山逸人諫議大夫顥然真隱者也公下世後七十

三年其孫元符捧遺草來乞詞以表之嘗經亂離多
所散落今之存者十有二卷凡若干篇

余山唐故衡州刺史呂君集紀

五行秀氣得之居多者為俊人其色激灑於顏間其
聲發而為文章天之所與有物來相彼由學而致者
如工人染葦以視羽畎有生死之殊矣初貞元中天
子之文章煥乎垂光慶霄在上萬物五色天下文人
為氣所召其生乃蕃靈芝萐莆與百果齊坼然煌煌
翹翹出乎其類終為偉人者幾希矣東平呂和叔實
生是時而絕人遠甚始以文學震三川三川守以為

貢士之冠名聲西馳速如羽檄長安中諸生成避其鋒兩科連中苴办愈出德宗聞其名自集賢殿校書郎擢為左拾遺明年大戎請和上問能使絕域者君以竒表有專對材膺選轉殿內史錫之銀章還拜尚書戶部員外郎轉司封遷刑部郎中兼侍御史副治書之職會中執法左遷緣坐道州刺史以政聞改衡州年四十而沒後十年其子安衡泣捧遺草來謁咨余紬之成一家言凡二百篇和叔名温別字化光祖考皆以文學至大官蚤聞詩禮於先侍郎又師吳郡陸質通春秋從梁肅學文章勇於執能咸有所祖年益壯志益大遂撥去文學與雋賢交重氣槩覈名實歆然以致君及物為大欲每與其徒講疑考要玉霸王富疆之術臣子忠孝之道出入上下百千年間詆訶角逐疊發連注得一善輒盱衡擊節揚袂頓足信容得色舞于眉端以為按是言循是理合乎心而氣將之昭昭然若揭日月而行孰能關其勢而爭夫光者乎烏呼言可信而時異道甚長而命窄精氣為物其有所歸乎古之為書者先立言而後體物賈生之書首過秦而荀卿亦後其賦和叔年少遇君而卒以謫似賈生能明王道似荀卿故余所先後視二書斷自

人文化成論至諸葛武侯廟記為上篇其它咸有為
而為之始學左氏書故其文微為富豔夫羿之關弓
唯巴蛇九日乃能盡其殼而回注鸚爵亦要失中於
尋常之間非羿之手方有能有不能所遇然也後之
達解者推而廣之知余之素交不相索於文字之內
而已

唐故尚書禮部員外郎柳君集紀

八音與政通而文章與時高下三代之文至戰國而
病涉秦漢復起漢之文至列國而病唐興復起夫政
靡而土裂三光五嶽之氣分扶問大音不完故必混

一而後大振初貞元中上方嚮文章昭回之光下飾
萬物天下文士爭執所長與時而奮槩焉如繁星麗
天而芒寒色正人望而敬者五行而已河東柳子厚
斯人望而敬者歟子厚始以童子有奇名於貞元初
至九年為名進士十有九年為材御史二十有一年
以文章稱首入尚書為禮部員外郎是歲以踈雋少
檢獲訕出牧邵州又謫佐永州居十年詔書徵不用
遂為柳州刺史五歲不得召病且草留書抵其友中
山劉某曰我不幸卒以謫死以遺草累故人某執書
以泣遂編次為三十通行於世子厚之喪昌黎韓退

之誌其墓且以書來弔曰哀哉若人之不淑吾嘗評其文雄深雅健似司馬子長崔蔡不足多也安定皇甫湜於文章少所推讓亦以退之之言為然凡子厚名氏與仕與年暨行已之大方有退之之誌若祭文在今附于第一通之末云

董氏武陵集紀

片言可以明百意坐馳可以役萬景工於詩者能之風雅體變而興同古今調殊而理冥達於詩者能之工生於才達生於明二者還相為用而後詩道備矣余嘗執斯評為公是且衡而度之誠懸乎心默揣群

才鈞銖尋尺隨限而盡如是所閱者百態一旦得董生之詞杳如搏翠屏浮層瀾視聽所遇非風塵間物亦猶明金絳羽得于遐裔雖欲勿寶可乎生名挺字庶中幼嗜屬詩晚而不衰心源為鑪筆端為炭鍛鍊元本雕鑿群形糾紛錯逐意奔走因故泐濁協為新聲嘗所與游皆青雲之士聞名如盧杜盧負外象杜負外甫高韻如包李包祭酒佶李侍郎紆迭以章句揚於當時末路寡徒值余歡甚因相謂曰間身以廷尉屬為荊州從事移疾罷去幽卧於武陵迨今四年言未信於世道不施於人寓其性懷播為吟詠時復發寄紛然盈前凡

五十篇因地為目吾子常號知我盡表而志之為生
羽翼余不得讓而著于篇因系之曰詩者其文章之
蘊邪義得而言喪故微而難能境生於象外故精而
寡和十里之繆不容秋毫非有的然之姿可使戶曉
必俟知者然後鼓行於時自建安距永明已還詞人
比肩唱和相發有以朔風零雨高視天下蟬噪鳥鳴
蔚在史策國朝因之粲然復興由篇章以躋貴仕者
相踵而起兵興已還右武尚功公卿大夫以憂濟為
任不暇器人於文什之間故其風寢息樂府協律不
能足去聲新詞以度曲夜諷之職寂寥無紀則董生

之貧卧于裔土也其不得於時者歟其不試故藝者

歟

山與書心澈上人文集紀

釋子工為詩尚矣休上人賦別怨約法師哭范尚書
咸為當時才士之所傾歎厥後比比有之上人生於
會稽本湯氏子聰察嗜學不肯為凡夫因辭父兄出
家號靈澈字源澄雖受經論一心好篇章從越客嚴
維學為詩遂籍籍有聞去聲維卒乃抵吳興與長老詩
僧皎然游講藝益至皎然以書薦于詞人包侍郎佶
包得之大喜又以書致于李侍郎紆是時以文章風

韻主盟於世者曰包李以是上人之名由二公而颺
如雲得風柯葉張王以文章接才子以禪理說高人
風儀甚雅談笑多味貞元中西遊京師名振輦下緇
流疾之造飛語激動中貴人因侵誣得罪徙汀州會
赦歸東越時吳楚間諸侯多賓禮招延之元和十一
年終於宣州開元寺七十有一門人遷之建塔於越
之山陰天柱峯之陔從本教也初上人在吳興居何
山與畫公為侶皎然字畫時予方以兩髦執筆硯陪
其吟詠皆曰孺子可教後相遇于京洛與支許之契
焉上人沒後十七年予為吳郡其門人秀峯捧先師

之文來乞詞以志且曰師嘗在吳賦詩僅二千首今
刪取三百篇勒為十卷自大曆至元和凡五十年間
接詞客聞人酬唱別為十卷今也思行乎昭世求一
言羽翼之因為評曰世之言詩僧多出江左靈一導
其源護國襲之清江揚其波法振沿之如么弦孤韻
瞥入人耳非大樂之音獨吳興畫公能備衆體畫公
後澈公承之至如芙蓉園新寺詩云經來白馬寺僧
到赤烏年謫汀州云青蠅為吊客黃耳寄家書可謂
入作者閩域豈獨雄於詩僧間邪

劉賓客文集卷第十九

劉賓客文集卷第二

山外傷我馬詞

觀博

論書

名子說

澤宮詩

魏生兵要述

傷我馬詞

馬龍類蓋健而善馳君子之所宜求為器也故法求於力或逸而喜駭法求於和或乾而易仆由德稱者

鮮焉曩予知善馬之難遭也不求于肆而于其鄉一
旦果得陰山之阿蠖略其形蕭蕭其鳴長顧遠視順
而能力顧其軀非騫然而偉也雖士得以乘之始予
被皂衣于朝朝之人多四三其壯以迭馭予無兼馬
水轍之淋漉淖途之汪洋結為确犖融為坳堂前有
僨輶後有濡裳我策垂空我鑣方揚振鬣軒昂矯如
飛翔翹翹其雄也非力而何烈火之具舉鈎膺之疊
舞一蹊千趾駢比齟齬戾者斯擠悍者斯怒我鞍如
山我轡如組弭毛容與宛若孤處靡靡其柔也非彗
而何前日子之獲譴于闕下肯商顏趣昭立日中而
踰舍修門之南非騎所宜夷則沮洳高則嶮巖虎咆
空林戴鬪荒道風雨孤征簡書之威俾予弗顛我馬
焉依屑屑其勞也非德而何予至武陵居沅水傍或
踰月未嘗跨馬以故莫得伸其所長跼蹐顧望兮頓
其鎖韁飲斲日削兮精耗神傷寒櫪騷騷兮瘁毛蒼
涼路聞躑躅兮逸氣騰驤朔雲深兮邊草遠意欲往
兮聲不揚墮然似不得其所而死故其嗟也無常初
玄宗羈大宛而盡有名馬命典牧以時起居泊西幸
蜀徃徃民間得其種而蕃焉故良毛色者率非中土
類也稽是毛物豈祖於宛歟漢之歌曰龍為友武陵

有水曰龍泉遂歸骨于是川且弔之曰生于磧礪善
馳走萬里南來困丘阜青菰寒菽非適口病聞北風
猶舉首金臺已平骨空朽投之龍淵從爾友自西幸
余讀蒙莊書曰兵莫慘於志莫邪為下缺然知志士
之傷夫生也它日讀遠祖中壘校尉書曰口者兵也
盡然知言之為兵又懔乎志因博考前載極其兩端
夫志兵之薄人激烈抗憤不過無從容於世耳口兵
之起其刑渥焉繇是知吾祖之言為急作戒以書于
盤盂五刃之傷藥之可平一言成病智不能明人或
罹兵道塗奔救投方效技思恐其後人或罹譖比肩
狐疑借有解紛毀輒隨之故曰舌端之孽慘乎楚鐵
夷竈誠謀執戈以驅掩人誠智折筭以詈賢者誨子
信其有旨發言之難伸舌猶爾辯為詐媒默為德基
玉櫝不啓焉能瑕疵攣縻深居孰謂可嗤戒扞我口
之啓爾心之門無為我兵當為我藩以慎為鍵以忍
為閤可以多食勿以多言

猶子蔚適越戒

猶子蔚晨跪于席端曰臣幼承叔父訓始句萌至于
扶踈前日不自意有司以名污賢能書又不自意被

丞相府召為從事重親累媿懼貽叔父羞今當行乞
辭以為戒余曰若知彘器乎始乎斲輪因入規矩刻
中廉外枵然而有容者理臚質堅然後加密石焉風
戾日晞不副不聲五交反然後青黃之鳥獸之飾乎瑤
金貴在清廟其用也幕以養潔其箴也櫝以養光苟
措非其所一有毫髮之傷偃然與破甑為伍矣汝之
始成人猶器之作朴是宜力學為訥斷親賢為青黃
睦僚友為瑤金忠所奉為清廟盡敬以為幕慎微以
為櫝去怠以護傷在勤而行之耳設有人思被重霄
而挹顛氣病無階而升有力者揭層梯而倚泰山然

而一舉足而一高非獨揭梯者所能也凡大位未嘗
曠故世多貴人唯天爵并者乃可偉耳夫偉人之一
顧踰乎華章而一非亦慘乎黥刑行矣慎諸吾見垂
天之雲在爾肩腋間矣昔吾友柳儀曹嘗謂吾文雋
而膏味無窮而灸愈出也遲汝到丞相府居一二日
褻吾文入謁以取質焉丞相吾友也汝事所從如事
諸父借有不如意推起敬之心以奉焉無忽

觀博

客有以博戲自任者速余觀焉初主人執握槊之器
寘于廡下曰主進者要約之既揖讓即次有博齒二

異乎古之齒其制用骨觚稜四均鏤以朱墨耦而合
數取應期月視其轉止依以爭道是制也通行之久
矣莫詳所祖以其用必投擲故以博投詔之是日客
抵骨于局且祝之曰其來如趨其去如脫事先趨起
命中無蹉跌無從彼呼無戾我恒分曹適迫自朝至
于日中稷稷吳也而率與所祝異焉客視骨如有情
焉如或馮焉悉詈之不泄又從而齧齧蹂躪之莫顧
其十日之咥讓也乃曰非子術之不工是朽骸者不
予畀也請刷恥于奕碁主人促命燭以續之驚神默
計巧竭智置主進者書勝負之數于牘視其所喪又
倍前籍焉觀者曰以夫人之褊心亦將詬碁而抵枰
矣既乃恬而不恤赧然有失鵠求身之色人咸異之
予劉子曰先人者制人博投是已從人制於人枯碁
是已二者豈有數存乎其間哉但處之勢異耳是知
當軸者易生嫌而退身者易為譽易至之嫌不足貶
也易為之譽不足多也在辨其所處而已

觀市

由命士已上不入於市周禮有馬乃令觀之蓋有因
也元和二年沅南不雨自季春至于六月毛澤將盡
郡守有志于民誠信而零遂徧山川方社又不雨遂

遷市于城門之達余得自麗譙而俯焉肇下令之日
布市籍者咸至夾軌道而分次焉其左右前後班間
錯峙如在闔之制其列題區榜揭價名物參外夷之
貨馬牛有繹私屬有間在中笥者織文及素焉在凡
閭者彫形及質焉在筐筥者白黑巨細焉業于饗者
列饗饔陳麩餌而必然業于酒者舉酒旗滌杯盃而
澤然鼓刀之人設膏俎解豕羊而赫然華實之毛豉
漁之生交蜚走錯水陸群狀夥名入隧而分韞箴而
待價者負挈而求沽者乘射其時者竒贏以遊者坐
賈顯顯行賈遑遑利心中驚貪目不瞬於是質劑之
曹較固之倫合彼此而騰躍之冒良苦之巧言數量
衡於險手杪忽之差鼓舌僮儻詆欺相高詭態橫出
鼓囂譁全烟埃奮羶腥疊巾屨嚙而合之異致同歸
雞鳴而爭赴日中而駢闐萬足一心恐人我先交易
而退陽光西徂幅員不移徑術如初中無求隙地俱
唯守犬烏烏樂得腐餘是日倚衡而閱之三感其盈
虛之相尋也速故著于篇云

論書

或問曰書足以記姓名而已工與拙何損益於數哉
答曰此誠有之蓋舉下之說爾非蹈中之說亦猶言

居室曰避燥濕而已言衣裳曰適寒燠而已言飲食
曰充腹而已言車馬曰代勞而已言祿位曰代耕而
已今夫考居室必以閤門豐屋為美筭衣裳必以文
章道澤為甲評飲食必以精良海陸為貴第車馬必
以華輅絕足為高干祿位必以重侯累封為意是數
者皆不行舉下之說奚獨於書也行之邪禮曰士依
於德游於藝德者何曰至曰敏曰孝之謂藝者何禮
樂射御書數之謂是則藝居三德之後而士必游之
也書居數之上而六藝之一也語曰飽食終日無所
用心難矣哉不有博奕者乎為之猶賢乎已是則博
奕不得列於藝差愈於飽食無所用心耳吾觀今之
人適有面詆之曰子書居下品矣其人必適爾而笑
或警然不屑詆之曰子握槊奕碁居下品矣其人必
赧然而媿或艷然而色是故敢以六藝斥人不敢以
六博斥人嗟乎衆尚之移人也問者曰然則彼魏晉
宋齊間亦嘗尚斯藝矣至有君臣爭名父子不讓何
哉荅曰吾始欲求中道耳子寧以尚之之弊規我歟
且夫信者美德也秦繆尚之而賢臣莫贖黃老者至
道也竇后尚之而儒臣見刑道德且不可尚矧由道
德以下者哉所謂中道而言書者何處之文學之下

亦博之士材鈞而善者得以加譽遇一作鈞而善者得以議能所加在乎譽非實也不黷于賞所議在乎過非實也不紊于刑夫如是庶乎六書之學不堙墜而已乎

宋齊間亦劉氏集略說

子劉子曰五達之井百汲而盈科未必涼而甘所處之勢然也人之詞待扣而揚猶井之利汲耳始余為童兒居江湖間喜與屬詞者游謬以為可教視長者所行止必操觚從之及冠舉秀才一幸而中說有司懼不厭於衆亟以口譽之長安中多循空言以為誠

果有名字益與曹輩畋漁于書林宵語途話琴酒調謔一出於文章俄被召為記室參軍會出師淮上恒磨墨於楯鼻或寢止群書中居一二歲由旬服升諸朝凡三進班而所掌猶外府或官課或為人所倩昌言奏記移讓告諭奠神志奠成猥并焉及謫于沅湘間為江山風物之所蕩往往指事成歌詩或讀書有所感輒立評議窮愁著書古儒者之大同非高冠長劍之比耳前年蒙恩澤授以郡符居海壖多雨慝作適晴喜躬曬書于庭得已書四十通適爾自哂曰道不加益焉用是空文為真可供醬蒙藥楮耳它日子

壻博陵崔生關言曰某也鄉游京師偉人多問文人
新書幾何且欲取去而某應曰無有輒媿起於顏間
今當復西期有以弭媿者繇是剛取四之一為集略
以貽此郎非敢行乎遠也

名子說

魏司空王昶名子制誼咸得立身之要前史是之然
則書紳銘器孰若發言必稱之乎今余名爾長子曰
咸允字信臣次曰同虞字敬臣欲爾於人無賢愚於
事無小大咸推以信同施以敬俾物從而衆說其庶
幾乎夫忠孝之於人如食與衣不可斯須離也豈侯

余勗哉仁義道德非訓所及可勉而企者故存乎名
夫朋友字之非吾職也顧名旨所在遂從而釋之孝
始於親終於事君偕曰臣知終也

奏記丞相府論學事

十一月七日使持節都督夔州諸軍事夔州刺史劉
某謹奏記相公閣下凡今能言者皆謂天下少士而
不知養材之道鬱堙而不揚非天不生材也亦猶不
耕者不歎廩庾之無餘非地不產百穀也伏以貞觀
中增築學舍千二百區生徒三千餘人時外夷上疏
請遣子弟入附于三黜者五國雖菁菁者我育材之

道不足比也。今之膠庠不聞弦歌而室廬圯廢。生徒
衰少。非學官不欲振學也。病無貲財以給其用。餼生
今有一見使大學立富。幸遇相公在位。可以索言之。
禮云。凡學官春釋奠于其先師。斯禮止于辟雍。類宮
非及天下也。今四海郡縣咸以春秋上下有事。孔子
廟其禮不應於古。且非孔子意也。炎漢初定。群臣皆
起屠販為公卿。故孝惠高后之間。置原廟於郡國。逮
孝元時。帝立成以碩儒為丞相。遂建議罷之。夫以子
孫尚不敢違禮以饗其祖。况後學師先聖之道而首
違之乎。祭義曰。祭不欲數。語云。祭神如神在。與其煩
於舊饗。孰若行其教道。今夫子之教日頽靡。而以非
禮之祀媚之。斯儒者所宜憤排也。竊觀歷代無有是
事。皇家武德二年。詔於國學立周公孔子廟。四時致
祭。貞觀十一年。又詔修宣尼廟於兗州。至二十年。許
敬宗等奏。乃遣天下諸州縣置三獻官。其他如方社
敬宗。非通儒不能稽典禮。開元中。玄宗饗學。與儒臣
議。繇是發德音。其罷郡縣釋奠。牲牢唯酒脯。以薦後
數年。定令。時王孫林甫為宰相。不涉學。委御史中丞
王敬從刊之。敬從非文儒。遂以明衣牲牢編在學令。
是首失於敬宗。而終失於林甫。習以為常。罕有敢非

之者謹按本州四縣一歲釋奠物之直緡錢十六萬有奇舉天下之郡縣當千七百不啻羈縻者不在數中凡歲中所出於經費過四十萬適資三獻官飾衣裳飽妻子而已於尚學之道無有補焉前日詔書許列郡守臣得以上言便事今謹條奏某乞下禮官博士詳議典制罷天下縣邑牲牢衣幣如有生徒春秋依開元敕旨用酒醴暇修膳脯棗示敬其事而州府許如故儀然後籍其資半附益所隸州使增學校其半率歸國庠猶不下萬計築學室具器用豐簞食增掌固以備使令凡儒官各加稍食其紙筆鈔黃視所出州率令折入學徒既備明經日課繕書若干紙進士命讐校亦如之則貞觀之風粲然不殊其它郡國皆立程督投綏懷壘棧樸華華良可詠矣伏惟相公發迹咸自諸生其尊素王之道儀形四方宜在今日是以小生敢沿故事以奏記于左右姑舉其大較至於證據纖悉條奏具之章下之日乞留神省察不勝大願惶恐拜手稽首

澤宮詩

澤宮送士歲貢也晉昌唐如晦以信誼為良弓文學為最矢規爵祿猶衆禽密毅持滿逆風蜚繳者數矣

有措楛之妙而無雙鶴之獲，韞子收視歸究其術，繇是跡愈屈而名愈聞。君子益多之，被不由其術，一幸而中者，雖懸貺在廷，君子未嘗多也。歲殫矣，告予以西，余為賦澤宮十章，庶見子之弓，弗再張也已。秩秩澤宮，有的維鵠，祁祁庶士，予以干祿。彼鵠斯微，若止若翔，千里之差，起于毫芒。我矢既直，我弓既良，依于高墉，因我不減。高墉伊何，維器與時，視之以心，誰謂鵠微。

魏生兵要述

余為書殿學士四年，所與居皆鴻生彥士。一旦詔下

懷吳郡章而東門下生咸惜是行，且曰：吳中富士，必有知書，宜為太守所禮者。及下車，閱客籍，森然三千有鉅鹿。魏生持所著書來謁，曰：不佞始讀書為文章，凡二十年在貢士中，孤鳴甚哀，卒無善聽者。退而收視易慮，伏北窓下，考前言，成兵要十編，度諸侯未遑是事，將笑而西求一言，以生羽翼。予取書觀之，始自黃帝伏蚩尤，至于隋氏平江南，語春秋戰國事，最備磅礴，下上數十年間，其攬撫評議無遺策。用是以干握兵符，貴人宜有虛已而樂聞者。子盍行乎？吾知元侯上舍，不獨善雞鳴，彈長鈇，三五九九之伎，顯之而

已上合不礙善機也身越三止八止外歸之
然其善救沈志志了而樂聞者不處其下也
貞元季年夏大水熊武五溪關決于沅突舊防毀民
家躋高望之溟濤葩華山腹為坻林端如莎湍道駛
悍不風而怒崩巖前邁浸滯旁掩柔者靡之固者脫
之規者旋環之矩者倒顛之輕而泛浮者碾礪之重
而高大者前卻之生者力音殪者弛形蔽流而東若
木梯然有僧愀焉誓於路曰浮圖之慈悲救生最大
能援彼於溺我當為魁里中兒願從四三輩皆狎川
勇游者相與乘堅舟挾善器維以修紉杙于崇丘水

當洄湫人易冥力凝驢執用俟可而拯大凡室處之
類穴居之彙在牧之群在秦之馴上羅黔首下逮毛
物投乎洪濶致諸生地者數十百焉適有擊獸如鷓
夷而前攫持流楫首用不陷隅目傍睨其姿弭然甚
如六擾之附人者其徒將取焉僧趣音促訶之曰第無
濟是為目之可里所而不能有所持矣舟中之人曰
吾聞浮圖之數貴空空生普普生慈不求報施之謂
空不擇善惡之謂普不逆困窮之謂慈羶也生必救
而今也窮見廢無乃計善惡而忘普與慈乎僧曰甚
矣問之且妄也吾之教惡乎無善惡哉六塵者在

身之不善也佛以賊視之未加聲聞者在彼之未寤也佛以邪目之惡乎無善惡邪吾歸也所援而出死地者衆矣形乾氣還各復本狀蹄者躑躅然羽者翹蕭然而言者譏譏然隨其所之吾不尸其施也不德吾則已烏能害為被形之乾髣髴之姿也彼氣之還暴悍之用也心足及噬而齒甘最靈是必肉吾屬矣庸能躑躅譏譏之比歟夫虎之不可使知恩猶人之不可使為虎也非吾自遺患焉爾且將貽患于衆多吾罪大矣子劉子曰余聞善人在患不救不祥惡人在位不去亦不祥僧之言遠矣故志之

卷第二十

劉賓客文集卷第二十一

雜興三十一首

學院公體三首

少年負志氣信道不從時只言繩自直安知室可欺百勝難慮敵三折乃良醫人生不失意焉能慕已知朔風悲老驥秋霜動鷲禽出門有遠道平野多層陰滅沒馳絕塞振迅拂華林不因感哀節安能激壯心昔賢多使氣憂國不謀身目覽千載事心交上古人侯門有仁義靈臺多苦辛不學腰如磬徒使甌生塵

偶作二首

終朝對尊酒嗜興非嗜甘終日偶衆人縱言不縱談
世情聞盡見藥性病多諳寄謝嵇中散予無甚不堪
萬卷堆牀書學者識其真萬里長江水征夫度要津
養生非但藥悟佛不因人燕石何須辨逢時即至珍
時局悲古調二首 一作古調
軒后初冠冕前旒為蔽明安知從履道然後見人情
薄領乃俗士清談信古風吾觀蘇合綽朱墨一何工

寓興二首

常談即至理安事非常情寄語何平叔無為輕老生
世途多禮數鵬鷄各逍遙何事陶彭澤拋官為折腰

昏鏡詞并引

鏡之工刻十鏡于賈區發奩而視其一皎如其九霧
如或曰良苦之不侔甚矣工解頤謝曰非不能盡良
也蓋賈之意唯售是念今來市者必歷鑿周睎求與
已宜彼皎者不能隱芒杪之瑕非美容不合是用什
一其數也予感之作昏鏡詞

昏鏡非美金漠然喪其晶陋容多自欺謂若他鏡明
瑕疵既不見妍態隨意生一日四五照自言美傾城
飾帶以紋繡裝匣以瓊瑛秦宮豈不重非適乃為輕

養鷲詞并引

途逢少年志在逐絕方呼鷹隼以襲飛走因縱觀之

卒無所獲行人有常從事於斯者曰夫鷲禽饑則為

用今哺之過篤故然也予感之作養鷲詞

養鷲非玩形所資擊鮮力少年昧其理日月哺不息

探離網黃口且莫有餘食寧知下韝時翅重飛不得

羶羶止林表狡兔自南北飲啄既已盈安能勞羽翼

武夫詞并引

有武夫過詫余以從軍之樂翌日質于通武之善經

者則曰果有樂也夫威恣而賞勞則樂用威雖而賞

越則樂橫去聳顧其樂安出耳予惕然作是詞

武夫何澆澆衣紫襲絳裳借問胡為爾列校在鷹揚

依倚將軍勢交結少年場探丸害公吏袖刃妒名倡

家產既不事顧眄自生光酣歌高樓上袒裼大道傍

昔為編戶人乘耒甘哺糠今來從軍樂躍馬飫持梁

猶思風塵起無種取侯生

賈客詞并引

五方之賈以財相雄而鹽賈尤熾或曰賈雄則農傷

予感之作是詞

賈客無定遊所遊唯利并眩俗雜良苦乘時取重輕

心計析秋毫捶鉤侷懸衡錐刀既無棄轉化日已盈

徽福禱波神施財遊化城妻約雕金釧女垂貫珠纓
高貲比封君奇貨通倖卿趨時鷲鳥思藏鏹盤龍形
大編浮通川高樓次旗亭行止皆有樂關梁自無征
農夫何為者辛苦事寒耕

調瑟詞并引

里有富豪翁厚自奉養而嚴督減獲力屈形削然猶
役之無藝極一旦不堪命亡者過半追亡者亦不來
復翁頽沮而追昨非之莫及也予感之作調瑟詞
調瑟在張弦弦平音自足朱絲二十五闕一不成曲
美人愛高張瑤軫再三促上弦雖獨響下應不相屬

自莫聲未和寂寥一枯木却顧膝上弦流淚難相續

東晉書
讀張曲江集作并引

世稱張曲江為相建言放臣不宜與善地多徙五溪
不毛之鄉及今讀其文自內職牧始安有瘡痍之歎
自退相守荆門有拘囚之思託諷禽鳥寄詞草樹鬱
然與騷人同風嗟夫身出於遐陬一失意而不能堪
矧華人士族而必致醜地然後快意哉議者以曲江
為良臣識胡雛有反相羞凡器與同列密啓廷爭雖
古哲人不及而燕翼無似終為餒魂豈伎心失恕陰
謫最大雖二美莫贖邪不然何袁公一言明楚獄而

鍾社四葉以是相較神可誣乎予讀其文因為詩以
吊哲人

聖言貴忠恕至道重觀身法在何所恨色傷斯為仁
良時難久恃陰譎豈無因寂寞韶陽廟魂歸不見人

庭梅詠寄人

蚤花常犯寒繁實常苦酸何事上春日坐令芳意闌
天桃定相笑遊妓肯回看君問調金鼎方知正味難

詠古二首有所寄

車音想鞦韆不見綦下塵可憐平陽第歌舞嬌青春
金屋容色在文園詞賦新一朝復得幸應知失意人

寂寂照鏡臺遺基古南陽真人昔來遊翠鳳相隨翔

目成在桑野志遂貯椒房豈無三千女初心不可忘

詠史二首

驃騎非無勢少卿終不去世道劇頽波我心如砥柱
賈生明王道衛綰工車戲同遇漢文時何人居貴位

苦雨行

悠悠飛走情同樂在陽和歲中三百日常恐風雨多
天人信遐遠時節易蹉跎洞房有明燭無乃酣且歌

萋兮吟

天涯浮雲生爭蔽日月光窮巷秋風起先摧蘭蕙芳

萬貨列旗亭恣心注明璫名高毀所集言巧智難防
勿謂行大道斯須成太行莫吟萋兮什徒使君子傷

天入計經檀道濟故壘

萬里長城壞荒營野草秋秣陵多士女猶唱白符鳩

史云當時人歌曰可憐
白符鳩枉殺檀江州

賈士題王題歌器圖

秦國功成思稅駕晉臣名遂歎危機無因上蔡牽黃

犬願作丹徒一布衣

目如蚊聚蚊註

沈沈夏夜閑堂開飛蚊伺暗聲如雷嘈然歛起初駭

聽殷殷若自南山來喧騰鼓舞喜昏黑昧者不分聰
者惑露花滴瀝月上天利甯迎人看不得我軀七尺
爾如芒我孤爾衆能我傷天生有時不可逼為爾設
幄潛匡林清商一來秋日曉羞爾微形飼丹鳥

百舌吟

曉星寥落春雲低初聞百舌間關啼花樹滿空迷處
所搖動繁英墜紅雨笙簧百轉音韻多黃鸝吞聲燕
無語東方朝日遲遲升迎風弄景如自矜數聲不盡
又飛去何許相逢綠楊路絲蠻宛轉似娛人一心百
舌何紛紛醜顏俠少停歌聽墜珥妖姬和睡聞可憐

光景何時盡誰能低回避鷹隼廷尉張羅自不關潘
郎挾彈無情損天生羽族爾何微舌端萬變乘春輝
南方朱鳥一朝見索漠無言蒿下飛

飛鳥操

鳶飛杳杳青雲裏鳶鳴蕭蕭風四起旗尾飄揚勢漸
高箭頭若劃聲相似長空悠悠霽日懸六翮不動凝
飛烟遊鸚鵡出其下慶雲清景相回旋忽聞饑鳥
一噪聚瞥下雲中爭腐鼠騰音礪吻相喧呼仰天大
嚇疑鷲雛畏人避犬投高處俛吻無聲猶屢顧青鳥
自愛玉山禾仙禽徒貴華亭露樸棟危巢向莫時
趨
總飽腹蹲枯枝遊童挾彈一麾肘臆碎羽分人不悲
天生衆禽各有類威鳳文章在仁義鷹隼儀形螻蟻
心雖能戾天何足貴

秋螢引

漢陵秦苑遙蒼蒼陳根腐葉秋螢光夜空寂寥金氣
淨千門九陌飛悠揚紛紛暉映互明滅金鑪星噴鎧
花發露華洗濯清風吹攢昂不定招搖垂高巖果
過珠網斜歷璇題舞羅幌褰衣樓上拂香帟承露臺
前轉仙掌槐市諸生夜對書北窓分明辨魯魚行子
東山起征思中郎騎省悲秋氣銅雀人歸自入簾長

閉帳開來照淚誰言向晦常自明童兒走步嬌女爭
天生有光非自銜遠近低昂暗中見撮蚊袂鳥亦夜
飛翅如車輪人不見

華山謠

洪鑪作高山元氣鼓其橐俄然神功就峻拔在寥廓
靈蹤露指爪殺氣見稜角凡木不敢生神仙聿來託
天資帝王宅以我為關鑰能令下國人一見換神骨
高山固無限如此方為嶽丈夫無特達雖貴猶碌碌

摩鏡篇

流塵翳明鏡歲久看如漆門前負局生為我一摩拂

羊開綠池滿暈盡金波溢白日照空心圓光走幽室
山神祇氣沮野魅真形出却思未摩時尾礫來唐突

有獺吟

有獺得嘉魚自謂天見憐先祭不敢食捧鱗望清玄
人立寒沙上心專脰肩肩漁翁以為妖舉塊投其前
呼兒貫魚歸與獺同烹煎閨閨黃金鷄大翅搖江煙
下見盈尋魚投身擘洪漣攫拏隱嶙去哺雛林岳巔
鷗鳥欲伺隙遙噪莫敢前長居青雲路彈射無由緣
何地無江湖何水無鮪鱸天意不宰割菲祭徒虔虔
空餘知禮重載在淹中篇

空齋對野重清山

空齋無主野山清

空齋無主野山清

空齋無主野山清

空齋無主野山清

空齋無主野山清

空齋無主野山清

空齋無主野山清

空齋無主野山清

劉賓客文集卷第二十一

劉賓客文集卷第二十二

對蓮五言今體三十首

春日退朝

紫陌夜來雨南山朝下看
戟枝迎日動閣影助松寒
瑞氣卷綃縠遊光泛波瀾
御溝新柳色處處拂歸鞍

經東都安國觀九仙公主舊院作

仙院御溝東今來事不同
門開青草日樓閉綠楊風
將犬昇天路披霓赴月宮
武皇曾駐驛親問主人翁

蜀先主廟 漢末謹黃牛白腹五銖當復

天下英雄氣千秋尚凜然
勢分三足鼎業復五銖錢

得相能開國生兒不象賢淒涼蜀故妓來舞魏宮前

觀八陣圖

軒皇傳上略蜀相運神機水落龍蛇出沙平鵝鶴飛
波濤無動勢鱗介避餘威會有知兵者臨流指是非

八月十五日夜玩月

天將今夜月一遍洗寰瀛暑退九霄淨秋澄萬景清
星辰讓光彩風露發晶英能變人間世儵然是玉京

許給事見示哭工部劉尚書詩因命同作

漢室賢王後

從叔望在河間

孔門高第人濟時成國器樂道

任天真特達圭無玷堅貞竹有筠總戎寬得衆市義

貴能貧護塞無南牧馳心拱北辰乞身來闕下賜告

卧漳濱榮耀初題劍清羸已控紳宮星徒列位隙日

不回輪自昔追飛侶今為侍從臣素弦哀已絕青簡

歎猶新未遂揮金樂空悲徹瑟晨淒涼竹林下無復

見清塵

從叔自渭北節度以疾歸朝
比及拜尚書竟不克中謝

奉和中書崔舍人八月十五日夜玩月二

十韻

莫景中秋爽陰靈既望圓騰精浮碧海分照接虞淵
迥見孤輪出高從倚蓋旋二儀含皎澈萬象共澄鮮
整御當西陸舒光麗上玄從星變風雨順日助陶甄

遠近同時望晶熒此夜偏運行調玉燭潔白應金天
曲沼疑瑤鏡通衢若象筵逢人盡冰雪遇境即神仙
引素吞銀漢凝清洗綠烟臯禽警露下鄰杵思風前
水是還珠浦山成種玉田劍沈三尺影鐙罷九枝然
象外行無迹寰中影有遷稍當雲闕正未映斗城懸
靜對揮宸翰閑臨璧彩牋境同牛渚上宿在鳳池邊
興掩尋安道詞勝命仲宣從今紙貴後不復詠陳篇

奉和淮南李相公蚤秋即事寄成都公武相

八柱共承天東西別隱然遠夷爭慕化真相故臨邊
並進夔龍位仍齊龜鶴年相公詩有齊年並進之句也同心舟已

濟造滕壁常聯對領專征寄遙持造物權斗牛添氣
色井絡靜氛烟獻可通三略分甘出萬錢漢南趨節
制趙北賜山川玉帳觀渝舞紅旌獵楚田步嫌雙綬
重夢入九城偏秋與離情動詩從樂府傳聆音還竊
抃不覺撫么弦李中書自揚州見示詩本因命仰和

元和癸巳歲仲秋詔發江陵偏師問罪蠻
徼後命宣慰釋兵歸降凱旋之辰率爾成

詠寄荆南嚴司空

蠻水阻朝宗兵符下渚宮前籌得上策無戰已成功
漢使星飛入夷心草偃同歡謠開竹棧拜舞擲桑弓

就日知冰釋投人念鳥窮網羅三面解章奏九門通
弁服睒操袂雕題盡鞠躬降幡秋練白驛騎畫塵紅
火號休傳警機橋罷亘空登山不見虜振旆自生風
江遠煙波靜軍回氣色雄佇者聞喜後金石賜元戎

武陵書懷五十韻

并引

按天官書武陵當翼軫之分其在春秋及戰國時皆
楚地後為秦惠王所并置黔中郡漢興更名曰武陵
東徙于今治所常林義陵記云初項籍殺義帝于郴
武陵人曰天下憐楚而興今吾王何罪乃見殺郡民
縞素哭于招屈亭高祖聞而義之故亦曰義陵今郡

城東南亭舍其所也晉宋齊梁間皆以分王子弟事
存于其書永貞元年余始以尚書外郎出補連山守
道貶為是郡司馬至則以方志所載而質諸其人民
頌山川風物皆騷人所賦乃其所聞見而成是詩因
自述其出處之所以然故用書懷為目云

西漢開支郡南朝號戚藩四封當列宿百雉俯清沅
高岸朝霞合驚湍激箭奔積陰春暗度將霽霧先昏
俗尚東皇祀謹傳義帝冤桃花迷隱迹棟葉慰忠魂
戶篋資漁獵鄉豪恃子孫照山畚火動躡月俚歌喧
擁檝舟為市連薨竹覆軒披沙金粟見拾羽翠翹翻

茗拆滄溪秀蘋生枉渚暄滄溪茶為邑人所禽驚格

磔起魚戲噉喙繁按本草經曰鷓鴣聲沈約臺榭故

李衡墟落存隱侯臺木奴洲並在湘靈悲鼓瑟泉客泣酬恩露

變蕪葭浦星懸橘柚村虎咆空野震鼉作滿川渾隣

里皆遷客兒童習左言炎天無冽井霜月見芳蓀清

白家傳遺詩書志所敦列科叨甲乙從宦出兵樊結

友心多契馳聲氣尚吞士安曾重賦元禮許登門草

檄嫖姚幕巡兵戌已屯築臺先自隗送客獨留鬢遂

結王畿綬來觀衢室尊鳶飛入鷹隼魚目儼與璠曉

燭羅馳道朝陽闕帝閣王正會夷夏月朔盛旗幡獨

立當瑤闕傳訶步紫垣按章清行獄視祭潔蘋繁御

曆昌期遠傳家寶祚蕃繇文光夏啓神教畏軒轅內

禪因天性膺圖授化元繼明懸日月出震統乾坤大

孝三朝備洪恩九族博百川宗渤澥五岳輔崑崙何

幸逢休運微班識至尊校緡資筦權復土奉山園以時

本官判度支鹽鐵等兼崇陵使判官一失貴人意徒聞大學論直廬辭

錦帳遠守愧朱轡巢幕方猶燕搶榆尚笑鯤遭回過

荆郢流落感涼溫旅望花無色愁心醉不憎春江千
里草莫雨一聲猿問卜安冥數看方理病源帶賒衣
改制塵澀劍成痕三秀悲中散二毛傷虎賁來憂禦

魑魅歸願收雞豚就日秦京遠臨風楚奏煩南登無
灞岸旦夕上高原問卜女真幾許不難成感帶新牙
降福燕燕經伏波神祠於無恙也
蒙蒙篁竹下有路上壺頭漢壘麕鬚關蠻漢霧雨愁
懷人敬遺像閱世指東流自負霸王略安知恩澤侯
鄉園辭石柱筋力盡炎洲一以功名累翻思馬少遊
繁露傳家學青蓮譯梵書火風垂四大文字廢且餘
歌枕晝眠晚折中秋鬢踈武皇思視草誰許茂陵居

送當

贈澧州高大夫司馬霞寓

野祭紫籙繁

前年收錦城馬蹋血泥行千里追戎首三軍許勇名
殘兵疑鶴唳空壘辨烏聲一誤雲中級南游湘水清
宿誠禪師山房題贈二首

宴坐白雲端清江直下看來人望金刹講席繞香壇
虎嘯夜林動鼉鳴秋澗寒衆音徒起滅心在淨中觀
不出孤峯上人間四千秋視身如傳舍閱世甚東流
法為因緣立心從次第修中宵問真偈有住是吾憂

晚泊牛渚

蘆葦晚風起秋江鱗甲生殘霞忽改色遊鴈有餘聲
戍鼓音響絕漁家燈火明無人能詠史獨自月中行

必疑晉巖郡歸洛陽閑居

十年江外守旦夕有歸心及此西還日空成東武吟
花間數琖酒月下一張琴聞說功名事依前惜寸陰

城東閑遊

借問池臺主多居要路津千金買絕境永日屬閑人
竹徑縈紆入花林委曲巡斜陽衆客散空鎖一園春

罷郡歸洛陽寄友人

遠謫年猶少初歸鬢已衰門閑故吏去室靜老僧期
不見蜘蛛集頻為儂句欺穎微囊未出寒甚谷難吹
瀟落唯心在平生有已知商歌夜深後聽者竟為誰

陝州河亭陪常五大夫雪後眺望因以留

別與常有布衣之舊一別二紀經遷貶而

歸

雪霽大陽津城池表裏春河流添馬頰原色動龍鱗
萬里獨歸客一楮逢故人因高向西望關路正飛塵

途中蚤發

中庭望啓明促促事晨征寒樹鳥初動霜橋人未行
水流白煙起日上彩霞生隱士應高枕無人問姓名

初至長安

時自外郡再授郎官

左遷凡二紀重見帝城春老大歸朝客平安出嶺人

每行經舊處却想似前身不改南山色其餘事事新

大和戊申歲大有年詔賜百寮出城觀秋

水齋白對稼謹書盛事以俟采詩者

長安銅雀鳴秋稼與雲平玉燭調寒暑金風報順成

川原呈上瑞恩澤賜閑行欲及重城掩猶聞歌吹聲

萬里歸朝 蚤秋集賢院郎事

時為學士

金數已三伏火星正西流樹含秋露曉閣倚碧天秋

仄瑄應新律銅壺添夜籌商飆從朔塞爽氣入神州

蕙草香書殿槐花點御溝山明真色見水淨濁煙收

蚤歲忝華省再來成白頭幸依群玉府有路向瀛洲

金陵懷古

潮滿冶城渚日斜征虜亭蔡洲新草綠幕府舊煙青

興廢由人事山川空地形後庭花一曲幽怨不堪聽

晝居池上亭獨吟

日午樹陰正獨吟池上亭靜看蜂教誨閑想鶴儀形

法酒調神氣清琴入性靈浩然機已息几杖復何銘

分司東都蒙襄陽李司徒相公書問因以

奉寄

蚤忝金馬客晚為商洛翁知名四海內多病一生中

舉世往還盡何人心事同幾時登峴首恃舊揖三公

舉世封豨秦和吏部楊尚書太常李卿二相公策免
卷系金馬後即事述懷贈答十韻

文雅關西族衣冠趙北都有聲真漢相無類勝隋珠
當軸龍為友臨池鳳不孤九天開內殿百辟省晨趨
誠滿澄歌器成功別火鑪餘芳在公論積慶是神扶
步武離台席徊翔集帝梧銓材兼秦鏡典樂去齊筭
蕭灑風塵外逢迎詩酒徒唯應待華皓更食萬錢厨
具奏由入門下相公榮加冊命天下同歡忝沐眷私
輒敢申賀
冊命出宸衷官儀自古崇特膺平土拜光贊格天功

再佩扶陽印常乘鮑氏驄七賢遺老在猶得詠清風
病中一二禪客見問因以謝之

勞動諸賢者同來問病夫添鑪擣雞舌灑水淨龍鬚
身是芭蕉喻行須印竹扶醫王有妙藥能乞一丸無

劉賓客文集卷第二十二

劉賓客文集卷第二十三

安籍古調十六首

登司馬錯故城

秦昭王命錯征五溪蠻城在武陵沅江南

將軍將秦師西南奠遐服故壘清江上蒼煙晦喬木
登臨值蕭辰周覽壯前躅整平陳葉滿墉高秋蔓綠
廢井袖寒菜毀臺生櫓穀耕人得古器宿雨多遺鏃
楚塞鬱重疊蠻溪紛詰曲留此數仞基幾人傷遠目

卧病聞常山旋師策勳省過王澤大洽因

寄李六侍御

寂寂重寂寂病夫卧秋齋夜虫思幽壁槁葉鳴空階

南國異氣候火旻尚昏霾瘴烟跼飛羽沴氣傷百骸
昨聞凱歌旋飲至酒如淮無戰陋丹水垂仁經藁街
清廟既策勳圓丘俟播柴車書一以泐幽遠靡不懷
逐客顛顛久故鄉雲雨乖禽魚各有化予欲問齊諧

謁枉山會禪師

我本山東人平生多感槩弱冠遊咸京上書金馬外
結交當世賢馳聲溢四塞勉修貴及蚤徂捷不知退
錙銖揚芬馨尋尺招瑕類淹留郢南鄙摧積羽翰碎
安能咎往事且欲去沈痍吾師得真如自在人寰內
哀我墮名網有如翾飛輩瞳瞳揭智炬照使出昏昧

靜見玄關啓歆然初心會夙尚一何微今得信可大
覺路明證入便門通懺悔悟理言自忘處屯道猶泰
色身豈吾寶慧性非形礙思此靈山期未來何年載

善卷壇下作

在枉山上

先生見堯心相與去九有斯民既已治我得安林藪
道為自然貴名是無窮壽瑤壇在此山識者常回首

武陵觀火詩

楚鄉祝融分災火常為虞是時直突烟發自晨炊徒
盲風扇其威白晝曠陽烏操綆不暇汲循墻寧避踰
怒如列缺光迅與焚輪俱聯延掩四達赫奕成洪鑪

洵疑雲濤翻颯若鬼神趨當前迎焮艷是物同膏腴
金烏入梵天赤龍遊玄都騰烟透窓戶飛焰生藥櫃
火山摧半空星雨灑中衢瑤壇被髹漆寶樹攢珊瑚
花縣與琴焦旗亭無酒濡市人委百貨邑令遺雙鳧
餘勢下隈隩長燂烘舳舻吹熒照水府炎浪愁天吳
災罷雲日晚心驚視聽殊高灰辨廩庾黑土連墮闔
衆燼合星羅遊氛鑠人膚厚地藏宿熱遙林呈驟枯
火德資生人庸可一日無御之失其道敲石彌天隅
晉庫徒龍劍吳宮傷燕雛五行有沴氣先哲垂訐謨
宋鄭同日起時當賢大夫無苛自可樂弭患非所圖

賢守恤人瘼臨烟駐驪駒帛傷色慘怛言失詞劬愉
下令蠲里布指期輕市租開垣適未立苦蓋自相娛
山木行翦伐江泥宜瑾塗魯臣不必葺何用徵越巫

崔元受少府自貶所還遺山薑花以詩答

故人博羅尉遺我山薑花彩從碧海上來自謫僊家
雲濤潤孤根陰火照晨葩淨搖扶桑日豔對瀛洲霞
世人愛芳辛寡擷忘幽遐傳名入帝里飛駟辭天涯
王濟本尚味石崇方鬪奢雕盤多不識綺席乃增華
驛馬損筋骨貴人滋齒牙願予藜藿士持此空嘆嗟

馬蹋塵上霜月明岡頭路行人朝氣銳宿鳥相辭去
流水隔遠村縵山多紅樹悠悠閑塞內來往無閑步

王春林尚和董庶中古散調詞贈尹果毅

昔聽東武吟壯年心已悲如何今渡落聞君苦辛辭
言有窮巷士弱齡頗尚竒讀得玄女符生當事邊時
借名遊俠窟結客幽并兒往來長楸間能帶雙韃馳
崩騰天寶末塵暗燕南垂燿火入咸陽詔徵神武師
是時占軍募挿羽揚金羈萬夫列轅門觀射中戟支
誓當雪國讐親愛從此辭中宵倚長劍起視蚩尤旗
介馬晨蕭蕭陳雲竟天涯陰風獵百草旗槩光參差

勇氣貫中腸視身忽如遺曾擒白馬將虜騎不敢追
貴臣上戰功名姓隨意移終歲肌骨苦他人印累累
謁者既清宮諸侯各罷戲上將賜北第門戟不可窺
背血下沾襟天高問無期却尋故鄉路孤影空相隨
行逢里中舊樸遼昔所嗤一言合侯王晉佩黃金龜
問我何自苦可憐真數竒遲回顧徒御得色懸雙眉
翻然悞世途撫已昧所宜田園已蕪沒流浪江海湄
鷲禽毛翮摧不見翔雲姿哀容蔽逸氣孑孑無人知
寂寞草玄徒長吟下書帷為君發哀韻若扣瑤林枝
有客識其真潺湲涕交頤勸爾一杯酒陶然足自怡

前劉濤其望衡山

東南倚蓋卑維嶽資柱石前當祝融居上拂朱鳥翻
青冥結精氣磅礴宣地脉還聞膚寸陰能致彌天澤

遊桃源一百韻

沅江清悠悠連山鬱岑寂回流抱絕巘皎鏡含虛碧
昏旦遞明媚烟嵐紛委積香蔓垂綠潭暴龍照孤磧

山下潭名綠蘿磧名暴龍淵明著前志子驥思遠跡

子驥事見陶先生本記

寂寂無何鄉密爾天地隔金行太元歲漁者偶探疇
尋花得幽蹤窺洞穿閣隙依微聞雞犬豁達值阡陌
居人互將迎笑語如平昔廣樂雖交奏海禽心不懌

揮手一來歸故溪無處覓絲絲五百載市朝幾遷華

有路在壺中無人知地脉皇家感至道聖祚自天錫

金闕傳本枝玉函留寶曆禁山開祕宇復戶潔靈宅

詔隸二十戶免徭以奉灑掃藥檢香氣氲醮壇烟幕幕我來塵外

躅瑩若朝醒析崖轉對翠屏水窮留畫鷁三休俯喬

木千級攀峭壁旭日聞撞鐘綵雲迎躡屐遂登最高

頂縱目還楚澤平湖見草青遠岸連霞赤幽尋如夢

想絲思屬空閭寅緣且忘疲耽玩近成癖清猿伺曉

發瑤草陵寒坵祥禽舞葱龍珠樹搖玳璫羽人頤我

笑勸我稅歸輶霓衣何飄颻童顏潔白誓重巖是藩

屏馴鹿受羈勒樓居邇清霄蘿葛成翠帶仙翁遺竹
杖王母留桃核姹女飛丹沙青童護金液寶氣浮鼎
耳神光生劍脊虛無天樂來僊宰鬼兵役丹丘肅朝
禮玉札五紬繹枕中淮南方牀下阜鄉烏明鑑坐逢
夜幽籟聽浙瀝因話近世僊聳然心神惕乃言瞿氏
子骨狀非凡格徃事黃先生群兒多侮劇警然不屑
意元氣貯肝鬲徃徃遊不歸洞中觀博奕言高未易
信猶復加訶責一旦前致辭自云仙期迫言師有道
骨前事嘗被謫如今三山上名字在真籍悠然謝主
人後歲當來覲言畢依庭樹如烟去無迹觀者皆失

次驚追紛絡繹日莫山逕窮松風自蕭槭適逢修地
見瞑目光激射如嚴三清居不使恣搜索唯餘步綱
勢八趾在沙礫至今東北隅表以壇上石列仙徒有
名世人非目擊如何庭廡際白日振飛翮洞天豈幽
遠得道如咫尺一氣無死生三光自遷易因思人間
世前路何湫窄瞥然此生中善祝期滿百大方播群
類秀氣肖翕鬪性靜本同和物牽成阻阨是非鬪方
寸葷血昏精魄遂令多天傷猶喜見斑白喧喧車馬
馳苒苒桑榆夕共安緹繡榮不悟泥途適紛吾本孤
賤世業在逢掖九流宗指歸百氏旁攬接公卿偶慰

薦鄉曲謬推擇居安白社貧志傲玄纁辟功名希自
取簪組俟揚歷書府蚤懷鈇射宮曾發的起草香生
帳坐曹烏集柏賜宴聆蕭韶侍祠閱琮璧嘗聞履忠
信可以行蠻貊自迷希古心妄恃干時畫巧言忽成
錦苦志徒食藥平地生峯巒深心有矛戟曾波一震
盪弱植果淪溺北渚弔靈均長岑思亭伯禍來昧幾
兆事去空歎惜塵累與時深流年隨漏滴才能疑木
鴈報施迷夷跖楚奏繫鍾儀商歌勞甯戚稟生非懸
解對境方感激自從嬰網羅每事問龜策王正降雷
雨環珞賜遷斥儻復夷平人誓將依羽客買山構精

舍領徒開講席冀無身外憂自有閑中益道牙期日
就塵慮乃冰釋且欲遺姓名安能慕竹帛長生尚學
致一溉豈虛擲芝朮資糗糧煙霞拂巾幘黃石履者
墮洪崖肩可拍聊復嗟蟬蛸何頻哀虺蜴青囊既深
味瓊葩亦屢摘縱無西山姿猶免長戚戚

客有為余話登天壇遇雨之狀因以賦之
清晨登天壇半路逢陰晦疾行穿雨過却立視雲背
白日照其上風雷走于內滉漾雪海翻槎牙玉山碎
蛟龍露鬣鬣神鬼含變態萬狀互相生百音以繁會
俯觀群動靜始覺天宇大山頂自激明人間已霧霏

豁然重昏歛渙若春冰潰反照入松門瀑流飛縞帶
遙光泛物色餘韻吟天籟洞府撞仙鍾村墟起夕靄
却見山下侶已如迷世代問我何處來我來雲雨外
有僧言羅浮事因為詩以寫之

君言羅浮上容易見九垓漸高元氣壯洶湧來翼身
夜宿最高峯瞻望浩無鄰海里天宇曠星辰來逼人
是時當朏魄陰物恣騰振日光吐鯨背劍影開龍鱗
倏若萬馬馳旌旗聳齋淪又如廣樂奏金石含悲辛
疑其有巨靈怪物盡來賓陰陽迭用事乃俾夜作晨
咿喔天雞鳴扶桑色昕昕赤波千萬里踴出黃金輪

下視生物息霏如隙中塵醢雞仰雞口亦謂雲漢津
世人信耳目方寸度大鈞安知視聽外怪愕不可陳
悠悠想大方此乃梧水濱知小天地大安能識其真

秋江蚤發

輕陰迎曉日霞霽秋江明草樹含遠思襟懷有餘清
凝睇萬象起朗吟孤憤平渚鴻未矯翼而我已遐征
因思市朝人方聽晨雞鳴昏昏戀衾枕安見元氣英
納爽耳目變玩竒筋骨輕滄洲有竒趣浩蕩吾將行

裴祭酒尚書見示春歸城南青松塢別墅

寄王左丞高侍郎之什命同作

蚤宦閱人事晚懷生道機時從學省出獨望郊園歸
野約度春水山花映巖扉石頭解金章林下步綠薇
青松鬱成塢修竹盈尺圍吟風起天籟蔽日無炎威
危逕盤羊腸連甍聳翬飛幽谷響樵斧澄潭環釣磯
因高見帝城冠蓋場光輝白雲難持寄清韻投所希
二公如長離比翼翔太微含情謝林壑酬贈駢珠璣
顧予久郎潛愁寂對芳菲一聞丘中趣再撫黃金徽
和河南裴尹侍郎宿齋太平寺詣九龍祠
世人計再祈雨二十韻
有事九龍廟絜齊梵王祠玉簫何時絕碧樹空涼颼

吏散埃壒息月高庭宇宜重城肅穆閉澗水潺湲時
人稀夜復閑慮靜境亦隨朽懷斷黿足凝想乘鸞姿
未明盛農節膏澤方愆期瞻言五靈瑞能救百穀萎
咿喔晨雞鳴闌干斗柄垂修容謁神像注意陳正詞
驚颯起泓泉若召雷雨師黑烟聳鱗甲灑液如棼絲
豐隆震天衢列缺揮火旗炎空忽淒緊高雷懸縷縻
生物已霽霈濕雲稍離披丹霞啓南陸白水含東菑
熙熙飛走適藹藹草樹滋浮光動宮觀遠思盈川坻
吳公敏於政謝守工為詩商山有病客言賀舒雁眉
冬夜宴河中李相公中堂命箏歌送酒

朗朗鷓鴣弦華堂夜多思簾外雪已深坐中人半醉
翠娥發清響曲盡有餘意酌我莫憂狂老來無逸氣

劉賓客文集卷第二十三

劉賓客文集卷第二十四

南園七言五十六首

西塞山懷古

西晉樓船下益州金陵王氣漠然收千尋鐵鎖沈江
底一片降幡出石頭人世幾回傷往事山形依舊枕
寒流今逢四海為家日故壘蕭蕭蘆荻秋

陽山廟觀賽神

梁松南征至此遂
為其神在朗州

漢家都尉舊征蠻血食如今配此山曲蓋幽深蒼檜
下洞簫愁絕翠屏間荆巫脉脉傳神語野老婆娑啓
醉顏日落風生廟門外幾人連蹋竹歌還

細飲山香漢壽城春望

古荆州刺史治亭其下有子胥廟兼楚王故墳

漢壽城邊野草春荒祠古墓對荆榛田中牧豎燒芻
狗陌上行人看石麟華表半空經霹靂碑文纔見滿
埃塵不知何日東瀛變此地還成要路津

寒盡今年後梁宣明二帝碑堂下作

玉馬朝周從此辭園陵寂寞對豐碑千行宰樹荆州
道莫雨蕭蕭聞子規

荆州道懷古

南國山川舊帝畿宋臺梁館尚依稀馬嘶古樹行人
歇麥秀空城澤雉飛風吹落葉填宮井火入荒陵化

寶衣徒使詞臣庾開府咸陽終日苦思歸

後漢書荆州實員外見示與澧州元郎中郡齋贈
謝山不答長句二篇因而繼和

鴛鴦差池出建章綵旗朱戶鬱相望新恩共理犬牙
地昨日同含雞舌香白芷江邊分驛路山桃溪外接
甘棠應憐一罷金閨籍枉渚逢春十度傷

蚤春對雪奉寄澧州元郎中

新賜魚書墨未乾賢人暫屈遠人安朝驅旌旆行時
令夜見星辰憶舊官梅蘂覆階鈴閣煥雪峯當戶戟
枝寒寧知楚客思公子北望長吟澧有蘭

卦寒靈味竇朗州見示與灋州元郎中蚤秋贈答命

今外見呈同作書言林葉黃新葉何如也

鄰境諸侯同舍郎芷江蘭浦限無梁秋風門外旌旗
動曉露庭中橘柚香玉簟微涼宜白晝金罍入莫應
清商騷人昨夜聞題鳩不歎流年惜衆芳

此和日同衢州徐員外使君遺以縞紵兼竹書箱因

成一篇用答佳 既按此郡本自婺州析置徐自台州遷

爛柯山下舊仙郎列宿來添婺女光遠放歌聲分白
紵知傳家學與青箱水朝滄海何時去蘭在幽林亦
自芳聞道天台有遺愛人將琪樹比甘棠

唐秀才贈端州紫石硯以詩答之

端州石硯人間重贈我應知正草玄闕里廟中空舊
物開方竈下豈天然玉蟾吐水霞光靜綵翰搖風絳
錦鮮此日慵工記名姓因君數到墨池前

覽董評事思歸之什因以詩贈

幾年油幕佐征東却泛滄浪狎釣童歌枕醉眠成戲
蝶抱琴閑望送歸鴻文儒自襲膠西相倚伏能齊塞
上翁更說扁舟動鄉思青菰已熟柰秋風

松滋渡望峽中

渡頭輕雨灑寒梅雲際溶溶雪水來夢渚草長迷楚

望夷陵土黑有秦灰巴人淚應猿聲落蜀客船從鳥
道回十二碧峯何處所永安宮外是荒臺

上館更於楊州春夜李端公益張侍御登段侍御平
秋外琴閣仲密縣李少府暘秘書張正字復元同會
燕羊賦幕於水館對酒聯句追刻燭擊銅鉢故事遲
輒舉觥以飲之逮夜艾群公沾醉紛然就
枕余偶獨醒因題詩於段君枕上以志其
事
寂寂獨省金燼落紛紛只見玉山頽自羞不是高陽
侶一夜星星騎馬回

南唐西院逢王十二學士入翰林因以詩贈時貞元

王以藍田尉充學士

廐馬翩翩禁外逢星槎上漢杳難從定知欲報淮南
詔促召王褒入九重

雲雨巫山關下口號呈柳儀曹

綵仗神旗獵曉風雞人一唱鼓蓬蓬銅壺漏水何時
歇如此相催即老翁

監祠夕月壇書事其禮周畫

西皞司分晝夜平羲和亭午太陰生鏗鏘揖讓秋光
裏觀者如雲出鳳城

東野嘗以戲贈崔千牛

學道深山虛老人，留名萬代不關身。勸君多買長安

酒，南陌東城占取春。

始知此句元和甲午歲詔書盡徵江湘逐客，余自武

陵赴京宿於都亭，有懷續來諸君子。

雲雨江湘起卧龍，武陵樵客躡仙蹤。十年楚水楓林

下，今夜初聞長樂鐘。

江陵嚴司空見示與成都武相公唱和因

命同作

南荆西蜀大行臺，幕府旌門相對開。名重三司平水

主威雄，八陳役風雷。彩雲朝望青城起，錦浪秋經白

帝來。不是郢中清唱發，誰當丞相按天才。

徵還京師見舊番官馮叔達

前者忽忽襟被行，十年顛顛到京城。南宮舊吏來相

問，何處淹留白髮生。

故洛城古牆

粉落椒飛知幾春，風吹雨灑旋成塵。莫言一片危基

在，猶過無窮來往人。

元和十一年自朗州承召至京戲贈看花

諸君子

紫陌紅塵拂面來無人
不道看花回玄都觀裏
桃千樹盡是劉郎去後
栽羊自隨州刺史京
續部管并引

余貞元二十一年為屯田員外郎時此觀未有花是歲出牧連州尋貶朗州司馬居十年召至京師人人皆言有道士手植仙桃滿觀如紅霞遂有前篇以志一時之事旋又出牧今十有四年復為主客郎中重遊玄都蕩然無復一樹唯免葵燕麥動搖於春風耳因再題二十八字以俟後遊時大和二年三月百畝中庭半是苔桃花淨盡菜花開種桃道士歸何

處前度劉郎今獨來

望夫石正對和州郡樓

終日望夫夫不歸化為孤石苦相思望來已是幾千載只似當時初望時

金陵五題并引

余少為江南客而未遊秣陵嘗有遺恨後為歷陽守跂而望之適有客以金陵五題相示適爾生思歎然有得他日友人白樂天掉頭苦吟歎賞良久且曰石頭詩云潮打空城寂寞回吾知後之詩人不復措詞矣餘四詠雖不及此亦不孤樂天之言爾

東籬四雅石頭城
山園故國周遭在
潮打空城寂寞回
淮水東邊舊時
月夜深還過女牆
來入軒窗苦
朱雀橋邊野草花
烏衣巷口夕陽斜
舊來王謝堂前
鸞飛入尋常百姓家

臺城

臺城六代競豪華
結綺臨春事最奢
萬戶千門成野草
只緣一曲後庭花

生公講堂

生公說法鬼神聽
身後空堂夜不扃
高坐寂寥塵漠漠
一方明月可中庭

江令宅

南朝詞臣北朝客
歸來唯見秦淮碧
池臺竹樹三畝
餘至今人道江家宅

謝寺雙檜

揚州法雲寺謝鎮西宅古檜存焉

雙檜蒼然古貌奇
含烟吐霧鬱參差
晚依禪客當金殿
初對將軍映畫旗
龍象界中成寶蓋
鴛鴦瓦上出高枝
長明燈是前朝焰
曾照青青年少時

韓信廟

將略兵機命世雄
蒼黃鍾室歎良弓
遂令後代登壇者
每一尋思怕立功
織女分明銀漢秋
桂枝梧葉共颼颼
月露滿庭人寂寂
霓霓裳一曲在高樓

洛中寺北樓見賀監草書題詩

高樓賀監昔曾登
壁上筆蹤龍虎騰
中國書流讓皇象
北朝文士重徐陵
偶因獨見空驚目
恨不同時便伏膺
唯恐塵埃轉磨滅
再三珍重囑山僧

聞韓賓擢第歸觀以詩美之兼賀韓十五

曹長時韓牧永州

零陵香草滿郊垌
丹穴雛飛入翠屏
孝若歸來呈畫讚
孟陽別後有山銘
蘭陵舊地多纒結
桂樹新枝色更青
為報儒林丈人道
如今從此鬢星星

寄楊八壽州

風獵紅旗入壽春
滿城歌舞向朱輪
八公山下清淮水
千騎塵中白面人
桂嶺兩餘多鶴迹
茗園晴望似龍鱗
聖朝方用敢言者
次第應須舊諫臣

李賈二大諫拜命後寄楊八壽州

諫省新登二直臣
萬方驚喜捧絲綸
則知天子明如

日肯放淮陽高卧人

宣上人遠寄賀禮部王侍郎放榜後詩因

請題壁而繼和

禮闈新榜動長安九陌人人走馬看一日聲名徧天下
滿城桃李屬春官自吟白雪銓詞賦指示青雲借
羽翰借問至公誰印可支郎天眼定中觀

贈東岳張鍊師

東岳真人張鍊師高情雅澹世間希堪為烈女書青
簡久事元君住翠微金縷機中拋錦字玉清壇上著
霓衣雲衢不要吹簫伴只擬乘鸞獨自飛

秘書崔少監覲示墜馬長句因而和之

麟臺少監舊仙郎洛水橋邊墜馬傷塵汗晉間青蓋
綬風飄掌上紫遊韁上車著作應來問折臂三公定
送方猶賴德全如醉者不妨吟詠入篇章

寄楊虢州與之舊姻

避地江湖知幾春今來本郡擁朱輪阮郎無復里中
舊楊僕却為關外人各繫一官難命駕每懷前好易
沾巾玉城山裏多靈藥擢落功名且養神

春日題寶負外崇德里新居

實時荆
度支案

長安街西風景閑到君居處暫開顏清光門外一渠

水秋色牆頭數點山踈種碧松通月朗多載紅藥待
春還莫言堆案無餘地認得詩人在此間

山中正欲蒙恩轉儀曹郎依前充集賢學士舉韓湖

書謝對州自代因寄七言

翔鸞閣下謝恩初通籍由來在石渠暫入南宮判祥
瑞還歸內殿閱圖書故人猶在三江外同病凡經二
紀餘今日薦君嗟久滯不唯文體似相如

途次華州陪錢大夫登城北樓春望因觀

李崔令狐三相國唱和之什翰林舊侶繼

踵華城山水清高鸞鳳翔集皆忝夙眷遂

題是詩

城樓四望出風塵見盡關西渭北春百二山河雄上
國一雙旌旆委名臣壁中今日題詩處天上同時草
詔人莫怪老郎呈濫吹官途雖別舊情親

三鄉驛樓伏觀玄宗望女几山詩小臣斐

然有感

開元天子萬事足唯惜當時光景促三鄉陌上望仙
山歸作霓裳羽衣曲僊心從此在瑤池三清八景相
追隨天上忽乘白雲去世間空有秋風詞

鳳對南宮洛下初冬拜表有懷上京故人

鳳樓南面控三條拜表郎官蚤渡橋清洛曉光鋪碧
簾上陽霜葉翦紅綃省門簪組初成列雲路鴛鸞想
退朝寄謝殷懃九天侶槍榆水擊各逍遙前八景卧
閣下天不尉遲郎中見示自南遷牽復却至洛城東
舊居之作因以和之

曾遭飛語十年謫新受恩光萬里還朝服不妨遊洛
浦郊園依舊看嵩山竹含天籟清商樂水遶庭臺碧
玉環留作功成退身地如今只是暫時閑
洛中酬福建陳判官見贈
潦倒聲名擁腫材一生多故苦遭迴南宮舊籍遙相

管東洛開門晝未開靜對道流論藥石偶逢詞客與
瓊瑰怪君近日文鋒利新向延平看劍來

始聞秋風

昔者黃菊與君別今聽玄蟬我却回五夜颼颼枕前
覺一年顏狀鏡中來馬思邊草拳毛動鵬盼青雲睡
眼開天地肅清堪四望為君扶病止高臺

和蘇十郎中謝病閑居時嚴常侍蕭給事

同過訪歎初有二毛作

清羸隱几望雲空左掖鴛鸞到室中一卷素書銷永
日數莖斑鬢對秋風菱花照後容雖改著草占來命

已通莫怪人人驚
蚤白綠君合是黑頭翁

參謀從釋子反初服
謝淮南廖參謀秋夕見過之作
揚州公昔為揚州從事

揚州從事夜相尋
無限新詩月下吟
初服已驚玄髮

長高情猶向碧雲深
語餘時舉一椀酒
坐久方聞數

處砧不逐繁華訪
閑散知君擺落俗人心

昔嘗黃真題王郎中宣義里新居

愛君新買街西宅
客到如遊鄆杜間
雨後退朝貪種

樹申時出省
趁看山門前
巷陌三條近
牆內池亭萬

境閑見擬移居
作隣里不論時節
請開關

炎對北因謝朗州崔負外與任十四兄侍御同過鄆

對前人舊居見懷之什時守吳郡

昔日居鄰招屈亭
楓林橘樹鷓鴣聲
一辭御苑青門

去十見蠻江白芷生
自此曾沾宣室召
如今又守闔

閭城何人萬里能
相憶同舍仙郎與
外兄任侍御予

外南宮同官

美溫尚書鎮定興元以詩寄賀

旌旗入境犬無聲
戮盡鯨鯢漢水清
從此世人開耳

目始知名將出書生

劉駙馬水亭避暑

千竿竹翠數蓮紅水閣虛涼玉簾空琥珀瓊烘疑漏
酒水精簾整更通風賜冰滿盃沈朱實法饌盈盤覆
碧籠盡日逍遙避煩暑再三珍重主人翁廿八開耳

述舊賀遷寄陝虢孫常侍

南宮左輔
兩處交代

南宮幸襲芝蘭後左輔曾交印綬來多病未離清洛
苑新恩已歷望仙臺關頭古塞桃林靜城下長河竹
箭回聞道隨車有零雨此時偏動子荆才

昔日武備訓端州吳大夫夜泊湘川見寄

夜泊湘川逐客心月明猿苦血沾襟湘妃舊竹痕猶
淺從此因君染更深負小異到十四卷第二十四

劉賓客文集卷第二十五

雜體三十九首

翠微寺有感

吾王昔遊幸離宮雲際開朱旗迎夏畢涼軒避暑來
湯麩賜都尉寒冰頒上才龍顛不可望玉坐生浮埃

山巖湖館連州臘日觀莫徭獵西山會吳山入華山

海天殺氣薄蠻軍部位囂林紅葉盡變原黑草初燒
圍合繁鉦息禽興大旆搖張羅依道口嗾犬上山腰
猜鷹慮奮迅驚鷹時跼跳瘴雲四面起臘雪半空銷
箭頭餘鵠血鞍傍見雉翹日莫還城邑金笳發麗譙

蕭蕭霜鬢觀舞柘枝二首日莫對酒金盞擊鼓
胡服何歲粧僊僊登綺墀神飈獵紅葉龍燭然金枝
岳帶覆纖腰安鈿當嫵眉翹袖冲繁鼓傾眸遡華榭
燕餘有舊曲淮南多冶詞欲見傾城處君看赴節時
山雞臨清鏡石燕赴遙津何如上客會長袖入華茵
體輕似無骨觀者皆聳神曲盡回身去曾波猶注人

晉王晉書君山懷古

屬車八十年此地阻長風千載威靈盡赭山寒水中

秋江晚泊

長泊起秋色空江涵霽暉莫霞十萬狀賓鴻次第飛

古戍見旗迥荒村聞犬稀軻峨扁上客勸酒夜相依

步出武陵東亭臨江寓望

鷹至感風候霜餘變林麓孤颿帶日來寒江轉沙曲

戍遙旗影動津晚榜聲促月上綵霞收漁歌遠相續

秋日送客至潛水驛

候吏立沙際田家連竹溪神林社日鼓茅屋午時雞

雀噪晚禾地蝶飛秋草畦驛樓宮樹近疲馬再三嘶

晚歲登武陵城顧望水陸悵然有作

星象承鳥翼蠻貊想犬牙俚人祠竹節仙洞開桃花

城基歷漢魏江源自寶巴華表廖立墓菜地黃瓊家

霜輕菊秀晚石淺水文斜
樵音遠故壘汲路明寒沙
清風稍改葉盧橘如含葩
野橋鳴驛騎叢祠發迥笳
跳鱗避舉網倦鳥寄行查
路塵高出樹山火遠連霞
夕曛轉赤岸浮藹起蒼葭
軋軋渡溪漿連連赴林鴟
叫閣道非遠賜環期自賒
孤臣本危涕喬木在天涯
湖州崔郎中曾長寄三癖詩
自言癖在詩與琴酒其詞逸
而高吟詠不足昔柳吳興
亭臯隴首之句王融書之
白團扇故為四韻以謝之

視事畫屏中自稱三癖翁
管絃泛春渚旌旆拂晴虹

酒對青山月琴韻白蘋風
會書團扇上知君文字工

為郎分司寄上都同舍

藉通金馬門身在銅駝陌
省闈晝無塵宮樹遠凝碧

荒街淺深轍古渡潺湲石
唯有嵩丘雲堪誇蚤朝客

登陝州城北樓卻寄京師親友

獨上百尺樓目窮思亦愁
初日徧露草野田荒悠悠

塵息長道白林清宿烟收
回首雲深處永懷帝鄉遊

請告東歸發灞橋卻寄諸僚友

征途出灞溪回首傷如何
故人雲雨散滿目山川多

行車無停軌流景同迅波
前歡漸成昔感歎益勞歌

秋晚題湖城驛池上亭
秋次池上館林塘照南榮塵衣紛未解幽思浩已盈
風蓮墜故萼露菊含晚英恨為一夕客愁聽晨雞鳴

平蔡州三首

蔡州城中衆心死
祇星夜落照壕水漢家飛將下天
來馬奮一揮門洞開賊徒崩騰望旗拜
有若群蟄驚春雷狂童面縛登檻車
大帛天矯垂捷書相公從容來鎮撫
常侍郊迎負文弩四人歸業閭里閑
小兒跳踉健兒舞
汝南晨雞喔喔鳴城頭鼓角音
和平路傍老人憶舊

事相與感激皆涕零
老人收泣前致辭官軍入城人不知
忽驚元和十二載重見天寶承平時

九衢車馬渾渾流使臣來獻淮西囚
四夷聞風失匕筋天子受賀登高樓
妖童擢髮不足數血汗城西一坏土
南峯無火楚澤閑夜行不鎖穆陵關
策勳禮畢天下泰猛士按劍看常山

時唯常山不庭

平齊行二首

胡塵昔起薊北門河南地屬平盧軍
貂裘代馬繞東岳嶧陽孤桐削為角
地形十二虜意驕恩澤含容歷四朝
魯人皆解帶弓箭齊人不復聞蕭韶
今朝天子

聖神武手握玄符平九土初哀狂童襲故事文告不
來方震怒去秋詔下誅東平官軍四合猶嬰城春來
群鳥噪且驚氣如壞山墮其庭牙門大將有劉生夜
半射落攬槍星帳中虜血流滿地門外三軍舞連臂
駟騎函首過黃河城中無賊天氣和朝庭侍郎來慰
撫耕夫滿野行人歌

泰山沈寇六十年旅祭不饗生愁烟今逢聖君欲封
禪神使陰兵來助戰氛掃盡河水清日觀杲杲卿
雲見開元皇帝東封時百神受職爭奔馳千鈞猛虜
順流下洪波涵淡浮熊羆侍臣燕公秉文筆玉檢告

天無愧詞當今獻孫承聖祖岳神望幸河宗舞青門
大道屬車塵共待歲蕤翠華舉

城西行

城西簇簇三叛族叛者為誰蔡吳蜀中使提刀出禁
來九衢車馬轟成雷臨刑與酒榼未覆仇家白官先
請肉守吏能然董卓臍饑烏來覘栢玄目城西人散
秦街平雨洗血痕春草生

武昌老人說笛歌

武昌老將七十餘手把庾令相問書自言少小學吹
笛蚤事曹王曾賞激往年鎮戍到蘄州楚山蕭蕭笛

竹秋當時買林恣搜索典卻身上烏貂裘古苔蒼蒼
封老節石上孤生飽風雪商聲五音隨指發水中龍
應行雲絕曾將黃鶴樓上吹一聲占盡秋江月如今
老去語猶遲音韻高低耳不知氣力已無心尚在時
時一曲夢中吹

西山蘭若試茶歌

山僧後檐茶數叢春來映竹抽新茸宛然為客振衣
起自傍芳叢摘鷹觜斯須炒成滿室香便酌砌下金
沙水驟兩松聲入鼎來白雲滿盃花裴回悠揚噴鼻
宿醒散清峭徹骨煩襟開陽崖陰嶺各殊氣未若竹

下莓苔地炎帝雖嘗未解煎桐君有錄那知味新芽
連拳半未舒自摘至煎俄頃餘木蘭墜露香微似瑤
草臨波色不如僧言靈味宜幽寂采采翹英為嘉客
不辭緘封寄郡齋靴井銅鑪損標格何況蒙山顧渚
春白泥赤印走風塵欲知花乳清冷味須是眠雲跂
石人

廟庭偃松詩并引

侍中後閣前有小松不待年而偃丞相晉公為賦詩
美其猶龍蛇然植于高檐喬木間上巖旁軋盤蹙傾
亞似不得天和者公以遂物性為意乃加憐焉命畚

土以壯其趾使無款索緇以牽其幹使不仆盥漱之
餘以潤之顧眄之輝以照之發於仁心感召和氣無
復天閼坐能敷舒嶽之跽感化為竒古故雖衰丈而
有偃號焉予嘗詣閣白事公為道所以且示以詩竊
感嘉木之逢時斐然成詠

勢軋枝偏根已危高情一見與扶持忽從顛顛有生
意卻為離披無俗姿影入巖廊行樂處韻含天籟宿
齋時謝公莫道東山去待取陰成滿鳳池

並引 答東陽子令涵碧圖詩

東陽令子興宗丞相燕國公之猶子生綺襦紈袴間

所見皆貴盛而挈然有心如山東書生前年白有司
願為親民官以自效遂補東陽及莅官以簡易為治
故多暇日一旦於縣五里偶得竒境埋沒於翳薈中
予生自以有特操而生於公侯家由覆簷入仕常忽
忽歎息因移是心開挾泉石變去蘿葛斧凡材畚息
壤而清溪翠巖森立空來因構亭其端題曰涵碧碧
流貫于庭中如青龍蜿蜒冰去澈射人樹石雲霞列
于前昏旦萬狀惜其居地不得有聞於時故圖之來
乞詞既無負尤物子亦久翳蘿葛者睹之慨然遂賦
七言以貽後之文士

東陽本是佳山水，何況曾經沈隱侯。化得邦人解吟詠，如今縣令亦風流。新聞潭洞疑仙境，遠寫丹青到

雖州。落在尋常畫師手，猶能三伏凜生秋。

時及第人

朝服歸來畫錦堂，斗記上更無名壽觴。每使曾孫

獻勝境，長攜衆妓行。矍鑠據鞍時，驍健殷勤把酒尚。

多情陵寒卻向山陰去，衣繡郎君雪裏迎。

時令子馮御史主務

曉連星影出，晚帶日光

因遺採掇，翻自保大年

庭竹

露滌鈿粉節，風搖青玉枝。依依似君子，無地不相宜。

臺城懷古

清江悠悠王氣沈，六朝遺事何處尋。宮牆隱嶙圍野

澤，鶴鷓夜鳴秋色深。

題壽安甘棠館二首

公館似仙家，池清竹迳斜。山禽忽驚起，衝落半巖花。

門前洛陽道，門裏桃源路。塵土與烟霞，其間十餘步。

與歌者米嘉榮

唱得涼州意外聲，舊人唯數米嘉榮。近來時世輕先

輩好染頰頰事後生

聽舊宮中樂人穆氏唱歌

曾隨織女渡天河記得雲間第一歌
休唱貞元供奉曲當時朝士已無多

渾侍中宅牡丹

徑尺千餘朵人間有此花
今朝見顏色更不向諸家
唐郎中宅與諸公同飲酒看牡丹

今日花前飲甘心醉數杯
但愁花有語不為老人開
與歌者何戡

二十餘年別帝京重聞天樂不勝情
舊人唯有何戡

在更與殷勤唱渭城

與歌童田順郎

天下能歌御史娘花前月底奉君王
九重深處無人見分付新聲與順郎

燕尔館破屏風所畫至精人多歎
賞題之畫時應遇空亡日賣處難逢識別人
唯有多情往來客強將衫袖拂埃塵

賞牡丹

庭前芍藥妖無格池上芙蓉淨少情
唯有牡丹真國色花開時節動京城

寄陝州姚中丞

時分司東都

八月天地肅二陵風雨收旌旗闕下來雲日關東秋
禹跡想前事漢臺餘故丘裴回襟帶地左右帝王州
留滯悲昔老恩光榮徹侯相思望棠樹一寄商聲謳
畫軸無題奉酬湖州崔郎中見寄五韻

山陽昔相遇灼灼晨葩鮮同遊翰墨場和樂墳麓然
一落名宦途浩如乘風船行當衰莫日卧理淮海壖
猶期謝病後共樂桑榆年

劉賓客文集卷第二十五

劉賓客文集卷第二十六

樂府上

團扇歌

團扇復團扇奉君清暑殿秋風入庭樹從此不相見
上有乘鸞女蒼蒼網蟲遍明年入懷袖別是機中練

贈韜管軍荊州歌二首

渚宮楊柳暗麥城朝雉飛可憐謁青伴乘煥著輕衣
今日好南風商旅相催發沙頭檣竿上始見春江闊

南歌

風烟紀南城塵土荆門路天寒多獵騎走上樊姬墓

風賦
南宜城歌
野水遶空城行塵起孤驛荒臺側生樹石碣陽鐫額
靡靡度行人溫風吹宿麥

順陽歌

朝辭官軍驛前望順陽路野水蓄荒墳秋蟲鏤官樹
曾聞天寶末胡馬西南驚城守魯將軍拔城從此去

馬嵬行

綠野扶風道黃塵馬嵬驛路邊楊貴人墳高三四尺
乃問里中兒皆言幸蜀時軍家誅佞倖天子捨妖姬
群吏伏門屏貴人牽帝衣低回轉美目風日為無暉

貴人飲金屑倏忽薜英
平生服杏丹顏色真如故
屬車塵已遠里巷來窺覩
共愛宿妝妍君王畫眉處
履綦無復有履組光未滅
不見巖畔人空見陵波襪
郵童愛蹤跡私手解槃結
傳看千萬眼縷絕香不歇
指環照骨明首飾敵連城
將入咸陽市猶得賈胡驚

視刀環歌

常恨言語淺不如人意深
今朝兩相視脉脉萬重心

三閣辭四首 吳聲

貴人三閣上日晏未梳頭
不應有恨事嬌甚卻成愁
珠箔曲瓊鈎子細見揚州
北兵那得度浪語判悠悠

沈香帖閣柱金縷畫門楣回首降幡下已見黍離離
三人出晉并一身登檻車朱門漫臨水不可見鱸魚

更衣曲

博山烟烟吐香霧紅燭引至更衣處夜如何其夜漫
漫鄰雞未鳴寒鴈度庭前雪壓松桂叢廊下點點懸
紗籠滿堂醉客爭笑語嘈噴琵琶青幕中

淮陰行五首

古有長干行言三江之事悉矣余嘗阻風淮陰作淮
陰行以裨樂府

簇簇淮陰市行樓綠岸上好日起檣竿烏飛鷺五兩

金日轉船頭金烏指西北烟波與春草千里同一色
船頭大銅鑲摩挲光陳陳蚤晚使風來沙頭一眼認
何物令儂羨羨郎船尾燕銜泥趁檣竿宿食長相見
隔浦望行船頭昂尾憶憶無柰挑菜時清淮春浪軟
競渡曲競渡始於武陵至今舉檝而相和
之其音咸呼云何在斯招屈之義

事見圖經

沅江五月平隄流邑人相將浮綵舟靈均何年歌已
矣哀謚振楫從此起揚枹擊節雷闐闐亂流齊進聲
轟然蛟龍得雨鬚鬣動螭煉飲河形影聯刺史臨流
褰翠幃揭竿命爵分雄雌先鳴餘勇爭鼓舞未至銜

枚顏色沮百勝本自有前期一飛由來無定所風俗
如狂重此時縱觀雲委江之湄綵旗夾岸照鮫室羅
襪陵波呈水嬉曲終人散空愁莫招屈亭前水東注
隄上行三首

酒旗相望大隄頭隄下連檣隄上樓日莫行人爭渡
急槳聲幽軋滿中流

江南江北望烟波入夜行人相應歌桃葉傳情竹枝
怨水流無限月明多

長隄繚繞水裴回酒舍旗亭次第開日晚上簾招估
客軻我大舫落颿來

采菱行

武陵俗嗜菱歲秋矣有女郎盛
遊于馬湖薄言采之歸以御客古

采菱行

有采菱曲罕傳其詞
故賦之以俟采詩者

白馬湖平秋日光紫菱如錦綵鴛翔盪舟遊女滿中

央采菱不顧馬上郎爭多逐勝紛相向時轉蘭橈破

輕浪長鬟弱袂動參差釵影釧文浮蕩漾笑語吐咬

頰晚暉蓼花綠岸扣船歸歸來共到市橋步野蔓繫

船萍滿衣家家竹樓臨廣陌下有連檣多估客檣觴

薦菱夜經過醉蹋大隄相應歌屈平祠下沅江水月

照寒波白烟起一曲南音此地聞長安北望三千里

何處秋風至蕭蕭送鴈群朝來入庭樹孤客最先聞
題寒砧白莫倥歌曲南音北出關身北是三十里
莫倥自生長名字無符籍市易雜鮫人婚姻通木客
星居占泉眼火種開山脊夜渡千仞谿含沙不能射
醉舞和寒蠻子歌

蠻語鈎輶音蠻衣斑斕布重狸掘沙鼠時節祠盤瓠
忽逢乘馬客恍若驚麕頤腰斧上高山意行無舊路

白雲庵下洞庭秋月行

洞庭秋月生湖心曾波萬頃如鎔金孤輪徐轉光不
定遊氣濛濛隔寒鏡是時白露三秋中湖平月上天

地空岳陽城頭莫角絕蕩漾已過君山東山城蒼蒼
夜寂寂水月逶迤繞城白盪漿巴童歌竹枝連櫓估
客吹羌笛勢高夜久陰力全金氣肅肅開清蹕浮雲
野馬歸四裔首冠星斗當中天天雞相呼曙霞出歛
影含光讓朝日日出喧喧人不閑夜來清景非人間

蹋歌詞四首

春江月出大隄平隄上女郎連袂行唱盡新詞歡不
見紅霞映樹鷓鴣鳴
桃蹊柳陌好經過鑿下妝成月下歌為是襄王故宮
地至今猶自細腰多

新詞宛轉遞相傳
振袖傾鬟風露前
月落烏啼雲雨散
遊童陌上拾花鈿
不似如日不飛
莫江南聞竹枝
南人行樂北人悲
自從雪裏唱新曲
直到三春花盡時

華清詞

日出驪山東
裴回照溫泉
樓臺影玲瓏
稍稍開白烟
言昔太上皇
常居此祈年
風中聞清樂
往往來列仙
翠華入五雲
紫氣歸上玄
哀哀生人淚
泣盡弓劍前
聖道本自我
凡情徒顛然
小臣感玄化
一望青冥天

步虛詞二首

阿母種桃雲海際
花落子城二千歲
海風吹折最繁枝
跪捧瓊槃獻天帝

華表千年一鶴歸
凝丹為頂雪為衣
星星仙語人聽盡
卻向五雲翻翅飛

桃源行

漁舟何招招
浮在武陵水
控綸擲餌信流去
誤入桃源行
數里清源尋盡
花綿綿蹋花覓
逕至洞前洞門
蒼黑烟霧生
暗行數步逢
虛明俗人毛骨
驚仙子爭來
致詞何至此
須臾皆破冰
雪顏笑言委
曲問人間
因嗟隱身來
種玉不知人
世如風燭
筵羞石髓
勸客

餐錢藝松脂留客宿雞聲犬聲遙相聞曉光蔥籠開
五雲漁人振衣起出戶滿庭無路花紛紛翻然恐迷
鄉縣處一息不肯桃源住桃花滿溪水似鏡塵心如
垢洗不去仙家一出尋無蹤至今水流山重重

魏宮詞二首

日晚長秋簾外報望陵歌舞在明朝添鑪火欲熏衣
麝憶得分明不忍燒

日映西陵松柏枝下臺相顧一相思朝來樂府長歌
曲唱著君王自作詞

阿嬌怨

望見歲蕤舉翠華試開金屋掃庭花
湏臾宮女傳來信言幸平陽公主家

九華山并別

九華山在池州青陽縣西南九峯競秀神采奇異昔
予仰太華以為此外無奇愛女兒荆山以為此外無
秀及今見九華始悼前言之容易也惜其地偏且遠
不為世所稱故歌以大之

奇峯一見驚魂魄意想洪鑪始開闢疑是九龍天矯
欲攀天忽逢霹靂一聲化為石不然何至今悠悠億
萬年氣勢不死如騰仝

音騫輕

雲含幽兮月添冷日

凝輝芳江漾影結根不得要路津迥秀長在無人境
軒皇封禪登云亭大禹會計臨東溟乘標山力追反不
來廣樂絕獨與猿鳥愁青瑩君不見敬亭之山黃索
莫兀如斷岸無稜角宣城謝守一首詩遂使名聲齊
五岳九華山九華山自是造化一尤物焉能籍甚乎
人間

送春曲

春向晚春晚思悠哉風雲日已改花葉自相催漠漠
空中去何時天際來
春已暮冉冉如人老映葉見殘花連天是青草可憐

桃與李從此同桑棗

春景去此去何時回遊人千萬恨落日高臺寂寞
繁花盡流鶯歸不來

初夏曲三首

銅壺方促夜斗柄暫南回稍嫌單衣重初憐北戶開
西園花已盡新月為誰來

時節過繁華陰陰千萬家巢禽命子戲園果墜枝斜
寂寞孤飛蝶窺叢覓晚花

綠水風初暖青林露草晞麥田雉朝雒桑野人莫歸
百舌悲花盡無聲來去飛

百首悲秋柳花詞三首

開從綠條上散逐香風遠故取花落時悠揚占春晚
輕飛不假風輕落不委地撩亂舞晴空發人無限思
晴天黯黯雪來送青春莫無意似多情千家萬家去

西園送春詞

昨來樓上迎春處今日登樓又送歸蘭藥殘妝含露
泣柳條長袖向風揮佳人對鏡容色改楚客臨江心
事違萬古至今同此恨無如一醉盡忘機

春景去秋詞二首

自古逢秋悲寂寥我言秋日勝春朝晴空一鶴排雲

上便引詩情到碧霄

山明水淨夜來霜數樹深紅出淺黃試上高樓清入
骨豈知春色嗾人狂

劉賓客文集卷第二十六

劉賓客文集卷第二十七

樂府下

秦娘歌 并引

秦娘本常尚書家主謳者初尚書為吳郡得之命樂工誨之琵琶使之歌且舞無幾何盡得其術居一二歲攜之以歸京師京師多新聲善工於是又捐去故技以新聲度曲而秦娘名家往往見稱於貴遊之間元和初尚書薨於東京秦娘出居民間久之為蘄州刺史張孫所得其後孫坐事謫居武陵郡孫卒秦娘無所歸地荒且遠無有能知其容與藝者故日抱樂

器而哭其音焦殺以悲雒客聞之為歌其事以續于
樂府云楚辭其對楚坐車隨言為對楚楚平楚
秦娘家本閭門西門前綠水環金隄有時妝成好天
氣走上臯橋折花戲風流太守常尚書路傍忽見停
隼旗斗量明珠鳥傳意紺憶迎入專城居長鬢如雲
衣似霧錦茵羅薦承輕步舞學驚鴻水榭春歌撩上
客蘭堂莫從郎西入帝城中貴遊簪組香簾櫳低鬟
緩視抱明月纖指破撥生胡風繁華一旦有消歇題
釵無光履聲絕洛陽舊宅生草萊杜陵蕭蕭松柏哀
妝奩蟲網厚如繭博山鑪側傾寒灰蘄州刺史張公

子白馬新到銅駝里自言買笑擲黃金月墮雲中從
此始安知鵬鳥坐隅飛寂寞旅魂招不歸秦嘉鏡有
前時結韓壽香銷故篋衣山城少人江水碧斷鴈哀
猿風雨夕朱弦已絕為知音雲鬢未秋私自惜舉目
風煙非舊時夢尋歸路多參差如何將此千行淚更
灑湘江斑竹枝

天賦五言秋扇詞

莫道恩情無重來人間榮謝遞相催當時初入君懷
袖豈念寒鑪有死灰

典賦五言搗衣曲

爽砧應秋律繁杵含淒風一一遠相續家家音不同
戶庭凝露清伴侶明月中長裾委襞積輕佩垂璁瓏
汗餘衫更馥鈿移麝半空報寒驚邊鴈促思聞候蟲
天狼正芒角虎落定相攻盈篋寄何處征人如轉蓬
點眼正班七夕二首

河鼓靈旗動姒娥破鏡斜滿空天是幕徐轉斗為車
機罷猶安石橋成不礙查寧知觀津女竟夕望雲涯
天衢啓雲帳神馭上星橋初喜渡河漢頻驚轉斗杓
餘霞張錦幃輕電閃紅綃非是人間世還悲後會遙

平白思條龍陽縣歌

自言買文瀾

金日

前

縣門白日無塵土百姓縣前挽魚罟主人引客登大
隄小人縱觀黃犬怒鷓鴣驚鳴遠籬落橘柚垂芳照
窻戶沙平草綠見吏稀寂歷斜陽照懸鼓

報來新南度桂嶺歌

桂陽嶺下下復高高人稀鳥獸駭地遠草木豪寄言
千金子知余歌者勞

連州城下俯接村墟偶登郡樓適有所感遂書其事

并引

自言買文瀾

為俚歌以俟采詩者
岡頭花草齊燕子東西飛田塍望如線白水光參差

農婦白紵裙農夫綠蓑衣齊唱田中歌嚶停如竹枝
但聞怨響音不辨俚語詞時時一大笑此必相嘲嗤
水平苗漠漠烟火生墟落黃犬往復還赤雞鳴且啄
路傍誰家郎烏帽衫袖長自言上計吏年初離帝鄉
田夫語計吏君家儂定諳一來長安罷眼大不相參
計吏笑致辭長安真大處省門高軻峨儂入無度數
昨來補衛士唯用筒竹布君看二三年我作官人去

畬田作

何處好畬田團團縵山腹鑽龜得兩卦上山燒卧木
驚麕走且顧群雉聲咿啞紅焰遠成霞輕煤飛入郭

風引上高岑獵獵度青林青林望靡靡赤光低復起
照潭出老蛟爆竹驚山鬼夜色不見山孤明星漢間
如星復如月俱逐曉風滅木從敲石光遂致烘天熱
下種煖灰中乘陽坼牙孽蒼蒼一雨後蒼穎如雲發
巴人拱手吟耕耨不關心由來得地勢徑寸有餘陰

蒲桃歌

野田生蒲桃纏繞一枝蒿移來碧墀下張王日日高
分岐浩繁縹脩蔓蟠詰曲揚翹向庭柯意思如有屬
為之立長架布濩當軒綠米液漑其根理踈看滲漉
繁葩組綬結懸實珠璣感馬乳帶輕霜龍鱗躍初旭

有客汾陰至臨堂瞪雙目自言我晉人種此如種玉
釀之成美酒令人飲不足為君博一斗往取涼州牧

鷓鴣吟

朝陽有吟鳳不聞千萬祀題鳩催衆芳晨間先入耳
秋風白露晞從是爾啼時如何上春日唧唧滿庭飛

牆陰歌

白日左右浮天潢朝晡影入東西牆昔為兒童在陰
戲當時意小覺日長東隣侯家吹笙簧隨陰促促移
象牀西隣田舍之糟糠就影汲汲春黃梁因思九州
四海外家家只占牆陰內莫言牆陰數尺間老邵主

人如等閑君看眼前光景促中心莫學太行山

觀雲篇

興雲感陰氣疾走如見機晴來意態行有若功成歸
葱籠含晚景潔白凝秋暉夜深度銀漢漠漠仙人衣

沓潮歌 并引

元和十年夏五月終風駕濤南海羨溢南人曰沓潮
也率三更歲一有之余為連州客或為予言其狀因
歌之附于南越志

屯門積日無回颿滄波不歸成沓潮轟如鞭石屹且
搖亘空欲駕鼃鼃橋驚湍感縮悍而驕大陵高岸失

岩峩四邊無阻音響調背負元氣掀重霄介鯨得性
方逍遙仰鼻嘘吸揚朱翹海人狂顧迭相招蜀衣鑿
首聲曉曉征南將軍登麗譙赤旗指麾不敢蹈翌日
風回冷氣消歸濤納納景昭昭烏泥白沙復滿海海
色不動如青瑤

百花行

長安百花時風景宜輕薄無人不沽酒何處不聞樂
春風連夜動微雨陵曉濯紅焰出牆頭雪光映樓角
繁紫韻松竹遠黃遠籬落臨路不勝愁輕飛去何託
滿庭蕩魂魄照廡成丹渥爛漫嗾顛狂飄零勸行樂

時節易晚晚清陰覆池閣唯有安石榴當軒慰寂寞

春有情篇

為問遊春侶春情何處尋花含欲語意草有闌生心
雨頻催發色雲輕不作陰縱令無月夜芳興暗中深

路傍曲

南山宿雨晴春入鳳皇城處處聞弦管無非送酒聲

白鷺兒

白鷺兒最高格毛衣新成雪不敵衆禽喧呼獨凝寂
孤眠芊芊草久立潺潺石前山正無雲飛去入遙碧

壯士行

陰風振寒郊猛虎正咆哮徐行出燒地連吼入黃茅
壯士走馬去鎧前彎玉稍叱之使人立一發如鉞交
悍晴忽星墮飛血濺林梢彪炳為我席羶腥充我庖
里中欣害除賀酒紛號呶明日長橋上傾城看斬蛟
南山前雨邊風行
邊馬蕭蕭鳴邊風滿磧生暗添弓箭力半上鼓鞞聲
襲月寒暈起吹雲陰陳成將軍占氣候出號夜翻營
一作安號
畏翻城

竹枝詞 并引

四方之歌異音而同樂歲正月余來建平里中兒聯

歌竹枝吹短笛擊鼓以赴節歌者揚袂睢舞以曲多
為賢聆其音中黃鍾之羽卒章激訐如吳聲雖儻儻
不可分而含思宛轉有淇濮之豔昔屈原居沅湘間
其民迎神詞多鄙陋乃為作九歌到于今荆楚鼓舞
之故余亦作竹枝詞九篇俾善歌者颺之附于末後
之聆巴歛知變風之自焉
白帝城頭春草生白鹽山下蜀江清南人上來歌一
曲北人莫上動鄉情
山桃紅花滿上頭蜀江春水拍山流花紅易衰似郎
意水流無限似儂愁

江上朱樓新雨晴
灤西春水穀文生
橋東橋西好楊柳
人來人去唱歌行
日出三竿春霧消
江頭蜀客駐蘭橈
憑寄狂夫書一紙
住在成都萬里橋
兩岸山花似雪開
家家春酒滿銀杯
昭君坊中多女伴
永安宮外蹋青來
城西門前灩澦堆
年年波浪不能摧
懊惱人心不如石
少時東去復西來
瞿唐嘈嘈十二灘
此中道路古來難
長恨人心不如水
等閒平地起波瀾

巫峽蒼蒼烟雨時
清猿啼在最高枝
箇裏愁人腸自斷
由來不是此聲悲

山上層層桃李花
雲間烟火是人家
銀釧金釵來負水
長刀短笠去燒畬

楊柳枝詞九首

塞北梅花羗笛吹
淮南桂樹小山詞
請君莫奏前朝曲
聽唱新翻楊柳枝

南陌東城春蚤時
相逢何處不依依
桃紅李白皆誇好
須得垂楊相發揮

鳳闕輕遮翡翠幃
龍池遙望麴塵絲
御溝春水相暉

映狂殺長安年少兒
金谷園中鶯亂飛
銅駝陌上好風吹
城東桃李須臾
盡爭似垂楊無限時
花萼樓前初種時
美人樓上鬪晉支
如今拋擲長街
裏露葉如啼欲恨誰
煬帝行宮汴水濱
數株殘柳不勝春
晚來風起花如
雪飛入宮牆不見人
御陌青門拂地垂
千條金縷萬條絲
如今綰作同心
結將贈行人知不知
城外春風吹酒旗
行人揮袂日西時
長安陌上無窮

樹唯有垂楊管別離
輕盈嫋娜占年華
舞榭妝樓處處遮
春盡絮飛留不
得隨風好去落誰家

浪淘沙詞九首

九曲黃河萬里沙
浪淘風簸自天涯
如今直上銀河
去同到牽牛織女家
洛水橋邊春日斜
碧流輕淺見瓊砂
無端陌上狂風
急驚起鴛鴦出浪沙
汴水東流虎眼文
清淮曉色鴨頭春
君看渡口淘沙
處渡卻人間多少人

鸚鵡舟頭浪颭沙青樓春望日將斜
銜泥燕子爭歸舍獨自狂夫不憶家
濯錦江邊兩岸花春風吹浪正淘沙
女郎剪下鴛鴦錦將向中流定晚霞
日照澄洲江霧開淘金女伴滿江隈
美人首飾侯王印盡是沙中浪底來

八月濤聲吼地來頭高數丈觸山回
湏臾卻入海門去卷起沙堆似雪堆

莫道讒言如浪深莫言遷客似沙沈
千淘萬灑雖辛苦吹盡狂沙始到金

流水淘沙不暫停前波未滅後波生
令人忽憶瀟湘渚回唱迎神三兩聲

瀟湘神二首

湘水流湘水流九疑雲物至今愁
君問二妃何處所零陵香草露中秋

斑竹枝斑竹枝淚痕點點寄相思
楚客欲聽瑤瑟怨瀟湘深夜月明時

拋毬樂詞二首

五綵繡團圓登君璫瑁筵最宜紅燭下
偏稱落花前上客如先起應須贈一船

春蚤見花枝朝朝恨發遲及看花落後卻憶未開時
幸有拋毬樂一柸君莫辭

楊柳枝詞二首

迎得春光先到來淺黃輕綠映樓臺只緣裊娜多情
思便被春風長請按
巫峽巫山楊柳多朝雲暮雨遠相和因想陽臺無限
事為君回唱竹枝歌

竹枝詞二首

楊柳青青江水平聞郎江上唱歌聲東邊日出西邊
雨道是無晴還有晴

楚水巴山江雨多巴人能唱本鄉歌今朝北客思歸
去回入紇那披綠羅

紇那曲詞二首

楊柳鬱青青竹枝無限情周郎一回顧聽唱紇那聲
躡曲興無窮調同詞不同願郎千萬壽長作主人翁
右已上詞先不入集伏緣播在樂章今附于卷末

劉賓客文集卷第二十七

劉賓客文集卷第二十八

送別四十六首

送工部張侍郎入蕃弔祭

時張兼修史

月窟賓諸夏雲官降九天飾終隣好重錫命禮容全

水咽猶登隴沙鳴稍極邊路因乘驛近志為飲冰堅

毳帳差池見鳥旗搖曳前歸來賜金石榮耀自編年

仙署棣華春當時已絕倫今朝丹闕下更入白眉人

重振高陽族分居要路津一門科第足五府辟書頻

鷲鳥得秋氣法星懸火旻聖朝寰海靜所至不埋輪

贊皇縣外送兵部蕭郎中刑部李郎中並以本官兼

重外高對中丞分命充京西京北覆糧使

霜簡映金章相輝同舍郎天威巡虎落星使出駕行

尊姐成全策京坻閱見糧歸來虜塵滅畫地奏明光

送李尚書鎮滑州自浙西觀察徵拜兵部侍郎月餘有此拜

南徐報政入文昌東郡須才別建章視草名高同蜀

客擁旄年少勝荀郎黃河一曲當城下緹騎千重照

路傍自古相門還出相如今人望在巖廊其後果繼韋平之族

送渾大夫赴豐州自大鴻臚拜家承舊勳

鳳銜新詔降恩華又見旌旗出渾家故吏來辭宰屬

國精兵願逐李輕車羶裘君長迎風懼錦領首豪躡

雲銜其柰明年好春日無人喚看牡丹花李令公

送源中丞充新羅冊立使之侍中之孫

相門才子稱華簪持節東行捧德音身帶霜威辭鳳

闕口傳天語到雞林煙開鼇背千尋碧日浴鯨波萬

頃金想見扶桑受恩後一時西拜盡傾心

送陸侍御歸淮南使府五韻用年韻

江左重詩篇陸生名久傳鳳城來已熟羊酪不嫌羶

歸路芙蓉府離堂瑤瑁筵秦山呈臘雪隋柳布新年

曾忝揚州薦因君達短牋時段丞相鎮揚州嘗辱表薦

曾亦州送太常蕭博士棄官歸養赴東都時九兄

少師仲兄為郎 蕭山呈謝書前林中陳平

兄弟盡驚鸞歸心切問安貪榮五采服遂挂兩梁冠

侍膳曾調鼎循陝更握蘭從今別君後長向德星看

而金賦自太常丞 送王司馬之陝州授工為詩

暫輟清齋出太常空攜詩卷赴甘棠府公既有朝中

舊司馬應容酒後狂案牘來時唯署字風煙入興便

成章兩京大道多遊客每遇詞人戰一場

聖德其來 洛中送楊處厚入關便遊蜀謁韋令公

洛陽秋日正淒淒君去西秦更向西舊學三冬今轉

富曾傷六翮養初齊王城曉入窺丹鳳蜀路晴來見

碧雞蚤識卧龍應有分不妨從此躡丹梯

洛中逢韓七中丞之吳興口號五首

昔年意氣結群英幾度朝回一字行海北天南零落

盡兩人相見洛陽城

自從雲散各東西每日歡娛却慘悽離別苦多相見

少一生心事在書題

今朝無意訴離杯何況清弦急管催本欲醉中輕遠

別不知翻引酒悲來

駱駝橋上蘋風起鸚鵡杯中箸下春水碧山青知好

處開顏士笑向何人
溪中士女出芭蘿
境春山攜妓採茶時
君思郢上吟歸去
舸綠蘿陰下到山莊
帶長只恐鳴騶催上道
不容待得晚菘嘗

發華州留別侍御賈

東簡下延閣買符驅短轅
切切別弦思蕭蕭征騎煩
臨歧無限意相視却忘言

張詩云夫子生知者相期
妙理中遂有忘言之句

奉送家兄歸王屋山隱居二首

陽洛山

陽洛天壇止依倚似玉京
夜分先見日月淨遠聞笙
雲路將雞犬丹臺有姓名
春來山事好歸去憶逍遙
水淨苔莎色露香芝朮苗
登臺吸瑞景飛步翼神飈
願薦損箎曲相將學玉簫
翩翩馬上郎驅傳渡三湘
素風傳竹帛高價騁琳琅
楚水多蘭若何人事寒芳

素月對別友人後得書因以詩贈

前時送君去揮手青門橋路轉不相見猶聞馬蕭蕭

今得出關書行塵日已遙春還遲君至共結芳蘭苕

登臺如欲奉送浙西李僕射相公赴鎮奉送至臨泉驛書禮見微

春來山重拙請時在汝州

建節陳行是舊遊歡聲喜氣滿吳州郡人重得黃丞

相童子爭迎郭細侯詔下初辭温室樹夢中先到景

陽樓自憐不識平津閣遙望旌旗汝水頭

重送浙西李相公頃廉問江南已經七載

後歷滑臺劍南兩鎮遂入相今復領舊地

江北萬人看玉節江南千騎引金饒鳳從池上遊滄

海鶴到遼東識舊巢城下清波含百谷窓中遠岫列

三茅碧雞白馬回翔久却憶朱方是樂郊

送華陰尉張若赴邕府使幕張即燕公之孫坐事除名

昔忝南宮郎往來東觀頻嘗披燕文傳聳若窺三辰

翊聖崇國本保賢正朝倫高視緬今古清風夏無鄰

蘭錡照通衢一家十朱輪鄴國嗣侯絕為鄉貴業貧

夫子承大名少年振芳塵青袍仙掌下矯首陵煙浸

公治本非罪潘郎一為民風霜苦搖落堅白無緇磷

一旦逢良時天光燭幽淪重為長裾客佐彼觀風臣
分野窮禹畫人煙過虞巡不言此行遠所樂相知新
雨起巫山陽鳥鳴湘水濱離筵出蒼莽別曲多愁辜
今朝一樽酒明日千里人彼此孤舟去悠悠天海春
晉泰尚宮送湘陽熊判官孺登府罷歸鍾陵因寄呈
江西裴中丞二十三兄

射策志未就從事府云除篋留馬卿賦袖有劉弘書
忽見夏木深悵然憶吾廬復持州民刺歸謁專城居
君家誠易知勝絕傾里閭人言北郭生門有卿相輿
鍾陵藹千里帶郭西江水朱檻照河宮旗亭綠雲裏

前年初缺守慎簡由宸宸臨軒弄郡章得人方付此
是時左馮翊天下第一理貴臣持牙璋復詔發青紙
迎風污吏免先令疲人喜何武効腐儒陳蕃禮高士

昔并君子堂腰下綬猶黃中丞時為汾陰有寶氣赤

筆多竒銍束簡下曲臺佩鞬來歷陽綺筵陪一笑蘭

室襲餘芳風水忽異勢江湖遂相忘因君僅借問為

話老滄浪中丞為博士製相國柳宜城謚議識者避

司徒以中丞林譽俱高欲令軍裝以重我府故授以

本州團練使滿坐觀腰鞬禮成驩甚相視而笑後房

燕樂卜夜縱談予忝司徒之賓時獲未坐初中丞自
尚書屯田負外郎出守鍾其武者今給事中穆公代
給事者右丞段公予不佞繼
右丞之後故曰襲餘芳焉

送常秀才道冲赴制舉

驚禽一辭巢棲息無以安秋扇一離手流塵蔽霜紈
故侶不可追涼風日已寒遠逢杜陵士別盡平生歡
逐客無印綬楚江多芷蘭因君時暇遊長缺不復彈
閱書南軒霽絙瑟清夜闌萬境身外寂一榻腹中寬
伊昔玄宗朝冬卿冠鴛鴦肅穆升內殿從容領儒冠
游夏無措詞陽秋垂不利至今群玉府學者空縱觀
世人希德門揭若攀峯巒之子向明訓錫如振琅玕
女旦西上書斑裳拂征鞍荆臺宿暮雨漢水浮春瀾
君門起天中多士如星攢烟霞覆雙闕打舞羅千官

清漏滴銅壺仙厨下雕盤熒煌仰金榜錯落飛濡翰
古來長策人所歎遭時難一鳴從此始相望青雲端
送李策秀才還湖南因寄幕中親故兼簡

白余辭衡州呂八郎中

深春風日淨爭長幽鳥鳴僕夫前致辭門有白面生
攝衣相問訊解帶坐南榮端志見眉睫苦言發精誠
因出懷中文調孤詞亦清悄如促柱弦掩抑多不平
乃言本蜀士世降岷山靈前人秉懿文高視來上京
曳綬司徒府所從信國楨析薪委空林善響難繼聲
何處翳附郭幾人思郾城雲天望喬木風水悲流萍

前與計使西始列貢士名森然就筆札從試春官卿
帝城岐路多萬足伺晨星茫茫風塵中工拙同有營
寒女勞夜織山苗榮寸莖侯門方擊鍾衣褐誰將迎
弱羽果摧頽壯心鬱怏怏諒無蟠木容聊復蓬累行
昨日訊靈龜繇言利艱貞當求捨拔中必在審已明
誓將息薄遊焦思窮筆精蔣蘭在幽渚安得揚藁馨
曰余摧落者散質負華纓一聆苦辛詞再動伊鬱情
身棄言不重愛才心尚驚恨無羊角風使爾化北溟
論罷情益親涉旬忘歸程日攜邑中客閑眺江上城
晝渴命金壘宵談轉璿衡蕙風香塵尾月露濡桃笙

忽被戒羸驂薄言事南征火雲蔚千里旅思浩已盈
湘江含碧虛衡嶺浮翠晶豈伊山水異適與人事并
油幕似崑丘粲然壘瑤瓊庾樓見清月孔坐多綠醴
復有衡山守本自雲龍庭至和在靈府發越侔咸英
一麾出營陽惠彼咄咄氓隼旟辭瀟水居者皆涕零
惟昔與伊人交歡在夙齡一從雲雨散滋我鄙悵萌
北渚不堪愁南音誰復聽離憂若去水浩漾無時停
嘗聞祝融峯上有神禹銘古石琅玕姿祕文螭虎形
聖功真遠服神物擁休禎賢人在其下仿像疑蓬瀛
君行歷郡齋大袂拂雙旌飾容遇朗鑒肝鬲可以呈

昔日馬相如臨邛坐盡傾勉君刷羽翰蚤取凌青冥
望心真意送張盥赴舉并引
古人以偕受學為同門友令人以偕升名為同年友
其語熟見播紳者皆道馬余於張盥為文人由是道
也曩吾見爾之始生以老成為祝今吾見爾之成人
以未立為憂吾不幸嚮所謂同年友當其盛時聯袂
齊鑣亘絕九衢若屏風然今來落落如曙星之相望
借曰會合不煩異席可長太息哉然而尚書右丞衛
大受兵部侍郎武庭碩二君者當時偉人咸萬夫之
望足以訂十朋之多也第如京師無騷騷爾無忤忤

爾時秋也吾為若叩商之謳幸有感夫二君子如斯
爾生始懸孤我作坐上賓引箸舉湯餅祝詞天麒麟
今成一丈夫坎軻愁風塵長裾來謁我自號廬山人
道舊與撫孤悄然傷我神依依見眉睫嘿嘿含悲辛
永懷同年友追想出谷晨三十二君子齊飛陵煙旻
曲江一會時後會已彫淪况今三十載閱世難重陳
盛時一已過來者日日新不如搖落樹重有明年春
火後見琮璜霜餘識松筠肅機乃獨秀武部亦絕倫
爾今持我詩西見二重臣成賢必念舊保貴在安貧
清時為情郎氣力侔陶鈞乞取斗升水因之雲漢津

晉人裴昌禹讀書數千卷於周官小戴禮尤邃性是
古敢言雖侯王不能卑下故與世相參差凡抵有位
以索合行天下幾反依戶通常歎諸侯莫可遊欲干見
天子而未有路會今年詔書徵賢良昌禹大喜以為
盡可以豁平生搏髀爵躍曰一觀雲龍庭足矣繇是
裹三月糧而西祖咨余以七言為西遊之資藉耳
裴生久在風塵裏氣勁言高少知己注書曾學鄭司
農歷國多於孔夫子往年訪我到連州無窮絕境終
日遊登山雨中試蠟屐入洞夏裏披貂裘白帝城邊

又相遇歛翼三年不飛去忽然結束如秋蓬自稱對
策明光宮人言策中說何事掉頭不答看飛鴻彤庭
翠松迎曉日鳳銜金榜雲間出中貴腰鞭立傾酒宰
臣委佩觀搖筆古稱射策如彎弧一發偶中何時無
由來草澤無忌諱努力滿挽當雲衢憶得童年識君
處嘉禾驛後聯牆住垂鈎鬪得王餘魚蹋芳共登蘇
小墓此事今同夢想間相看一笑且開顏老大希逢
舊鄰里為君扶病到方山

蘭州行下和州送錢侍御自宣州幕拜官便於華州

五粒齋不觀省

五綵繡衣裳當年正相稱春風舊關路歸去真多興
蘭陵行可採蓮府猶回瞪楊家紺幃迎侍御即王相公貴壻謝
守璠華贈宣州崔相公御街草泛濫臺柏烟含凝曾
是平昔遊無因理歸乘

長安舊遊四十載鄂渚一別十四年後來富貴已零
將赴汝州途出浚下留辭李相公

落歲寒松柏猶依然初逢貞元尚文主雲闕天池共
翔舞相省却數六朝臣屈指如今無四五夷門天下
之咽喉昔時往往生瘡疣聯翩舊相來鎮壓四海吐
納皆通流久別凡經幾多事何由說得平生意千思

萬慮盡如空一笑一言真可貴世間何事最殷勤白
頭將相逢故人功名遂會歸老請向東山為近隣
昔年山陰送令狐相公自僕射出鎮南梁

夏木正陰成戎裝出帝京沾襟辭闕淚回首別鄉情
雲樹襄中路風烟漢上城前旌轉谷去後騎蹋橋聲
久領鴛行重無嫌虎綬輕終當提一筆再入副蒼生
送趙中丞自司金外郎轉官參山南令狐

僕射幕府趙氏兄弟皆僕射門客

綠樹滿襄斜西南蜀路賒驛門臨白社縣道過黃花
相府開油幕門生逐絳紗行者布政後還從入京華

奉送裴司徒令公自東都留守再命太原

本封晉國公兩任相去十六年

星使出關東兵符賜上公山河歸舊國管籥換離宮
行色旌旗動軍聲鼓角雄愛崇餘故吏騎竹見新童
漢壘三秋靜胡沙萬里空其如天下望旦夕詠清風
奉送李戶部侍郎自河南尹再除本官歸

夏木新闕

昔年內署振雄詞今日東都結去思宮女猶傳洞簫
賦國人先詠袞衣詩華星却復文昌位別鶴重歸太
一池想到金門待通籍一時驚喜見風儀

送蘄州李郎中赴任

楚關蘄水路非賒東望雲山日夕佳薤葉照人呈夏
簞松花滿盃試新茶樓中飲興因明月江上詩情為
晚霞北地交親長引領蚤將玄鬢到京華

洛中春末送杜錄事赴蘄州

尊前花下長相見明日忽為千里人君過午橋回首
望洛城猶自有殘春

夜宴福建盧侍御宅因送之鎮

暫駐旌旗洛水隄綺筵紅燭醉蘭闥美人美酒長相
逐莫怕猿聲發建溪

洛中送崔司業使君挾侍赴唐州

綠野方城路殘春柳絮飛風鳴驩驪馬日照老萊衣
洛苑魚書至江村鴈戶歸相思望淮水雙鯉不應稀

送河南皇甫少尹赴絳州

祖帳臨周道前旌指晉城午橋群吏散亥字老人迎
詩酒同行樂別離方見情從茲洛陽社吟詠欠書生

送前進士蔡京赴學究科

時舊相楊尚書掌選

耳聞戰鼓帶經鋤振發名聲自里閭已是世間能賦
客更攻憲下絕編書朱門達者誰能識絳帳諸生盡
不如幸遇天官舊丞相知君無翼上空虛

送唐舍人出鎮閩中

暫辭鴛鴦出蓬瀛忽擁貔貅鎮粵城閩嶺夏雲迎皂
蓋建溪秋樹映紅旌山川遠地由來好富貴當年別
有情了却人間婚嫁事復歸朝右作公卿

送盧處士歸嵩山別業

世業嵩山隱雲深無四鄰藥鑪燒姹女酒甕貯賢人
曉日華陰霧秋風函谷塵送君從此去鈴閣少談賓

送李友路秀才赴舉

誰憐相門子不語望秋山生長紈綺內辛勤筆硯間
榮親在名字好學棄官班佇候明年桂高堂開笑顏

榮歸式送國子令狐博士赴興元觀省
相門才子高陽族學省清資五品官諫院過時榮棣
萼謝庭歸去躡芝蘭山頭花帶烟嵐晚棧底江涵雪
水寒伯仲到家人盡賀柳營蓮府遞相歡
家襲韋平身業文素風清白至今貧南宮通籍新郎
吏西侯從戎舊主人城外草黃秋有雪烽頭煙靜虜
無塵鼎門為別霜天晚賸把離觴三五巡

送分司陳郎中祗召直史館重修三聖實錄

蟬鳴官樹引行車言自成周赴玉除遠取南朝貴公
子重修東觀帝王書常時載筆窺金匱暇日登樓到
石渠若問舊人劉子政如今頭白在商於

送李中丞赴楚州

緹騎朱旗入楚城士林皆賀振家聲兒童但喜迎賢
守故吏猶應記小名萬頃水田連郭秀四時煙月映
淮清憶君初得崑山玉同向揚州攜手行

送李庾先輩赴選

一家何啻十朱輪諸父雙飛秉大鈞曾脫素衣參幕
客却為精舍讀書人離筵洛水侵梧色征路函關向

晚塵今日山公舊賓主知君不負帝城春

一
送廖參謀東遊二首

九陌逢君又別離行雲別鶴本無期望高樓上忽相

見看過花開花落時

繁花落盡君辭去綠草垂楊引征路東道諸侯皆故人留連必是多情處

送從弟郎中赴浙西并引

從弟三復十餘年間凡三為浙右從事往年主公入相薦敬登朝中復從公鎮南未幾而罷昨以尚書外郎奉使至洛旋承新命改轅而東三從公皆在舊地

徵諸故事莫無其倫故賦詩贈之亦志異也

銜命出尚書新恩換使車漢庭無右者梁苑重歸歟
又食建業水曾依京口居

劉前軍傳云本共經何限
京口世家

事實主兩如初

劉賓客文集卷第二十八

劉賓客文集卷第二十九

送僧二十四首

小意風土贈別君素上人并引

曩子習禮之中庸至不勉而中不思而得懔然知聖人之德學以至於無學然而斯言也猶示行者以室廬之奧耳求其徑術而布武未易得也晚讀佛書見大雄念物之普級寶山而梯之高揭慧火巧鎔惡見廣踈便門旁束邪徑其所證入如舟沿川未始念於前而日遠矣夫何勉而思之邪是余知突音奧於中庸啓鍵關於內典會而歸之猶初心也不知予者誚

予困而後援佛謂道有二焉夫悟不因人在心而已
其證也猶啗人之享太牢信知其味而不能形於言
以聞于耳也口耳之間無寸耳尚不可使聞它人之
不吾知宜矣開士君素偶得予於所親一麻棲草千
里來訪素以道眼視予予以所視視之不由陞級攜
手智地居數日告有得而行乃為詩以見志云
窮巷唯秋草高僧獨扣門相歡如舊識問法到無言
水為風生浪珠非塵可昏去來皆是道此別不銷魂

送深法師遊南岳

上人本在資聖寺

師在白雲鄉名登善法堂十方傳句偈八部會壇場

飛錫無定所寶書留舊房唯應銜草鴈相送至衡陽
廣宣上人寄在蜀與韋令公唱和詩卷因以令公手札答詩示之

碧雲佳句久傳芳曾向成都住草堂振錫常過長者
宅披文猶帶令公香一時風景添詩思八部人天入
道場若許相期同結社吾家本自有柴桑
釋子道成神氣閑住持曾上清涼山晴空禮拜見真
像金毛五髻御雲間西遊長安隸僧籍本是門前曲
江碧松間白月照寶書竹下香泉灑瑤席前時學得

經論成奔馳象馬開禪局高筵談柄一麾拂講下聽
徒如醉醒舊聞南方多長老次第來入荆門道荆州
本自重彌天南朝塔廟猶依然宴坐東陽枯樹下經
行居止故臺邊忽憶遺民社中客為我衡陽駐飛錫
講罷同尋相鶴經閑來共蠟登山屐一旦揚眉望沃
州自言王謝許同遊憑將雜擬三十首寄與江南湯
慧休

送僧元嵩南遊并引

予策名二十年百慮而無一得然後知世所謂道無
非畏途唯出世間法可盡心耳繇是在席覲者多旁

行

胡岡反

四向之書備將迎者皆赤顏白足之侶深入

智地靜通還源客塵觀盡妙氣來宅內視胷中猶煎
鍊然開士元嵩姓陶氏本丹陽居家世有人爵不藉
其資於毗尼禪那極細字之義於中後日習總持之
門妙音奮迅願力昭荅雅聞予事佛而佞亟來相從
或問師隳形之自對曰小失怙恃推棘心以求上乘
積四十年有羸老將至而不懈始悲浚泉之有冽今
痛防墓之未遷塗芻莫備薪火恐滅諸相皆離此心
長懸雖萬性歸佛盡為釋種如何入海無復水名然
其一切智者豈遺百行求無量義者寧容斷思今聞

南諸侯雅多大士思扣以苦調而希其末光無容至
前有足悲者予聞是說已力不足而悲有餘因為詩
以送之庶乎踐霜露者聆之有惻然能時時覺也
寶書翻譯學初成振錫如飛白足輕彭澤因家凡幾
世靈山預會是前生傳鐙已寤無為理濡露猶懷罔
極情從此多逢大居士何人不願解珠璣
其資外如送如智法師遊辰州兼寄許評事
前日過蕭寺看師上講筵都人禮白足施者散金錢
方便無非教經行不廢禪還知習居士發論待彌天
贈長沙讚頭陀

外道邪山千萬重真言一發盡摧峯有時明月無人
夜獨向昭潭制惡龍

送慧則法師上都因呈廣宣上人

并引師精
淨名經

佛示滅後大弟子演聖言而成經傳心印曰法承法
而能專曰宗由宗而分教曰友坐而攝化者勝義皆
空之宗也行而宣教者摧破邪山之友也釋子慧則
生於像季思濟劫濁乃學於一友開彼群迷以為盡
妙理者莫如法門變凡夫者莫如佛土悟無染者莫
如散花故業于淨名深達實相自京師涉漢沔歷鄢
郢登熊湘聽徒百千耳感心化法無住道行而歸願

予有社內之因故言別之日爰緣瞥起時也秋盡詠
江淹雜擬以送之前見宣上人為我多謝
昨日東林看講時都人象馬蹋瑠璃雪山童子應前
世金粟如來是本師一錫言歸九城路三衣曾拂萬
年枝休公久別如相問楚客逢秋心更悲
而稍長曰秋日過鴻舉法師寺院便送歸江陵并引
梵言沙門猶華言去欲也能離欲則方寸地虛虛而
萬景入入必有所泄乃形乎詞詞妙而深者必依于
聲律故自近古而降釋子以詩聞于世者相踵焉因
定而得境故脩然以清由慧而遣詞故粹然以麗信

禪林之蘊萼而誠河之珠璣耳初鴻舉學詩於荆郢
間私試竊詠發於餘習蓋榛楛之翠羽弋者未之眄
焉今年至武陵二千石始竒之有起予之歎以方枘
親絳紗者十有餘旬繇是名稍聞而執愈變閏八月
余步出城東門謁仁祠而鴻舉在焉與之言移時因
告以將去且曰貧道雅聞東諸侯之工為詩者莫若
武陵今幸承其語言如得法印寶山之下宜有所持
豈徒衣衲之中衆花而已余聞是說乃叩齒而吟成
一章章八句郡守以坐嘯餘詠激清微而應之師其
行乎足以資一時中之學矣

看畫長廊遍尋僧一徑幽小池兼鶴淨古木帶蟬秋
客至茶煙起禽歸講席收浮杯明日去相望水悠悠
重送鴻舉赴江陵謁馬逢侍御
西北秋風彫蕙蘭洞庭波上碧雲寒茂陵才子江陵
住乞取新詩合掌看

余出知送僧方及南謂柳負外并引

九江僧方及既出家依庐山一時中頗屬詩以攄思
古詩人暨今號為能賦有輒求其詞吟呻之拳拳然
多多益嗜影不出山者十年常登最高峯四望天海
沖然有遠遊之志頓錫而言曰神馳而形闕者方內

之徒及吾無方間於何者繇是耳得必目探之意行

必身隨之雲遊鳥介虛筵無迹而遠予為連州居無

何而方及至出械中詩一篇以贖予其詞甚富留一

歲觀其行結矩如教益多之一旦以行日來告且曰

雅聞鳥味之下有賢諸侯願躋其門如蹈十地敢乞

詞以抵之予唯而賦頌其有重請之色起於顏間耳

昔事廬山遠精舍虎溪東朝陽照瀑水樓閣虹霓中

騁望羨游雲振衣若秋蓬舊房閉松月遠思吟江風

古寺歷頭陀竒峯攀祝融南登小桂嶺卻望歸塞鴻

衣械貯文章自言學雕蟲捨榆念陵厲覆篋圖穿崇

遠郡多暇日有詩訪禪宮石門聳峭絕竹院含空濛
幽響滴巖溜晴芳飄野叢海雲懸颯母山果屬祖公
忽憶吳興郡白蘋正惹龍願言挹風采邈若窺華嵩
桂水夏瀾急火山宵焰紅三衣濡商露一錫飛煙空
勿謂翻譯徒不為文雅雄古來賞音者樵爨得孤桐
按祖公宜并賦茅者而越絕書有猿公張衡賦南都
有猿父長嘯之句古文士又云權父繇是而言謂猿
為父
舊矣

贈日本僧智藏

浮楫萬里過滄溟遍禮名山適性靈深夜降龍潭水
黑新秋放鶴野田青身無彼我那懷土心會真如不

讀經為問中華學道者幾人雄猛得寧馨

贈眼醫婆羅門僧

三秋傷望遠終日泣途窮兩目今先暗中年似老翁
看朱漸成碧羞日不禁風師有金篦術如何為發蒙

海陽湖別浩初師并引

瀟湘間無土山無濁水民乘是氣徃徃清慧而文長
沙人浩初生既因地而清矣故去葷洗慮剔顛毛而
壞其衣居一都之殷易與士會得執外教盡捐苛禮
自公侯守相必賜其清間耳目灌注習淳於性而里
中兒賢適與浩初比者嬰冠帶褻妻子吏得以乘陵

之汨沒天慧不得自奮莫可望浩初之清光於侯門
上坐第自吟羨而已浩初益自多其術尤勇於近達
者而歸之往年之臨賀言侍郎楊公留歲餘公遣以
七言詩手筆于素前年省柳儀曹于龍城又為賦三
篇皆章書今復來連山以前所得雙南金出於械亟
請余賡之按師為詩頗清而奕棊至第三品二道皆
足以取幸於士大夫宜薰餘習以深入也會吳郡以
山水冠世海陽又以竒甲一州師慕道於泉石宜篤
故攜之以嬉及言旋復引與共載於湖上奕於樹石
間以植沃州之因緣且賦詩具道其事

近郭有殊境獨遊常鮮懽逢君駐緇錫觀白稱林巒
湖滿景方霽野香春未闌愛泉移席近聞石輟棊看
風止松猶韻花繁露晚乾橋形出樹曲巖影落池寒
湘東架陰凡四橋山下出泉逗為池泓
澄可愛者不可遍舉故狀其境以貽好事別路千嶂
裏詩情莫雲端它年買山處似此則隳官

徐世英觀棊歌送儂師西游

長沙男子東林師閑讀執經工奕棊有時凝思如入
定暗覆一局誰能知今年訪余來小桂方袍袖中貯
新勢山城無事愁日長白晝懵懵眠匡牀因君臨局
看鬪智不覺遲景沈西牆自從山人遇樵子直到開

元王長史前身後身付餘習百變千化無窮已初疑
磊落曙天星次見搏擊三秋兵鴈行布陳衆未曉虎
穴得子人皆驚行盡三湘不逢敵終日饒人損機格
自言臺閣有知音悠然遠起西遊心商山夏木陰寂
寂好處裴回駐飛錫忽思爭道畫平沙獨笑無言心
有適藹藹京城在九天貴遊豪士足華筵此時一行
出人意賭取聲名不要錢

贈別約師并引

荆州人文約市井生而雲鶴性故去掌為浮圖生寤
而證入與南抵六祖始生之墟得遺教甚悉今年訪

余于連州且曰貧道昔浮湘川會柳儀曹謫零陵宅
于佛寺幸聯棟而居者有年繇是時人大士得落耳
界夫聞為見因今日之來曩時之因耳時儀曹牧柳
州與八句贈別

師逢吳興守相伴住禪扃春雨同栽樹秋銓對講經
廬山曾結社桂水遠揚舲話舊還惆悵天南望柳星
送鴻舉師江南并引

始余謫朗州爾時是師振麻衣斐然而前持文篇以
為僧贄唧唧而清如蟲吟秋自然之響無有假合有
足佳者故為賦二章以聲之距今年遇于建平赤顛

益蕃文思益深而內外學益富既訊已探械中出前
所與詩閱之紙勞墨瘁與我同來因思夫苒苒之光
渾渾之輪時而言有初中後之分日而言有今昨明
之稱身而言有幼壯艾之期乃至一磬救一彈指中
際皆具何必求三生以異身邪然而視余之文昔與
今有筵楹之別視余之書昔與今有鈞石之懸視余
之仕昔與今乃唯阿之差耳豈有工拙之數存乎其
間哉蓋可勉而進者與日月而至矣彼儻來外物雖
日月無能至焉是歲師告余遊江西復為賦七言以
為遊地爾且曰

禪客學禪兼學文出山初似無心雲從風卷舒來處
處繚繞巴山不得去山州古寺好閑居讀盡龍王宮
裏書使君灘頭揀石硯白帝城邊尋野蔬忽然登高
心瞥起又欲浮杯信流水烟波浩淼魚鳥情東去三
千三百里荆門破斷無盤渦湘平漢闊清光多廬山
霧開見瀑布江西月淨聞漁歌鍾陵八部多名守半
是西方社中友與師相見便談空想得高齋師子吼
送霄韻上人遊天台
曲江僧向松江見又道天台看石橋鶴戀故巢雲戀
岫比君猶自不逍遙

送義舟師卻還黔南 并引

黔之鄉在秦楚為爭地近世人多過言其幽荒以談
笑聞者又從而張皇之猶夫東溘逐原燎或近乎語
妖適有沙門義舟道黔江而來能畫地為山川及條
其風俗纖悉可信且曰負道以一錫遊它方衆矣至
黔而不知其遠始遇前節使而聞今節使益賢而文
故其佐多才士摩圍之下曳裾秉筆彬然與兔園同
風蕃僧以外學嗜篇章時或攝衣為末至客其來也
約主人乘秋風而還今乞詞以鵬之如捧意珠行住
坐卧知相好耳余曰唯命筆為七言以應之

黔江秋水浸雲霓獨泛慈航路不迷猿狖窺齋林葉
動蛟龍聞呪浪花低如蓮半偈心常悟問菊新詩手
自攜常說摩圍似靈鷲卻將山屐上丹梯

送景玄師東歸 并引

廬山僧景玄袖詩一軸來謂往往有句輕而道如鶴
雛襪從未有六翮而步舒視遠憂然一咲乃非泥滓
間物獻詩已斂衽而辭且曰其來也與故山秋為期
夫丐者僧事也今無它請唯文是求故賦一篇以代
瓔珞耳
東林寺裏一沙彌心愛當時才子詩山下偶隨流水

出秋來卻赴白雲期灘頭躡屐挑沙棠路上停舟讀
古碑想到舊房拋錫杖小松應有過檐枝

重疊稽亭路山僧歸獨行遠峯斜日影本寺舊鐘聲
徒侶問新事烟雲含別情應誇乞食處蹋遍鳳凰城

送惟良上人并引

以貌窺天者曰乾然健單于然而高以數迎天者曰
其用四十有九天果以有形而不能脫乎數立象以
推災既成而遺之古所謂神交造物者非空言耳軒
皇受天命其佐皆聖人故得之惟唐繼天德如黃帝

有外臣一行亦聖之徒與刊曆考元書成化去今丹
徒人惟良生而能知非自外求以乾坤之災當十期
之數凝神運指上感躔次視玄黃溟滓無倪有常絕
機泯知獨以神會數起於復之初九音生乎黃鍾之
宮積微本隱言與化合夫天人之數極而含變變而
靡不通神趨鬼懼不足駭也惟良得一行之道故亦
慕其為外臣謬謂余為世間聰明了子來訪初以說
合至于不言言息而理冥復申之以嗟歎曰師其庶
幾乎信神與之而不能測神之所以付信術通之而
不能知術之所以淺哉余聞乎曾井蛙醯雞之不若

也長慶四年冬十一月甲子語至夜艾遂為詩以誌
高齋灑寒水是夕山僧至玄牝無閑鎖瓊書捨文字
鎔明香滿室月午霜凝地語到不言時世間人盡睡
暮其色水送元簡上人適越
孤雲出岫本無依勝境名山即是歸久向吳門遊好
寺還思越水洗塵機浙江濤驚師子吼稽嶺峯疑靈
鷲飛更入天台石橋路垂珠璀璨拂三衣
送宗密上人歸南山草堂寺因詣河南尹
白侍郎
宿習脩來得慧根多聞第一卻忘言自從七祖傳心

印不要三乘入便門東泛滄江尋古跡西歸紫閣出
塵喧河南白尹大檀越好把真經相對翻

劉賓客文集卷第二十九

劉賓客文集卷第三十

哀挽悲傷三十八首

德宗神武孝文皇帝挽歌二首

出震清多難乘時播大鈞操弦調六氣揮翰動三辰

運偶升天日哀深率土人瑤池無轍跡誰見屬車塵

鳳翼擁銘旌威運異吉行漢儀陳祕器楚挽咽繁聲

駐紼辭清廟凝笳背直城唯應留內傳知是向蓬瀛

敬宗睿武昭愍孝皇帝挽歌三首

寶曆方無限仙期忽有涯事親崇漢禮傳聖法殷家

晚出笑容闕春歸棠棣華玉輪今日動不是畫雲車

任賢勞寔寐登位富春秋欲遂東人幸寧虞杞國憂
長楊收羽騎太液泊龍舟唯有衣冠在年年愴月遊
講學金華殿親耕鉤盾田侍臣容諫獵方士信求仙
虹影俄侵日龍顛不上天空餘水銀海長照夜鏡前
鳳皇縣文宗元聖昭獻孝皇帝挽歌三首
繼體三才理承顏九族親禹功留海內殷曆付天倫
調露曲長在秋風詞尚新本支方百代先讓棣華春
月落宮車動風淒儀仗間路唯瞻鳳翥人尚想龍顏
御宇方無事乘雲遂不還聖情悲望處日下西山
享國十五載升天千萬年龍鑣仙路遠騎吹禮容全

日下初陵外人悲舊劍前周南有遺老掩淚望秦川
故相國燕國公于司空挽歌二首

彤弓封舊國黑稍繼前功十年鎮南雍九命作司空
池臺樂事盡簫鼓葬儀雄一代英豪氣曉散白揚風
陰山貴公子來葬五陵西前馬悲無主猶帶朔風嘶
漢水青山郭襄陽白銅蹄至今有遺愛日暮人悽悽
重至衡陽傷柳儀曹并引

元和乙未歲與故人柳子厚臨湘水為別柳浮舟適
柳州余登陸赴連州後五年余從故道出桂嶺至前
別處而君沒於南中因賦詩以投弔

憶昨與故人湘江岸頭別我馬映林嘶君颿轉山滅
馬嘶循故道颿滅如流電千里江籬春故人今不見

示心木謫居悼往二首

邑邑何邑邑長沙地卑濕樓上見春多花前恨風急
猿愁腸斷叫鶴病翹趾立牛衣獨自眠誰哀仲卿泣
鬱鬱何鬱鬱長安遠於日終日念鄉關燕來鴻復還
潘岳歲寒思屈平顛顛顏殷勤望歸路無雨即登山

哭呂衡州時余方謫居

一夜霜風彫玉芝蒼生望絕士林悲空懷濟世安人
略不見男婚女嫁時遺草一函歸太史旅墳三尺近

要離朔方徙歲行當滿欲為君刊第二碑

遙傷段右丞

江湖舊遊
南宮交代

江海多豪氣朝廷有直聲何言馬蹄下一旦是佳城

傷桃源薛道士

壇邊松在鶴巢空白鹿閑行舊逕中手植紅桃千樹
發滿山無主任春風

王思道碑堂下作

蒼蒼宰樹起寒烟尚有威名海內傳四府舊聞多故
吏幾人垂淚拜碑前

遙傷丘中丞并引

河南丘絳有詞藻與余同升進士科從事鄴下不幸
遇害故為傷詞

鄴下殺才子蒼忙冤氣凝枯楊映漳水野火上西陵
馬鬣今無所龍門昔共登何人為弔客唯是有青蠅
傷獨孤舍人并引

貞元中余以御史監祠事河南獨孤生始仕為奉禮
郎有事宗廟郊時必與之俱繇是甚熟及余謫武陵
九年間獨孤生仕至中書舍人視草禁中上方許以
宰相元和十年春余祇召抵京師次都亭日舍人疾
不起余聞因作傷詞以為弔

昔別一年少今悲喪國華遠來同社燕不見早梅花
途次敷水驛伏觀華州舅氏昔日行縣題
詩處潜然有感

昔日股肱守朱輪茲地遊繁華日已謝章句此空留
蔓草佳城閉故林棠樹秋今來重垂淚不忍過西州
湖南觀察使故相國袁公挽歌三首
五驅龍虎節一入鳳凰池令尹自無喜羊公人不疑
天歸京兆日葉下洞庭時湘水秋風至淒涼吹素旗
丹旒發江臯人悲鴈亦號湘南罷夾市漢上改詞曹
表墓雙碑立尊名一字褒常聞平楚獄為報里門高

返葬三千里荆衡達帝畿逢人即故吏拜奠盡沾衣
地得青烏相賓驚白鶴飛五公碑尚在今日亦同歸
靖安丞相武公居里名也元和十一年六月公將朝
夜漏未盡三刻騎出里門遇盜薨于墻下初公為郎
余為御史繇是有舊故今守于遠服賤不可以誅又
不得為歌詩聲于楚挽故代作佳人怨以埤于樂府
寶馬鳴珂蹋曉塵魚文匕首犯車茵適來行哭里門
外昨夜華堂歌舞人
秉燭朝天遂不回路人彈指望高臺墻東便是傷心

地夜夜秋螢飛去來

傷愚溪三首并引

故人柳子厚之謫永州得勝地結茅樹蔬為沼泚為
臺榭目曰愚溪柳子沒三年有僧遊零陵告余曰愚
溪無復曩時矣一聞僧言悲不能自勝遂以所聞為
七言以寄恨

溪水悠悠春自來草堂無主燕飛回隔簾惟見中庭
草一樹山榴依舊開
草聖數行留壁壞木奴千樹屬鄰家唯見里門通德
榜殘陽寂寞出樵車

柳門竹巷依依在野草青苔日月多縱有鄰人解吹
笛山陽舊侶更誰過
草一樹山碧澗寺見元九侍御和展上人詩有三生
廊下題詩滿壁塵塔前松樹已鱗皴古來唯有王文
度重見平生竺道人

臺榭日傷秦姝行并引

河南房開士前為虞部郎中為余語曰我得善箏人
于長安懷遠里其後開士為赤縣牧容州求國工而
誨之藝工而天今年開士遺予新詩有悼佳人之目

顧予知所自也惜其有良妓獲所從而不可克己乃為
傷詞以貽開士

長安二月花滿城插花女兒弄銀箏南宮仙郎下朝
晚曲頭駐馬聞新聲馬蹄遶遲心蕩漾高樓已遠猶
頻望此時意重千金輕烏傳消息紺輪迎芳筵銀燭
一相見淺笑低鬟初自成蜀弦錚錚指如玉皇帝弟
子常家曲青牛文梓赤金簧玫瑰寶柱秋鴈行斂蛾
收袂凝清光抽弦緩調怨且長八鸞鏘鏘渡銀漢九
雛威鳳鳴朝陽曲終韻盡意不足餘思悄絕愁空堂
從郎鎮南別城闕樓船理曲瀟湘月馮夷躑躑舞淥

波鮫人出聽傳綃梭北池含煙瑤草短萬松亭下清

風滿北池萬松皆秦聲一曲此時聞嶺泉鳴咽南雲

斷來自長陵小市東舜華零落瘴江風侍兒掩泣收

銀甲鸚鵡不言愁玉籠博山鑪中香自滅鏡奩塵暗

同心結從此東山非昔遊長嗟人與弦俱絕

蘇聖地夔州竇負外使君見示悼妓詩願余嘗識

吳丑之因命同作

前年曾見兩鬟時今日驚吟悼妓詩鳳管學成知有

籍龍媒欲換歎無期空廊月照常行地後院花開舊

折妓寂寞魚山青草裏何人更立智瓊祠

卦卦攀景竇夔州見寄寒食日憶故姬小紅吹笙因

和之

鸞聲窈眇管參差清韻初調衆樂隨幽院妝成花下

弄高樓月好夜深吹忽驚莫槿飄零盡唯有朝雲夢

想期聞道今年寒食日東山舊路獨行遲

傷循州渾尚書

貴人淪落路人哀碧海連天丹旆回遙想長安此時

節朱門深巷百花開

劫社今曉哭龐京兆少年有俊氣嘗

俊骨英才氣寢然策名飛步冠群賢逢時已自致高

位得疾還因倚少年天上別歸京兆府人間空歎茂
陵阡今朝總帳哭君處前日見鋪歌舞筵

臨未聞新再傷龐尹

京兆歸何處章臺空暮塵可憐鸞鏡下哭殺畫眉人

哭王僕射相公

名播時兼
鹽鐵暴薨

于侯一日病滕公千載歸門庭颯已變風物慘無輝
群吏謁新府舊賓沾素衣歌堂忽暮哭賀雀盡驚飛

傷韋賓客

自工部尚
書除賓客

韋公八十餘位至六尚書五福唯無富一生誰得如
桂枝攀最久蘭省出仍初海內時流盡何人動素車

再經故元九相公宅池上作

故池春又至一到一傷情鴈鷺群猶下蛙蟻衣已生
竹叢身後長臺勢雨來傾六尺孤安在人間未有名

年

位得我運因情以生天
法所合胡德特又君
其傷龐少
宋此
下
入
問
未
有
名

劉賓客文集卷第三十





